



An Bhruiséil, 29 Bealtaine 2018
(OR. en)

9350/18

**Comhad Idirinstitiúideach:
2017/0225 (COD)**

**CYBER 115
TELECOM 152
CODEC 860
COPEN 163
COPS 175
COSI 129
CSC 170
CSCI 80
IND 143
JAI 514
JAIEX 55
POLMIL 61
RELEX 463**

NÓTA

ó:	An Uachtaránacht
chuig:	An Chomhairle
Uimh. an doic. roimhe seo:	8834/18
Uimh. an doic. ón gCoim.:	12183/17
Ábhar:	Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE maidir le ENISA, "Gníomhaireacht um chibearshlándáil an Aontais Eorpaigh", agus lena n-aisghairtear Rialachán (AE) Uimh. 526/2013, agus maidir le deimhniú i ndáil le cibearshlándáil theicneolaíocht na faisnéise agus na cumarsáide ("an Gníomh um Chibearshlándáil") - Cur chuige ginearálta

I. RÉAMHRÁ

1. Ar an 13 Meán Fómhair 2017, mar chuid dá straitéis don mhargadh aonair digiteach, ghlac an Coimisiún an togra thuasluaite¹, agus Airteagal 114 CFAE mar bhunús dlí leis, gur sheol chuig an gComhairle agus chuig Parlaimint na hEorpa é. Ina cháil mar chuid den 'phacáiste Chibearshlándála' (mar a thugtar air), féachtar sa togra seo le hardleibhéal cibearshlándála, cibear-athléimneachta, agus iontaoibhe a bhaint amach laistigh den Aontas d'fhonn a áirithiú go bhfeidhmeoidh an margadh inmheánach mar is ceart.
2. Leagtar síos sa Rialachán atá beartaithe cuspóirí, cúraimí, agus gnéithe eagraíochtúla ENISA – Gníomhaireacht Cibearshlándála an Aontais Eorpaigh – agus cruthaítear ann creat lena mbunófar scéimeanna deimhniúcháin Eorpacha i ndáil le cibearshlándáil ionas go n-áiritheofar leibhéal leordhóthanach cibearshlándála do tháirgí agus seirbhísí TFC san Aontas. Ag gabháil leis an moladh ón gCoimisiún, tá measúnú tionchair, ina ndéantar iniúchadh ar thacar sonrach de roghanna beartais (ocht gcinn acu), a chuimsíonn an t-athbhreithniú ar an deimhniú ENISA agus TFC i ndáil le cibearshlándáil.
3. Dhá phríomhchuid atá sa Rialachán atá á bheartú:
 - Buan-sainordú ina leagfar amach raon don Ghníomhaireacht i bhfianaise na riachtanas atá ann de bhun na dtosaíochtaí agus ionstraimí nua beartais, agus tacar cúraimí agus feidhmeanna athnuaite don Ghníomhaireacht, ionas gur féidir tacú go héifeachtach agus go héifeachtúil leis na hiarrachtaí a dhéanfaidh na Ballstáit, institiúidí an Aontais, agus geallsealbhóirí eile ar mhaithe le cibearspás slán a bhaint amach;
 - creat Eorpach um dheimhniú i ndáil le cibearshlándáil do tháirgí agus seirbhísí TFC, agus rialacha lena rialaítear scéimeanna Eorpacha um dheimhniú i ndáil le cibearshlándáil lena dtugtar bailíocht ar fud an Aontais do dheimhnithe arna n-eisiúint faoi na scéimeanna sin agus lena dtéitear i ngleic leis an ilroinnt atá á déanamh i láthair na huaire ar an margadh.

¹ 12183/17; 12183/1/17 REV 1; 12183/2/17 REV 2.

4. I mí Dheireadh Fómhair 2017, d'iarr an Coimisiún ² Eorpach go ndéanfaí tograí cibearshlándála an Choimisiúin a fhorbairt ar bhealach iomlánaíoch, agus go ndéanfaí iad a thíolacadh in am trátha agus a scrúdú gan mhoill, ar bhonn plean gníomhaíochta de chuid na Comhairle.
5. Ar an 12 Nollaig 2017, ghlac an Chomhairle Gnóthaí Ginearálta an Plean Gníomhaíochta³ lena gcuirfear chun feidhme na Conclúidí ón gComhairle⁴ maidir leis an Teachtaireacht Chomhpháirteach⁵ chuig Parlaimint na hEorpa agus chuig an gComhairle: 'Athléimneacht, Bacadh agus Cosaint: Cibearshlándáil láidir a thógáil don Aontas Eorpach'. Ba léiriú an Plean Gníomhaíochta sin ar uaillmhian na Comhairle teacht ar chur chuige ginearálta i dtaobh an togra faoi mhí an Mheithimh 2018.
6. I bParlaimint na hEorpa, ceapadh Angelika NIEBLER (ITRE, EPP) ina rapóirtéir. Don 19 Meitheamh 2018 atá an vóta a chaithfidh an Coiste ITRE ar an tuarascáil beartaithe.
7. Ghlac Coiste Eacnamaíoch agus Sóisialta na hEorpa a thuairim ar an 14 Feabhra 2018.

II. OBAIR LAISTIGH DEN CHOMHAIRLE

8. Chuir an Coimisiún an togra seo agus a mheasúnú tionchair (MT) faoi bhráid na Meithle Cothrománaí um Shaincheisteanna Cibearshlándála (dá dtagraítear anseo feasta mar "an Mheitheal") ar an 26 Meán Fómhair 2017 agus ina dhiaidh sin, ar an 20 Deireadh Fómhair 2017, scrúdaigh an Mheitheal an measúnú tionchair. Le linn an phlé a tharla ina dhiaidh sin, is ar acmhainn feidhmíochta na Gníomhaireachta agus raon na hidirghníomhaíochta a bheidh aici leis na húdaráis náisiúnta inniúla a díriodh, agus ar thionchar an chreata deimhniúcháin ar an margadh agus ar iomaíochas lucht gnó. Ar an iomlán, ghlac na toscaireachtaí go fonnmhar leis an measúnú tionchair agus leis an togra araon.

² EUCO 14/17, para 11.

³ 15748/17.

⁴ 14435/17.

⁵ 12211/17.

9. I Samhain na bliana 2017, faoi Uachtaránacht na hEastóine, cuireadh tús leis an bplé a rinne an Mheitheal ar an togra féin; leanadh den phlé sin faoi Uachtaránacht na Bulgáire. Dhá cheann déag de chruinnithe a eagraíodh i dtaobh an togra seo, rud a d'fhág ocht leagan athbhreithnithe de, de ghrá teacht ar chur chuige ginearálta ag an gComhairle ITF (Teileachumarsáid) a bheidh ar siúl ar an 8 Meitheamh 2018.
10. Tá toradh an phlé sin a rinne an Mheitheal ar an 14-15 Bealtaine 2018, mar aon leis an téacs comhréitigh ón Uachtaránacht, le fáil san Iarscríbhinn a ghabhann leis an nóta seo. Rinneadh oiriúnú ar na haithrisí de léiriú ar na hathruithe a cuireadh ar na forálacha substainteacha. Na hathruithe a rinneadh ar an togra ón gCoimisiún, léirítear iad **i gcló trom** nó le [...]. Na hathruithe a rinneadh ar an leagan is déanaí de dhoiciméad 8834/18 de chuid na Meithle, léirítear iad **i gcló dubh agus líne faoi** agus gach scriosadh le [...].

III. CONCLÚID

11. Tugtar léargas sa téacs comhréitigh ón Uachtaránacht, mar a leagtar amach san Iarscríbhinn, ar na hiarrachtaí a rinne an Uachtaránacht agus na Ballstáit teacht ar chothromaíocht sa téacs.
12. Ar an 25 Bealtaine 2018, tháinig Coiste na mBuanionadaithe ar chomhaontú i dtaobh an téacs comhréitigh ón Uachtaránacht faoi réir leasuithe ar Airteagal 19(5) agus Airteagal 48(5) mar a leagtar amach san Iarscríbhinn.
13. Iarrtar ar an gComhairle, dá bhrí sin, cur chuige ginearálta a ghlacadh ag an gcruinniú dá cuid ar an 8 Meitheamh 2018 agus sainordú a thabhairt don Uachtaránacht dul i mbun caibidlíochta le hionadaithe ó Pharlaimint na hEorpa agus ón gCoimisiún Eorpach maidir leis an gcomhad seo.

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

maidir le ENISA, "[...] *Gníomhaireacht an Aontais Eorpaigh um Chibearshlándáil*", agus lena n-aisghairtear Rialachán (AE) Uimh. 526/2013, agus maidir le deimhniú i ndáil le cibearshlándáil theicneolaíocht na faisnéise agus na cumarsáide ("an Gníomh um Chibearshlándáil)

(Téacs atá ábhartha maidir leis an LEE)

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 114 de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa⁶,

Ag féachaint don tuairim ó Choiste na Réigiún⁷,

Ag gníomhú dóibh i gcomhréir leis an ngnáthnós imeachta reachtach,

⁶ IO C., lch. .

⁷ IO C., lch. .

De bharr an mhéid seo a leanas:

- (1) Bíonn córais gréasán agus faisnéise agus gréasáin agus seirbhísí teileachumarsáide riachtanach don tsochaí agus tá siad mar a bheadh cnámh droma ann don fhás eacnamaíoch. Is í an teicneolaíocht faisnéise agus cumarsáide is bonn leis na córais chasta a thacaíonn le gníomhaíochtaí na sochaí, a choinníonn na geilleagair ag dul i bpríomhréimsí amhail sláinte, fuinneamh, airgeadas agus iompar, agus a thacaíonn le feidhmiú an mhargaidh inmheánaigh go háirithe.
- (2) Tá úsáid córas gréasán agus faisnéise ag saoránaigh, gnólachtaí agus rialtais forleathan ar fud an Aontais anois. Is príomhghnéithe de líon méadaitheach táirgí agus seirbhísí iad an digitiú agus an nascacht, agus le teacht ar an bhfód do "Idirlíon na Rudaí Nithiúla", meastar go mbeidh na milliúin, nó na billiúin fiú, gléasanna digiteacha nasctha in úsáid san Aontas Eorpach sna deich mbliana amach romhainn. Cé go bhfuil líon na ngléasanna atá nasctha leis an idirlíon ag dul i méid, ní leor na gnéithe slándála agus athléimneachta atá ionsuite i ndearadh na ngléasanna sin, agus tá leibhéal na cibearshlándála easnamhach, dá bhrí sin. Sa chomhthéacs sin, ós rud é nach ndéantar deimhniú ach ar bhonn teoranta, tá an fhaisnéis a fhaigheann úsáideoirí in eagraíochtaí agus úsáideoirí aonair maidir le gnéithe cibearshlándála táirgí agus seirbhísí TFC, tá an fhaisnéis sin easnamhach, agus déantar dochar do mhuinín úsáideoirí as réitigh dhigiteacha dá bhrí sin.
- (3) Is é an toradh ar dhigitiú agus nascacht mhéadaithe rioscaí breise ó thaobh cibearshlándála de agus, dá bhrí sin, tá an tsochaí i gcoitinne i mbaol ó thuilleadh cibearbhagairtí agus méadaítear ar an dainséar atá roimh dhaoine aonair, lena n-áirítear daoine leochaileacha amhail leanaí. Chun an baol sin don tsochaí a mhaolú, is gá na bearta riachtanacha uile a dhéanamh chun cibearshlándáil san Aontas Eorpach a fheabhsú d'fhonn cosaint níos fearr in aghaidh cibearbhagairtí a thabhairt do chórais gréasán agus faisnéise, gréasáin teileachumarsáide, táirgí digiteacha, seirbhísí agus gléasanna atá in úsáid ag saoránaigh, rialtais agus gnólachtaí, idir FBManna agus oibreoirí bonneagar ríthábhachtach.

- (4) Tá an líon cibear-ionsaithe ag dul i méid agus tá cosaintí níos láidre de dhíth ar gheilleagar agus sochaí nasctha atá níos leochailí ó thaobh cibearbhagairtí agus cibear-ionsuithe de. Mar sin féin, cé gurb iondúil go dtarlaíonn cibear-ionsaithe trasna teorainneacha, is ar bhonn náisiúnta a bhíonn na freagairtí beartais ó údaráis cibearshlándála agus inniúlachtaí forfheidhmithe dlí. D'fhéadfadh cibeartheagmhais mhórsála cur isteach ar sholáthar seirbhísí riachtanacha ar fud an Aontais. Tá freagairt agus bainistiú éifeachtach géarchéime riachtanach ar leibhéal an Aontais Eorpaigh, dá bhrí sin, agus cuirfidh siad leis na beartais thiomnaithe agus ionstraimí níos leithne atá ann cheana ar mhaithe le dlúthpháirtíocht agus cúnaimh frithpháirteach san Eoraip. Ina theannta sin, is rud tábhachtach do lucht déanta beartas, do lucht tionscail agus d'úsáideoirí, dá bhrí sin, measúnú rialta a dhéanamh ar staid na cibearshlándála agus na hathléimneachta san Aontas, ar bhonn shonraí iontaofa an Aontais, agus forbairtí, dúshlán agus bagairtí amach anseo a thuar go córasach, ar leibhéal an Aontais agus ar an leibhéal domhanda araon.
- (5) I bhfianaise an mhéadaithe atá tagtha ar na dúshlán i dtaca le cibearshlándáil atá roimh an Aontas anois, tá gá le tacar cuimsitheach beart a chuirfeadh le bearta de chuid an Aontais a rinneadh roimhe seo agus a chothódh cuspóirí a threisiónn a chéile. Ar na cuspóirí sin, tá an gá le hinniúlachtaí agus ullmhacht na mBallstát agus gnólachtaí a mhéadú, agus comhar agus comhordú a fheabhsú ar fud na mBallstát agus in institiúidí, gníomhaireachtaí agus comhlachtaí an Aontais. Ina theannta sin, ó tharla go bhfeidhmíonn cibearbhagairtí gan beann ar theorainneacha, is gá inniúlachtaí a mhéadú ar leibhéal an Aontais chun bearta ar leibhéil na mBallstát a chomhlánú, go háirithe i gcás cibeartheagmhais agus géarchéimeanna mórsála trasteorann. Tá breis iarrachtaí ag teastáil freisin chun feachtas saoránach agus gnólachtaí a ardú i dtaca le saincheisteanna cibearshlándála. Thairis sin, ba cheart muinín as an margadh aonair digiteach a fheabhsú trí fhaisnéis thrédhearcach a chur ar fáil maidir le leibhéal slándála na dtáirgí agus seirbhísí TFC. Éascóidh deimhniú ar fud an Aontais an méid sin trí cheanglais choiteanna agus critéir mheastóireachta maidir le cibearshlándáil a leagan síos sna hearnálacha agus margaí náisiúnta.

- (6) In 2004, ghlac Parlaimint na hEorpa agus an Chomhairle Rialachán (CE) Uimh. 460/2004⁸ lena mbunaítear ENISA d'fhonn cur leis na spriocanna leibhéal ard slándála gréasán agus faisnéise a áirithiú laistigh den Aontas agus cultúr slándála gréasán agus faisnéise a fhorbairt chun leasa saoránach, tomhaltóirí, gnóthas agus riarachán poiblí. In 2008, ghlac Parlaimint na hEorpa agus an Chomhairle Rialachán (CE) Uimh. 1007/2008⁹ lena síntear sainordú na Gníomhaireachta go dtí mí an Mhárta 2012. Le Rialachán (CE) Uimh. 580/2011,¹⁰ cuireadh síneadh breise le sainordú na Gníomhaireachta go dtí an 13 Meán Fómhair 2013. In 2013, ghlac Parlaimint na hEorpa agus an Chomhairle Rialachán (CE) Uimh. 526/2013¹¹ maidir le ENISA agus lena n-aisghairtear Rialachán (CE) Uimh. 460/2004, a chuir síneadh le sainordú na Gníomhaireachta go dtí Meitheamh 2020.

⁸ Rialachán (CE) Uimh. 460/2004 ó Pharlaimint na hEorpa agus ón gComhairle an 10 Márta 2004 lena mbunaítear an Ghníomhaireacht Eorpach um Shlándáil Gréasán agus Faisnéise (IO L 77, 13.3.2004, lch. 1).

⁹ Rialachán (CE) Uimh. 1007/2008 ó Pharlaimint na hEorpa agus ón gComhairle an 24 Meán Fómhair 2008 lena leasaítear Rialachán (CE) Uimh. 460/2004 lena mbunaítear an Ghníomhaireacht Eorpach um Shlándáil Gréasáin agus Faisnéise maidir lena ré (IO L 293, 31.10.2008, lch. 1).

¹⁰ Rialachán (AE) Uimh. 580/2011 ó Pharlaimint na hEorpa agus ón gComhairle an 8 Meitheamh 2011 lena leasaítear Rialachán (CE) Uimh. 460/2004 lena mbunaítear an Ghníomhaireacht Eorpach um Shlándáil Gréasáin agus Faisnéise maidir lena ré (IO L 165, 24.6.2011, lch. 3).

¹¹ Rialachán (AE) Uimh. 526/2013 ó Pharlaimint na hEorpa agus ón gComhairle an 21 Bealtaine 2013 maidir le Gníomhaireacht an Aontais Eorpaigh um Shlándáil Gréasáin agus Faisnéise (ENISA) agus lena n-aisghairtear Rialachán (CE) Uimh. 460/2004 (IO L 165, 18.6.2013, lch. 41).

- (7) Tá roinnt bearta tábhachtacha déanta ag an Aontas cheana chun cibearshlándáil a áirithiú agus chun an mhuinín as teicneolaíochtaí digiteacha a mhéadú. In 2013, glacadh straitéis chibearshlándála de chuid an Aontais chun freagairt bheartais an Aontais ar bhagairtí agus rioscaí cibearshlándála a threorú. Chun iarracht a dhéanamh cosaint níos fearr a thabhairt do mhuintir na hEorpa ar líne, ghlac an tAontas in 2106 an chéad ghníomh reachtach i réimse na cibearshlándála, Treoir (AE) 2016/1148 maidir le bearta le haghaidh leibhéal ard coiteann slándála do chórais gréasán agus faisnéise ar fud an Aontais (An Treoir maidir le slándáil gréasán agus faisnéise). Leis an Treoir maidir le slándáil gréasán agus faisnéise, leagadh síos ceanglais maidir leis na hinniúlachtaí náisiúnta i réimse na cibearshlándála, bunaíodh na chéad sásraí chun comhar straitéiseach agus oibríochtúil a fheabhsú idir na Ballstáit, agus tugadh isteach oibleagáidí maidir le bearta slándála agus fógraí faoi theagmhais i réimsí áirithe atá rithábachtach don gheilleagar agus don tsochaí amhail fuinneamh, iompar, uisce, baincéireacht, bonneagair an mhargaidh airgeadais, cúram sláinte, an bonneagar digiteach mar aon le príomhsholáthraithe seirbhísí digiteacha (i.e. innill chuardaigh, seirbhísí néalríomhaireachta agus margai ar líne). Tugadh príomhról do ENISA tacú le cur chun feidhme na Treorach sin. Ina theannta sin, ós rud é gur tosaíocht thábhachtach de chuid an Chláir Oibre Eorpaigh maidir leis an tSlándáil é an chibearchoireacht a chomhrac go héifeachtúil, cuideoidh sé sin leis an gcuspóir foriomlán, mar atá leibhéal ard cibearshlándála, a bhaint amach.
- (8) Aithnítear go bhfuil athruithe suntasacha tagtha ar an gcomhthéacs foriomlán beartais ó glacadh Straitéis Chibearshlándála an Aontais Eorpaigh in 2013 agus ón uair dheireanach a rinneadh sainordú na Gníomhaireachta a athbhreithniú, agus baineann cuid de na hathruithe sin le timpeallacht dhomhanda atá níos éiginnte agus nach bhfuil chomh slán is a bhíodh. Sa chomhthéacs sin agus faoi chuimsiú bheartas cibearshlándála nua an Aontais, is gá athbhreithniú a dhéanamh ar shainordú ENISA chun a ról san éiceachóras cibearshlándála athraithe a shainiú, agus chun a áirithiú go gcuidíonn sé go héifeachtúil i dtaca le freagairt an Aontais ar dhúshláin cibearshlándála a eascraíonn as timpeallacht bagartha atá athraithe go radacach agus nach leor an sainordú reatha chun dul i ngleic leo, rud a aithníodh sa mheastóireacht ar an nGníomhaireacht.

- (9) Ba cheart don Ghníomhaireacht arna bunú leis an Rialachán seo teacht i gcomharbas ar ENISA mar a bunaíodh le Rialachán (CE) Uimh. 526/2013. Ba cheart don Ghníomhaireacht na cúraimí, arna dtabhairt di leis an Rialachán seo agus le gníomhartha dlí de chuid an Aontais sa réimse cibearshlándála, a thabhairt i gcrích trí shaineolas agus comhairle a sholáthar, i measc rudaí eile, agus trí fheidhmiú mar lárionad faisnéise agus eolais de chuid an Aontais. Ba cheart di malartú dea-chleachtas idir na Ballstát agus geallsealbhóirí príobháideacha a chur chun cinn, moltaí beartais a chur chuig an gCoimisiún Eorpach agus chuig na Ballstáit, feidhmiú mar phointe tagartha do thionscnaimh earnálacha bheartais an Aontais maidir le cúrsaí cibearshlándála agus comhar oibríochtúil a chothú idir na Ballstáit agus idir na Ballstáit agus institiúidí, gníomhaireachtaí agus comhlachtaí an Aontais.
- (10) Faoi chuimsiú Chinneadh 2004/97/CE, Euratom, arna ghlacadh ag cruinniú na Comhairle Eorpaí an 13 Nollaig 2003, chinn ionadaithe na mBallstát go mbeadh suíochán ENISA i mbaile sa Ghréig a roghnódh rialtas na Gréige. Ba cheart do Bhallstát óstach na Gníomhaireachta na dálaí is fearr is féidir a áirithiú i gcomhair oibriú rianúil agus éifeachtúil na Gníomhaireachta. Chun a áirithiú go ndéanfar a cuid cúraimí mar is cuí agus go héifeachtúil, go n-earcófáir agus go gcoimeádfáir an fhoireann agus go gcuirfear le héifeachtúlacht gníomhaíochtaí gréasánaithe, tá sé ríthábhachtach go lonnófaí an Ghníomhaireacht i suíomh iomchuí, ina soláthraítear, i measc nithe eile, naisc iomchuí iompair agus saoráidí le haghaidh céilí agus leanaí a bheidh i dteannta bhaill foirne na Gníomhaireachta. Ba cheart na socruithe riachtanacha a leagan síos i gcomhaontú idir an Ghníomhaireacht agus an Ballstát óstach arna chur i gcrích tar éis formheas a fháil ó Bhord Bainistíochta na Gníomhaireachta.
- (11) I bhfianaise an mhéadaithe ar na dúshláin atá roimh an Aontas ó thaobh cibearshlándála de, ba cheart na hacmhainní airgeadais agus daonna a leithdháiltear ar an nGníomhaireacht a mhéadú chun freagairt dá ról agus dá cúraimí feabhsaithe agus don ról ríthábhachtach atá aici in éiceachóras na n-eagraíochtaí atá ag cosaint an éiceachórais dhigitigh Eorpaigh.

- (12) Ba cheart don Ghníomhaireacht leibhéal ard saineolais a fhorbairt agus a chothabháil, agus feidhmiú mar phointe tagartha chun muinín agus iontaoibh a bhunú sa mhargadh aonair de bhua a neamhspleáchais, ardchaighdeán na comhairle agus na faisnéise a thugann sí, thrédhearcacht a nósanna imeachta agus a modhanna oibriúcháin, agus a dúthrachtacha i dtaobh a cúraimí a dhéanamh. Ba cheart don Ghníomhaireacht tacú le hiarrachtaí na mBallstát agus páirt ghníomhach a ghlacadh in iarrachtaí an Aontais nuair atá a cúraimí á ndéanamh aici i gcomhar iomlán le hinstiúidí, [...] gníomhaireachta agus comhlachtaí an Aontais agus leis na Ballstáit. Ina theannta sin, ba cheart don Ghníomhaireacht cur leis an ionchur agus le comhar ón earnáil phríobháideach agus ó gheallsealbhóirí ábhartha eile. Ba cheart a leagan síos i bhfoirm tacar cúraimí an chaoi a ndéanfaidh an Ghníomhaireacht a cuspóirí a bhaint amach, ach solúbthacht ina cuid oibríochtaí a éascú ag an am céanna.
- (13) Ba cheart don Ghníomhaireacht cuidiú leis an gCoimisiún trí bhíthin comhairle, tuairimí agus anailísí maidir le cúrsaí uile an Aontais a bhaineann le beartais agus dlí a fhorbairt, nuashonrú agus athbhreithniú i réimse na cibearshlándála **gona gnéithe earnáilsonracha d'fhonn cur le hábharthacht na mbeartas agus na ndlíthe sin de chuid an Aontais lena mbaineann gné chibearshlándála agus an chomhsheasmhacht a áirithiú i dtaca lena gcur chun feidhme ar an leibhéal náisiúnta** [...] Ba cheart don Ghníomhaireacht gníomhú mar phointe tagartha comhairle agus saineolais do thionscnaimh earnáilsonracha beartais agus dlí i gcás cúrsaí a bhaineann le cibearshlándáil.
- (14) Is é bunchúram na Gníomhaireachta cur chun feidhme comhleanúnach an chreata dlí ábhartha a chur chun cinn, go háirithe cur chun feidhme éifeachtúil na Treorach maidir le slándáil gréasán agus faisnéise, rud atá riachtanach chun cibear-athléimneacht a fheabhsú. I bhfianaise thimpeallacht bagartha na cibearshlándála atá ag fás go tapa, is léir gur gá cur chuige trasbheartas níos cuimsithí i dtaca le cibear-athléimneacht a fhorbairt chun cuidiú leis na Ballstáit.

- (15) Ba cheart don Ghníomhaireacht cuidiú le hinstitiúidí, [...] gníomhaireachtaí **agus comhlachtaí** an Aontais agus leis na Ballstáit lena n-iarrachtaí inniúlachtaí agus ullmhacht a bhunú agus a fheabhsú chun cibeartheagmhais agus cibear**bhagairtí** a chosc, a bhrath agus chun freagairt orthu, agus maidir le slándáil na gcóras gréasán agus faisnéise. Go háirithe, ba cheart don Ghníomhaireacht tacú le forbairt agus feabhsú CSIRTanna náisiúnta d'fhonn leibhéal ard coiteann a bhaint amach i dtaca lena n-aibíocht san Aontas. **Pé gníomhaíochtaí a dhéanfaidh ENISA i dtaca le hacmhainní oibríochtúla na mBallstát, is mar chomhlánú, agus mar sin amháin, ar na gníomhaíochtaí a dhéanfaidh na Ballstáit féin, mar chomhlíonadh ar a gcuid oibleagáidí faoin Treoir NIS, a dhéanfar iad ionas nach sáróidh siad gníomhaíochtaí na mBallstát [...].**
- (15a) Is ceart don Ghníomhaireacht cuidiú a thabhairt freisin maidir le straitéisí an Aontais – agus arna iarraidh sin, straitéisí na mBallstát – maidir le slándáil na gcóras gréasán agus faisnéise a fhorbairt agus a thabhairt cothrom le dáta, go háirithe i dtaca le cibearshlándáil, scaipeadh na gcóras sin a chur chun cinn agus an dul chun cinn maidir lena gcur chun feidhme a rianadh. Ba cheart don Ghníomhaireacht cúrsaí oiliúna agus ábhar oiliúna a chur ar fáil do chomhlachtaí poiblí agus "oiliúint a chur ar na hoiliúnaithe" nuair is iomchuí d'fhonn cuidiú leis na Ballstáit a n-inniúlachtaí oiliúna féin a fhorbairt.
- (16) Ba cheart don Ghníomhaireacht cuidiú leis an nGrúpa Comhair a bunaíodh leis an Treoir maidir le slándáil gréasán agus faisnéise, a chúraimí a dhéanamh, trí shaineolas agus comhairle a chur ar fáil agus trí mhalartú dea-chleachtas a éascú, agus cuidiú a thabhairt go háirithe do na Ballstáit oibreoirí seirbhísí riachtanacha a shainaithint, lena n-áirítear dea-chleachtais maidir le spleáchais trasteorann, rioscaí agus teagmhais.

- (17) D'fhoill comhar a chothú idir an earnáil phoiblí agus phríobháideach agus laistigh den earnáil phríobháideach, **is ceart don Ghníomhaireacht** tacaíocht a thabhairt **do chomhroinnt faisnéise i measc na n-earnálacha sin agus laistigh díbh, go háirithe sna hearnálacha a liostaítear in Iarscríbhinn II de Threoir (AE) 2016/1148, trí dhea-chleachtais agus treoir a sholáthar i dtaca leis na huirlisí atá ar fáil, leis an nós imeachta, agus treoir a chur ar fáil maidir le dul i ngleic le saincheisteanna rialála a bhaineann le comhroinnt faisnéise, mar shampla trí éascú a dhéanamh ar lárionaid um chomhroinnt agus anailísiú faisnéise (ISACanna) a bhunú [...].**
- (18) Is ceart don Ghníomhaireacht comhiomlánú agus anailís a dhéanamh ar thuarascálacha náisiúnta **arna gcomhroinnt go deonach** ó CSIRTanna agus CERT-EU, **chun críocha cuidiú leis na Ballstáit [...] nósanna imeachta**, friotal agus téarmaolaíocht chomhchoiteann a chur ar bun chun faisnéis a chomhroinnt. Ba cheart ról a bheith ag an earnáil phríobháideach sa Ghníomhaireacht freisin, faoi chuimsiú na Treorach maidir le slándáil gréasán agus faisnéise lenar leagadh síos na forais le haghaidh malartú deonach faisnéise teicniúla ar an leibhéal oibríochtúil **laistigh de** líonra na CSIRTanna [...].

- (19) Ba cheart don Ghníomhaireacht cuidiú le freagairt ar leibhéal an Aontais i gcás teagmhais agus géarchéimeanna mórsála cibearshlándála trasteorann. Is ceart an fheidhm sin a **chomhlíonadh i gcomhréir lena sainordú de bhun an Rialacháin seo agus le cur chuige arna chomhaontú i measc na mBallstát faoi chuimsiú an Mholta ón gCoimisiún maidir le freagairt chomhordaithe ar theagmhais agus géarchéimeanna cibearshlándála mórsála.** Mar chuid den fheidhm sin, **d'fhéadfadh** an Ghníomhaireacht faisnéis ábhartha a bhailiú agus gníomhú mar éascaitheoir idir líonra CSIRTanna agus an comhphobal teicniúil agus le lucht déanta cinntí atá freagrach as bainistiú géarchéimeanna. Ina theannta sin, d'fhéadfadh an Ghníomhaireacht tacaíocht a thabhairt i gcás láimhseáil teagmhas ón taobh teicniúil de trí mhalartú ábhartha teicniúil réiteach idir na Ballstáit a éascú agus trí ionchur a sholáthar i gcumarsáidí poiblí. Ba cheart don Ghníomhaireacht tacú leis an bpróiseas trí mhódúlachtaí an chomhair sin a thástáil trí bhíthin cleachtaí [...] **rialta** cibearshlándála.
- (20) [...] **Agus tacaíocht á tabhairt aici** don **chomhar** oibríochtúil [...], oibríochtúil [...], is ceart don Ghníomhaireacht an saineolas **teicniúil agus oibríochtúil** atá ag CERT-EU a chur ar fáil trí bhíthin an chomhair struchtúrtha [...]. [...] Nuair is iomchuí, is ceart socruithe tiomanta a bhunú idir an dá eagraíocht d'fhonn sainmhíniú a thabhairt ar chur chun feidhme praiticiúil an chomhair sin **agus d'fhonn dubailt gníomhaíochtaí a sheachaint.**

- (21) I gcomhréir leis na [...] cúraimí sin dá cuid **lena dtacaíonn sí leis an gcomhar oibríochtúil laistigh den líonra CSIRTanna**, is ceart an Ghníomhaireacht a bheith in ann tacaíocht a sholáthar do na Ballstáit, **arna iarraidh sin dóibh**, trí chomhairle a chur ar fáil **maidir lena gcumas a fheabhsú i dtaca le teagmhais a chosc, a bhrath, agus a fhreagairt, trí láimhseáil** [...] theicniúil na dteagmhas sin a fhágann lorg suaithinseach nó suntasach a éascú [...], **nó** trína áirithiú go ndéantar anailís ar gach bagairt agus teagmhas. **Agus éascú á dhéanamh ar láimhseáil theicniúil na dteagmhas sin a fhágann lorg suaithinseach nó suntasach, is ceart a áireamh air sin, go háirithe, go dtacaíonn ENISA le comhroinnt dheonach réiteach teicniúil i measc na mBallstát nó go dtáirgíonn ENISA faisnéis theicniúil chomhcheangailte - amhail réitigh theicniúla arna gcomhroinnt go deonach ag na Ballstáit.** Sa Mholadh ón gCoimisiún maidir le freagairt chomhordaithe ar theagmhais agus géarchéimeanna cibearshlándála mórsála, moltar go gcomhoibreoidh na Ballstáit de mheon macánta agus go roinnfidh siad eatarthu féin agus le ENISA faisnéis faoi theagmhais agus géarchéimeanna cibearshlándála mórsála gan moill mhíchuí. Ba cheart go gcabhródh an fhaisnéis sin a thuilleadh le ENISA [...] **chun tacaíocht a thabhairt don chomhar oibríochtúil.**
- (22) Mar chuid den chomhar rialta a bhíonn ar siúl ar an leibhéal teicniúil chun tacú le feasacht staide an Aontais, ba cheart don Ghníomhaireacht Tuarascáil an Aontais ar staid theicniúil na cibearshlándála i dtaca le teagmhais agus bagairtí a ullmhú go rialta **agus i ndlúthchomhar leis na Ballstáit** agus ba cheart an tuarascáil sin a bheith bunaithe ar fhaisnéis atá ar fáil go poiblí, ar a hanailís féin, agus ar thuarascálacha arna roinnt léi ag CSIRTanna na mBallstát [...] nó ag Ionaid Ilfhreastail arna mbunú leis an Treoir maidir le slándáil gréasán agus faisnéise (**ar bhonn deonach araon**), Ionad Cibearchoireachta na hEorpa (EC3) ag Europol, CERT-EU agus, nuair is iomchuí, ag Lárionad Faisnéise agus Staide an Aontais Eorpaigh atá mar chuid den tSeirbhís Eorpach Gníomhaíochta Seachtraí (EEAS). Ba cheart an tuarascáil a bheith ar fáil do na páirtithe ábhartha sa Chomhairle, sa Choimisiún, d'Ardionadaí an Aontais do Ghnóthaí Eachtracha agus don Bheartas Slándála agus do Líonra CSIRTanna.

- (23) **Maidir leis an tacaíocht a thabharfaidh an Ghníomhaireacht [...]d'fhiosruithe *ex post*[...]ar theagmhais a raibh tionchar suntasach acu [...], arna iarraidh sin [...]do na [...]** Ballstáit **lena mbaineann**, is ceart di a bheith dírithe ar theagmhais den chineál sin a sheachaint arís[...]. **Na Ballstáit lena mbaineann, ba cheart dóibh pé faisnéis is riachtanach a sholáthar chun gur féidir leis an nGníomhaireacht tacú go héifeachtúil leis an bhfiosrú teicniúil.**
- (24) [...]
- (25) Féadfaidh na Ballstáit cuireadh a thabhairt do na gnóthais lena mbaineann an teagmhas comhoibriú tríd an bhfaisnéis agus an cúnamh is gá a sholáthar don Ghníomhaireacht gan dochar dá gceart faisnéis atá fogair ó thaobh na tráchtála de a chosaint.
- (26) Chun tuiscint níos fearr a fháil ar na dúshláin atá ann i réimse na cibearshlándála, agus d'fhonn comhairle straitéiseach fhadtéarmach a thabhairt do na Ballstáit agus d'institiúidí an Aontais, is gá don Ghníomhaireacht anailís a dhéanamh ar na rioscaí atá ann faoi láthair agus atá ag teacht chun cinn. Chun na críche sin, ba cheart don Ghníomhaireacht, i gcomhar leis na Ballstáit agus de réir mar is iomchuí, i gcomhar le comhlachtaí staitistiúla agus eile, faisnéis ábhartha, **atá ar fáil go poiblí nó arna comhroinnt go deonach**, a bhailiú agus anailísiú a dhéanamh ar theicneolaíochtaí atá ag teacht chun cinn agus measúnuithe a dhéanamh a bhaineann go sonrach le topaic ar leith i dtaobh an tionchair a mheastar a bheidh ag nuálaíochtaí teicneolaíochta ar shlándáil gréasán agus faisnéise, agus go háirithe ar chibearshlándáil, ó thaobh na sochaí, an dlí, an gheilleagair agus na rialála de. Ina theannta sin, ba cheart don Ghníomhaireacht tacaíocht a thabhairt do na Ballstáit agus d'institiúidí, gníomhaireachtaí agus comhlachtaí an Aontais treochtaí atá ag teacht chun cinn a shainaithint agus [...] **teagmhais** a bhaineann le cibearshlándáil a chosc, trí anailís a dhéanamh ar bhagairtí agus ar theagmhais.

- (27) D'fhonn gur móide teacht aniar an Aontais, ba cheart don Ghníomhaireacht an barr feabhais a fhorbairt i dtaca le **cibearshlándáil na n-infreastruchtúr sin a thacaíonn, go háirithe, leis na hearnálacha a liostaítear in Iarscríbhinn II den Treoir maidir le slándáil gréasán agus faisnéise agus leis na hinfreastruchtúir arna n-úsáid ag na soláthraithe seirbhíse digítí a liostaítear in Iarscríbhinn III den Treoir chéanna[...]**, trí chomhairle, treoir agus dea-chleachtais a sholáthar. D'fhonn rochtain níos éasca a áirithiú ar fhaisnéis struchtúrtha faoi rioscaí cibearshlándála agus réitigh fhéideartha, ba cheart don Aontas "mol faisnéise" an Aontais a fhorbairt agus a chothabháil, ar tairseach ilfhreastail é ar a gcuirfear ar fáil don phobal faisnéis faoi cibearshlándáil a thagann ón Aontas Eorpach agus ó institiúidí, gníomhaireachtaí agus comhlachtaí náisiúnta.
- (28) Ba cheart don Ghníomhaireacht cuidiú a thabhairt feacht an phobail maidir le rioscaí a bhaineann le cibearshlándáil a ardú, agus treoir a thabhairt do shaoránaigh agus d'eagraíochtaí maidir le dea-chleachtais le haghaidh úsáideoirí aonair. Ba cheart don Ghníomhaireacht cuidiú a thabhairt freisin dea-chleachtais agus réitigh a chur chun cinn ar leibhéal daoine aonair agus eagraíochtaí trí fhaisnéis atá ar fáil go poiblí maidir le teagmhais shuntasacha a bhailiú agus a anailísiú agus trí thuarascálacha a thiomsú d'fhonn treoir a thabhairt do ghnólachtaí agus do shaoránaigh agus leibhéal foriomlán na hullmhachta agus na hathléimneachta a fheabhsú. Ina theannta sin, ba cheart don Ghníomhaireacht, i gcomhar leis na Ballstáit agus le hinstitiúidí, [...] gníomhaireachtaí, **agus comhlachtaí** ábhartha an Aontais, feachtais rialta for-rochtana agus oideachais phoiblí a eagrú a bheidh dírithe ar úsáideoirí deiridh, arb é is aidhm dóibh iompraíocht níos sábháilte ar líne a chur chun cinn i measc daoine aonair agus feacht a ardú maidir le bagairtí a d'fhéadfadh a bheith ann sa chibearspás – lena n-áirítear cibearchoireacht amhail ionsaithe fioscaireachta, róbatlíoanta, calaois airgeadais agus baincéireachta – chomh maith le comhairle maidir le fiordheimhniú bunúsach agus cosaint sonraí a chur chun cinn. Ba cheart ról lárnach a bheith ag an nGníomhaireacht i bhfeacht a ardú i measc úsáideoirí deiridh i dtaca le slándáil gléasanna.
- (29) Chun tacú leis na gnólachtaí atá ag gníomhú i réimse na cibearshlándála, agus le húsáideoirí réiteach cibearshlándála, ba cheart don Ghníomhaireacht "faireachlann mhargaidh" a fhorbairt agus a chothabháil trí anailísiú rialta a dhéanamh agus trí na príomhthreochtaí i margadh na cibearshlándála a scaipeadh, ar thaobh an tsoláthair agus an éilimh araon.

- (30) Chun a áirithiú go n-éireoidh léi a cuspóirí a bhaint amach ina n-iomláine, ba cheart don Ghníomhaireacht idirchaidreamh a dhéanamh le hinstitiúidí, gníomhaireachtaí agus comhlachtaí ábhartha, lena n-áirítear CERT-EU, Ionad Cibearchoireachta na hEorpa (EC3) ag Europol, an Ghníomhaireacht Eorpach um Chosaint (GEC), an Ghníomhaireacht Eorpach um Bainistiú Oibríochtúil a dhéanamh ar chórais mhórsála TF (eu-LISA), an Ghníomhaireacht Eorpach um Shábháilteacht Eitlíochta (EASA), **an Ghníomhaireacht Eorpach GNSS (GNSS)** agus aon ghníomhaireacht eile de chuid an Aontais atá bainteach leis an gcibearshlándáil. Ba cheart di freisin idirchaidreamh a dhéanamh le húdaráis a phléann le cosaint sonraí chun saineolas agus dea-chleachtais a mhalartú agus chun comhairle a thabhairt maidir le gnéithe den chibearshlándáil a bhféadfadh tionchar a bheith acu ar a gcuid oibre. Ba cheart go mbeadh ionadaithe údarás um fhorfheidhmiú an dlí agus um shonraí a chosaint, arb údaráis náisiúnta agus údaráis de chuid an Aontais iad, i dteideal ionadaíocht a bheith acu ar Bhuanghrúpa Geallsealbhóirí na Gníomhaireachta. Trí idirchaidreamh a dhéanamh le comhlachtaí um fhorghníomhú an dlí maidir le gnéithe slándála gréasán agus faisnéise a bhféadfadh tionchar a bheith acu ar a gcuid oibre, ba cheart don Ghníomhaireacht bealaí faisnéise atá ann cheana agus gréasáin atá bunaithe a urramú.
- (31) Ba cheart don Ghníomhaireacht, **ina cáil** mar [...] bhall a chuireann rúnaíocht ar fáil do Líonra CSIRTanna, tacú le CSIRTanna na mBallstát agus le CERT-EU i dtaca leis an gcomhar oibríochtúil i dtaobh cúraimí ábhartha uile Líonra CSIRTanna, a bhfuil sainmhíniú orthu sa Treoir maidir le slándáil gréasán agus faisnéise. Thairis sin, ba cheart don Ghníomhaireacht tacú le comhar idir na CSIRTanna ábhartha agus é a chur chun cinn i gcás teagmhas, ionsaithe nó briseadh i ngréasáin nó i mbonneagar arna mbainistiú nó arna gcosaint ag CSIRTanna agus lena mbaineann dhá CERT ar a laghad, nó lena bhféadfadh baint a bheith ag dhá CERT ar a laghad, agus aird chuí á tabhairt ar nósanna imeachta oibríochta caighdeánacha Líonra CSIRTanna.
- (32) D'fhone ullmhacht an Aontais a fheabhsú i dtaca le freagairt ar theagmhais chibearshlándála, ba cheart don Ghníomhaireacht cleachtaí [...] **rialta** cibearshlándála a eagrú ar leibhéal an Aontais agus tacú leis na Ballstáit agus le hinstitiúidí, gníomhaireachtaí agus comhlachtaí an Aontais cleachtaí a eagrú, arna iarraidh sin dóibh.

- (33) Ba cheart don Ghníomhaireacht a cuid saineolais i dtaca le deimhniú i ndáil le cibearshlándáil a fhorbairt agus a chothabháil d'fhonn tacú le beartas an Aontais sa réimse seo. Ba cheart don Ghníomhaireacht úsáid an deimhnithe i ndáil le cibearshlándáil a chur chun cinn laistigh den Aontas, trí chuidiú a thabhairt, i measc nithe eile, creat um dheimhniú i ndáil le cibearshlándáil a bhunú agus a chothabháil ar leibhéal an Aontais, d'fhonn trédhearcacht an dearbhaithe cibearshlándála do tháirgí agus seirbhísí TFC a mhéadú agus, ar an gcaoi sin, muinín sa mhargadh digiteach inmheánach a threisiú.
- (34) Ba cheart beartais éifeachtúla cibearshlándála a bheith bunaithe ar mhodhanna measúnaithe riosca atá dea-fhorbartha, san earnáil phoiblí agus san earnáil phríobháideach araon. Baintear úsáid as leibhéal éagsúla modhanna um measúnú riosca gan cleachtas coiteann ar bith a bheith ann i dtaobh conas iad a chur i bhfeidhm go héifeachtúil. Déanfar leibhéal na cibearshlándála san Aontas a mhéadú trí dhea-chleachtais a chur chun cinn agus a fhorbairt i dtaobh measúnú riosca agus i dtaobh réitigh chomh-inoibritheacha bainistithe riosca in eagraíochtaí na hearnála poiblí agus na hearnála príobháidí. Chun na críche sin, ba cheart don Ghníomhaireacht tacú le comhar idir geallsealbhóirí poiblí agus príobháideacha ar leibhéal an Aontais, agus a gcuid iarrachtaí maidir le bunú agus glacadh caighdeán Eorpach agus idirnáisiúnta a éascú i dtaobh bainistíochta riosca agus i dtaobh slándála intomhaiste táirgí leictreonacha, córas leictreonach agus gréasáin agus seirbhísí leictreonacha, lena gcomhdhéantar na córais gréasán agus faisnéise in éineacht le bogearraí.
- (35) Ba cheart don Ghníomhaireacht na Ballstáit agus soláthraithe seirbhíse a spreagadh chun a gcuid caighdeán ginearálta slándála a fheabhsú ionas go ndéanfaidh gach úsáideoir idirlín na bearta is gá chun a chuid cibearshlándála pearsanta a áirithiú. Go háirithe, ba cheart do sholáthraithe seirbhíse agus monaróirí táirgí aon táirge nó seirbhís nach gcomhlíonann caighdeán cibearshlándála a tharraingt siar nó a athchúrsáil. I gcomhar leis na húdaráis inniúla, féadfaidh ENISA faisnéis a scaipeadh maidir le leibhéal cibearshlándála na dtáirgí agus na seirbhísí atá á dtairiscint sa mhargadh inmheánach, agus foláirimh a eisiúint dírithe ar sholáthraithe agus monaróirí agus a cheangal orthu slándáil a dtáirgí agus a seirbhísí, lena n-áirítear cibearshlándáil, a fheabhsú.

- (36) Ba cheart don Ghníomhaireacht lánaírd a thabhairt ar na gníomhaíochtaí atá ar bun faoi láthair maidir le taighde, forbairt agus measúnú teicneolaíoch, go háirithe na gníomhaíochtaí sin arna ndéanamh ag tionscnaimh taighde éagsúla an Aontais chun comhairle a chur ar institiúidí, [...] gníomhaireachtaí, **agus comhlachtaí** an Aontais agus, i gcás inarb ábhartha, ar na Ballstáit, arna iarraidh sin dóibh, maidir le riachtanais taighde i réimse [...] na cibearshlándála. **Chun gur féidir riachtanais agus tosaíochtaí taighde a shainaithint, is ceart don Ghníomhaireacht dul i gcomhairle leis na húsáideoirí ábhartha.**
- (37) Is saincheisteanna domhanda [...] **bagairtí** cibearshlándála. Tá gá le comhar idirnáisiúnta níos dlúithe chun caighdeán **chibearshlándála** a fheabhsú, lena n-áirítear sainiú norm agus cód coiteann iompraíochta agus roinnt faisnéise, rud a chuireann comhoibriú idirnáisiúnta níos gasta chun cinn mar fhreagra ar shaincheisteanna slándála gréasán agus faisnéise agus mar chur chuige coiteann domhanda maidir leis sin. Chun na críche sin, ba cheart don Ghníomhaireacht tacú le rannpháirteachas breise de chuid an Aontais agus comhar breise le tríú tíortha agus le heagraíochtaí idirnáisiúnta trí shaineolas agus anailís riachtanach a sholáthar do na comhlachtaí agus do na hinstitiúidí, [...] gníomhaireachtaí **agus comhlachtaí** ábhartha de chuid an Aontais, i gcás inarb iomchuí.
- (38) Ba cheart go mbeadh an Ghníomhaireacht in ann freagairt a thabhairt ar iarrataí *ad hoc* ar chomhairle agus ar chúnamh ó na Ballstáit agus ó institiúidí, gníomhaireachtaí agus comhlachtaí, a thagann faoi chuimsiú chuspóirí na Gníomhaireachta.
- (39) Is gá prionsabail áirithe a chur chun feidhme maidir le rialachas na Gníomhaireachta chun an ráiteas comhpháirteach agus an cur chuige coiteann a chomhaontaigh an Grúpa Oibre Idirinstitiúideach ar ghníomhaireachtaí díláraithe an Aontais Eorpaigh i mí Iúil 2012 a chomhlíonadh, arb é is cuspóir leis gníomhaíochtaí gníomhaireachtaí a shruthlíniú agus a bhfeidhmiú a fheabhsú. Ba cheart an ráiteas comhpháirteach agus an cur chuige coiteann a léiriú, de réir mar is iomchuí, i gCláir Oibre na Gníomhaireachta, i meastóireachtaí na Gníomhaireachta, agus i gcleachtas tuairiscithe agus riaracháin na Gníomhaireachta.

- (40) Ba cheart don Bhord Bainistíochta, ar a bhfuil na Ballstáit agus an Coimisiún, treo ginearálta oibríochtaí na Gníomhaireachta a shainiú agus a áirithiú go gcuireann sí a cúraimí i gcrích i gcomhréir leis an Rialachán seo. Ba cheart a chur ar iontaoibh an Bhoird Bainistíochta na cumhachtaí is gá chun an buiséad a bhunú, feidhmiú an bhuiséid a fhíorú, na rialacha airgeadais iomchuí a ghlacadh, nósanna imeachta trédhearcacha a bhunú i dtaobh chinnteoireacht na Gníomhaireachta, doiciméad clársceidealaithe aonair na Gníomhaireachta a ghlacadh, a rialacha nós imeachta féin a ghlacadh, an Stiúrthóir Feidhmiúcháin a cheapadh agus cinneadh a dhéanamh maidir le síneadh a chur le téarma oifige an Stiúrthóra Feidhmiúcháin agus maidir le deireadh a chur leis.
- (41) Ionas go bhfeidhmeodh an Gníomhaireacht go héifeachtúil agus mar is cuí, ba cheart don Choimisiún agus do na Ballstáit a áirithiú go mbeidh an taithí ar réimsí feidhme agus an saineolas gairmiúil iomchuí ag na daoine atá le ceapadh ina gcomhaltaí den Bhord Bainistíochta. Ba cheart don Choimisiún agus do na Ballstáit iarrachtaí a dhéanamh ráta athraithe a gcuid ionadaithe ar an mBord Bainistíochta a theorannú freisin chun leanúnachas in obair an Bhoird Bainistíochta a áirithiú.

- (42) Ar mhaithe le feidhmiú rianúil na Gníomhaireachta, ní mór an Stiúrthóir Feidhmiúcháin a cheapadh ar bhonn fiúntais agus scileanna doiciméadaithe riaracháin agus bainistíochta, agus ar bhonn inniúlachta agus taithí atá ábhartha i dtaobh na cibearshlándála, agus ní mór dualgais an Stiúrthóra Feidhmiúcháin a chomhlíonadh ar shlí atá go hiomlán neamhspleách. Ba cheart don Stiúrthóir Feidhmiúcháin togra a ullmhú le haghaidh chlár oibre na Gníomhaireachta, tar éis dó dul i gcomhairle roimh ré leis an gCoimisiún, agus ba cheart dó na céimeanna ar fad is gá a ghlacadh chun a áirithiú go gcuirfear clár oibre na Gníomhaireachta i bhfeidhm mar is cuí. Ba cheart don Stiúrthóir Feidhmiúcháin tuarascáil bhliantúil a ullmhú, **lena n-áirítear cur chun feidhme clár oibre bliantúil na Gníomhaireachta**, a bheidh le cur faoi bhráid an Bhoird Bhainistíochta, dréachtráiteas meastachán ar ioncam agus ar chaiteachas a tharraingt suas don Ghníomhaireacht, agus an buiséad a chur chun feidhme. Ina theannta sin, ba cheart é a bheith de rogha ag an Stiúrthóir Feidhmiúcháin grúpaí oibre *ad hoc* a bhunú chun aghaidh a thabhairt ar ábhair shonracha, go háirithe ábhair a bhaineann leis an eolaíocht, an teicneolaíocht, an dlí nó an tsocheacnamaíocht. Ba cheart don Stiúrthóir Feidhmiúcháin a áirithiú go ndéanfar comhaltaí an Ghrúpa Oibre *ad hoc* a roghnú de réir na gcaighdeán is airde saineolais agus a chinntiú go mbeidh cothromaíocht ann ó thaobh ionadaithe de, de réir mar is iomchuí de réir na saincheistanna sonracha, idir riaracháin phoiblí na mBallstát, institiúidí an Aontais, an earnáil phríobháideach, lena n-áirítear lucht tionscail, na húsáideoirí agus saineolaithe acadúla i slándáil gréasán agus faisnéise.
- (43) Ba cheart don Bhord Feidhmiúcháin cuidiú leis an mBord Bainistíochta feidhmiú go héifeachtúil. Mar chuid den obair ullmhúcháin a bhaineann le cinntí an Bhoird Bainistíochta, ba cheart dó mionscrúdú a dhéanamh ar an bhfaisnéis ábhartha agus na roghanna atá ar fáil a fhiosrú agus comhairle agus réitigh a mholadh i dtaca le cinntí ábhartha an Bhoird Bainistíochta a ullmhú.

- (44) Ba cheart Buanghrúpa Geallsealbhóirí a bheith ina chomhlacht comhairliúcháin ag an nGníomhaireacht, chun idirphlé rialta leis an earnáil phríobháideach, le heagraíochtaí tomhaltóirí agus le geallsealbhóirí ábhartha eile a áirithiú. Ba cheart don Bhuanghrúpa Geallsealbhóirí, arna bhunú ag an mBord Bainistíochta ar thogra ón Stiúrthóir Feidhmiúcháin, díriú ar shaincheistanna atá ábhartha do gheallsealbhóirí agus ba cheart dó na saincheistanna sin a chur faoi bhráid na Gníomhaireachta. I bhfianaise chomhdhéanamh an bhuanghrúpa geallsealbhóirí agus na gcúraimí atá sannta don ghrúpa sin, grúpa ar cheart dul i gcomhairle leis i ndáil leis an dréacht-chlár oibre go háirithe, ba cheart gur leor sin mar ionadaíocht ar na geallsealbhóirí in obair na Gníomhaireachta.
- (45) Ba cheart don Ghníomhaireacht rialacha a bheith i bhfeidhm maidir le coinbhleachtaí leasa a chosc agus a bhainistiú. Ba cheart don Ghníomhaireacht forálacha ábhartha an Aontais a chur i bhfeidhm, ar forálacha iad a bhaineann le rochtain phoiblí ar dhoiciméid mar a leagtar amach i Rialachán (CE) Uimh. 1049/2001 ó Pharlaimint na hEorpa agus ón gComhairle¹². Maidir le sonraí pearsanta arna bpróiseáil ag an nGníomhaireacht, ba cheart sin a dhéanamh faoi réir Rialachán (CE) Uimh. 45/2001 ó Pharlaimint na hEorpa agus ón gComhairle an 18 Nollaig 2000 maidir le daoine aonair a chosaint i ndáil le sonraí pearsanta a phróiseáil ag institiúidí agus ag comhlachtaí an Chomhphobail agus maidir le saorghluaiseacht na sonraí sin¹³. Ba cheart don Ghníomhaireacht na forálacha a chomhlíonadh is infheidhme maidir le hinstiúidí an Aontais agus an reachtaíocht náisiúnta maidir le láimhseáil faisnéise, go háirithe faisnéis íogair neamh-rúnaicmithe agus faisnéis rúnaicmithe de chuid an Aontais.

¹² Rialachán (CE) Uimh. 1049/2001 ó Pharlaimint na hEorpa agus ón gComhairle an 30 Bealtaine 2001 maidir le rochtain phoiblí ar dhoiciméid ó Pharlaimint na hEorpa, ón gComhairle agus ón gCoimisiún (IO L 145, 31.5.2001, lch. 43).

¹³ IO L 8, 12.1.2001, lch. 1.

(46) Chun uathriail agus neamhspleáchas iomlán na Gníomhaireachta a áirithiú agus le go mbeidh sí in ann cúraimí nua breise a chomhlíonadh, lena n-áirítear cúraimí éigeandála gan choinne, ba cheart a thabhairt don Gníomhaireacht buiséad uathrialach leordhóthanach a mbeidh a ioncam ag teacht, den chuid is mó, ó ranníocaíocht ón Aontas agus ó ranníocaíochtaí ó thríú tíortha atá rannpháirteach in obair na Gníomhaireachta. Ba cheart do thromlach fhoireann na Gníomhaireachta a bheith ag gabháil go díreach do chur chun feidhme oibríochtúil shainordú na Gníomhaireachta. Ba cheart cead a bheith ag an mBallstát óstach, nó ag Ballstát ar bith eile, ranníocaíochtaí deonacha a dhéanamh le hioncam na Gníomhaireachta. Ba cheart go leanfadh nós imeachta buiséid an Aontais de bheith infheidhme a mhéid a bhaineann le haon fhóirdheontais atá inmhuirearaithe ar bhuiséad ginearálta an Aontais. Thairis sin, ba cheart don Chúirt Iniúchóirí cuntais na Gníomhaireachta a iniúchadh chun trédhearcacht agus cuntasacht a áirithiú.

(47) [...]

- (48) Bíonn ról tábhachtach ag deimhniú i ndáil le cibearshlándáil i dtaobh muinín agus slándáil i dtáirgí agus seirbhísí TFC a mhéadú. Ní bheidh rath ar an margadh aonair digiteach, agus go háirithe ar an ngeilleagar sonraí agus Idirlíon na Rudaí Nithiúla, ach amháin má tá muinín ag an bpobal i gcoitinne go bhfuil leibhéal áirithe dearbhaithe ag na táirgí agus seirbhísí sin i dtaca le cibearshlándáil. Is samplaí iad gluaisteáin nasctha agus gluaisteáin uathoibrithe, feistí leighis leictreonacha, córais rialaithe um uathoibriú tionsclaíoch nó eangaí cliste de na hearnálacha ina bhfuil deimhniú á úsáid go forleathan cheana féin nó ina meastar a mbeidh sé in úsáid go luath. Na hearnálacha sin atá á rialú leis an Treoir maidir le slándáil gréasán agus faisnéise, is earnálacha iad ina bhfuil deimhniú cibearshlándála criticiúil.
- (49) Sa Teachtaireacht uaidh in 2016 dar teideal Strengthening Europe's Cyber Resilience System and Fostering a Competitive and Innovative Cybersecurity Industry [Córas Cibear-athléimneachta na hEorpa a Threisiú agus Tionscal Cibearshlándála atá Iomaíoch agus Nuálach a Chothú], leag an Coimisiún amach an gá atá le táirgí agus réitigh atá ar ardchaighdeán, inacmhainne agus idir-inoibritheach. Tá soláthar táirgí agus seirbhísí TFC laistigh den mhargadh aonair an-ilroinnte ó thaobh na tíreolaíochta de. Is amhlaidh atá toisc gur fhorbair tionscail na cibearshlándála san Eoraip ar bhonn éilimh ó rialtais na mBallstát den chuid is mó. Ina theannta sin, tá bearnaí eile ann atá ag déanamh dochair don mhargadh aonair sa chibearshlándáil, mar atá an t-easnamh maidir le réitigh idir-inoibritheacha (caighdeán theicniúla), cleachtais agus sásraí deimhniúcháin don Aontas ar fad. Ar lámh amháin, is deacair do chuideachtaí Eorpacha, dá bhrí sin, dul san iomaíocht ar an leibhéal náisiúnta, ar leibhéal na hEorpa agus ar leibhéal domhanda. Ar an lámh eile, laghdaíonn sé ar an rogha atá ann maidir le teicneolaíochtaí cibearshlándála inmharthana agus inúsáidte a bhfuil rochtain ag daoine aonair agus ag fiontair orthu. Ar an gcaoi chéanna, san athbhreithniú meántearma ar chur chun feidhme straitéis an mhargaidh aonair dhigitigh, leag an Coimisiún béim ar an ngá le táirgí agus seirbhísí nasctha a bheith slán, agus luaigh sé go bhféadfadh creat slándála TFC ar leibhéal na hEorpa lena leagtar síos rialacha maidir leis an gcaoi chun deimhniú slándála TFC a eagrú san Aontas, go bhféadfadh córas den chineál sin muinín daoine as an idirlíon a chaomhnú agus dul i ngleic freisin le hilroinnt an mhargaidh cibearshlándála mar atá faoi láthair.

- (50) I láthair na huaire, ní bhaintear úsáid as deimhniú i ndáil le cibearshlándáil **próisis**, táirgí agus seirbhísí TFC ach ar bhonn teoranta. Nuair is ann dá leithéid, is iondúil gur ar leibhéal na mBallstát a úsáidtear é, nó faoi chuimsiú scéimeanna arna stiúradh ag lucht tionscail. Sa chomhthéacs sin, ní aithnítear sna Ballstáit eile, i bprionsabal, deimhniú a eisiann údarás náisiúnta cibearshlándála amháin. Dá bhrí sin, d'fhéadfadh sé go mbeadh ar chuideachtaí a dtáirgí agus a seirbhísí a dheimhniú i roinnt Ballstát ina bhfuil siad ag oibriú d'fhonn, mar shampla, bheith rannpháirteach i nósanna imeachta soláthair náisiúnta. Thairis sin, cé go bhfuil scéimeanna nua ag teacht chun cinn, is cosúil nach bhfuil aon chur chuige comhleanúnach agus iomlánaíoch i bhfeidhm maidir le saincheistean cothrománacha cibearshlándála, i réimse Idirlíon na Rudaí Nithiúla, mar shampla. Tá easnaimh agus éagsúlachtaí suntasacha sna scéimeanna atá i bhfeidhm faoi láthair i dtéarmaí cumhdach táirgí, leibhéil dearbhaithe, critéir shubstainteacha agus úsáid iarbhír.
- (51) Rinneadh iarrachtaí áirithe roimhe seo aitheantas frithpháirteach a bhaint amach do dheimhnithe san Eoraip. Níor éirigh leo ach i bpáirt, áfach. Is é an sampla is fearr ina thaobh seo Comhaontú um Aitheantas Frithpháirteach Ghrúpa na nOifigeach Sinsearach i ndáil le Slándáil na gCóras Faisnéise (SOG-IS). Cé gurb é an múnla is tábhachtaí don chomhar agus d'aitheantas frithpháirteach i réimse an deimhnithe slándála, [...] níl páirteach sa Chomhaontú um Aitheantas Frithpháirteach SOG-IS ach cuid de na Ballstáit. Tá éifeachtúlacht Chomhaontú um Aitheantas Frithpháirteach SOG-IS teoranta ó thaobh an mhargaidh inmheánaigh de.

- (52) I bhfianaise an mhéid thuasluaite, is gá creat Eorpach um dheimhniú i ndáil le cibearshlándáil a bhunú lena leagtar síos na príomhcheanglais chothrománacha i dtaca le scéimeanna Eorpacha um dheimhniú i ndáil le cibearshlándáil a fhorbairt agus faoina n-aithneofar deimhnithe **agus ráitis chomhréireachta ón Aontas** le haghaidh táirgí agus seirbhísí TFC sna Ballstáit uile agus faoina bhféadfadh na deimhnithe sin a úsáid. Dhá chuspóir is ceart a bheith ag an gcreat Eorpach: ar lámh amháin, chuideodh sé chun muinín a mhéadú i dtáirgí agus seirbhísí TFC a deimhníodh faoi na scéimeanna sin. Ar an lámh eile, sheachnódh sé iolrú deimhnithe i ndáil le cibearshlándáil na mBallstát atá ag teacht salach ar a chéile nó a bhfuil forluí eatarthu agus ar an gcaoi sin, laghdódh sé na costais ar ghnóthais oibriú sa mhargadh digiteach aonair. Ba cheart na scéimeanna sin a bheith neamh-idirdhealaitheach agus bunaithe ar chaighdeáin idirnáisiúnta agus/nó caighdeáin [...] **Eorpacha**, ach amháin má tá na caighdeáin sin neamhéifeachtúil nó míchuí i dtaca le cuspóirí dlisteanacha an Aontais a chomhlíonadh ina thaobh sin.
- (53) Ba cheart a thabhairt de chumhacht don Choimisiún scéimeanna um dheimhniú i ndáil le cibearshlándáil a ghlacadh i dtaca le grúpaí áirithe **próisis**, táirgí agus seirbhísí TFC. Ba cheart d'údaráis [...] mhaoirseachta náisiúnta um dheimhniú **i ndáil le cibearshlándáil** na scéimeanna sin a chur chun feidhme agus maoirseacht a dhéanamh orthu agus ba cheart deimhnithe a eisítear faoi na scéimeanna sin a bheith bailí agus aitheanta ar fud an Aontais. Níor cheart do scéimeanna um dheimhniú arna n-oibriú ag lucht tionscail nó ag eagraíochtaí príobháideacha eile teacht faoi raon feidhme an Rialacháin. Mar sin féin, féadfaidh na comhlachtaí a oibríonn na scéimeanna sin a mholadh don Choimisiún na scéimeanna sin a mheas mar bhonn lena bhformheas mar scéim Eorpach.

- (54) Ba cheart forálacha an Rialacháin seo a bheith gan dochar do reachtaíocht an Aontais lena bhforáiltear rialacha sonracha ar dheimhniú táirgí agus seirbhísí TFC. Go háirithe, leagtar síos leis an Rialachán Ginearálta maidir le Cosaint Sonraí forálacha maidir le sásraí deimhniúcháin agus séalaí agus marcanna cosanta sonraí a chur ar bun ionas go bhféadfar a léiriú go bhfuil an Rialachán seo á chomhlíonadh ag oibríochtaí próiseála a dhéanann rialaitheoirí agus próiseálaithe. Ba cheart a áirithiú leis na sásraí deimhniúcháin agus na séalaí agus na marcanna cosanta sin go bhféadfadh ábhair sonraí measúnú a dhéanamh go gasta ar an leibhéal cosanta sonraí a bhaineann le táirgí agus seirbhísí ábhartha. Tá an Rialachán seo gan dochar do dheimhniú oibríochtaí próiseála sonraí, lena n-áirítear nuair a bhíonn na hoibríochtaí sin leabaithe i dtáirgí agus i seirbhísí, faoin Rialachán Ginearálta maidir le Cosaint Sonraí.
- (55) Is é is ceart a bheith mar chuspóir ag na scéimeanna Eorpacha um dheimhniúchán cibearshlándála a áirithiú go ndéanfaidh **próisis**, táirgí agus seirbhísí arna ndeimhniú faoi scéim den chineál sin ceanglais shonraithe a chomhlíonadh[...] **d'fhonn cosaint** a thabhairt d'infhaighteacht, barántúlacht, sláine agus rúndacht sonraí pearsanta stóráilte nó tarchurtha nó próiseáilte nó do na feidhmeanna gaolmhara atá ag na táirgí, próisis, seirbhísí agus scéimeanna sin **le linn a saolré** nó na seirbhísí a tháirgeann siad nó ar féidir rochtain a fháil orthu trína mbíthin sin de réir bhrí an Rialacháin seo. Ní féidir a leagan amach go mionsonraithe sa Rialachán seo na ceanglais chibearshlándála a bhaineann leis na **próisis**, táirgí, agus seirbhísí TFC uile. Tá an oiread difríochta ag roinnt le **próisis**, táirgí agus seirbhísí TFC gona riachtanais ghaolmhara chibearshlándála gur deacair ceanglais ghinearálta a leagan síos maidir le cibearshlándáil a bheadh bailí ar bhonn uilechoiteann. Tá sé riachtanach, dá bhrí sin, tuairim leathan agus tuairim ghinearálta den chibearshlándáil a ghlacadh chun críche an deimhnithe agus, mar chomhlánú air sin, tacar cuspóirí sonracha cibearshlándála a leagan síos is gá a thabhairt san áireamh agus scéimeanna Eorpacha um dheimhniú i ndáil le cibearshlándáil á gceapadh. Ba cheart na módúlachtaí trínar féidir na cuspóirí sin a bhaint amach i dtaca le **próisis**, táirgí agus seirbhísí TFC sonracha a mhionsonrú tuilleadh ar leibhéal na scéime aonair um dheimhniú, arna glacadh ag an gCoimisiún, trí thagairt a dhéanamh do chaighdeán nó do shonraíochtaí teicniúla, mar shampla, **i gcás nach mbíonn fáil ar chaighdeán iomchuí**.

- (55a) Is trí urramú na bprionsabal a leagtar síos in Iarscríbhinn II de Rialachán (AE) 1025/2012 is ceart na sonraíochtaí teicniúla a úsáidfear i scéim Eorpach um dheimhniú i ndáil le cibearshlándaíl a shainaithint. Ach tharlódh go gcaithfí cead a thabhairt imeacht beagán ó na prionsabail sin i gcásanna cuí-réasúnaithe nuair ba scéim Eorpach um dheimhniú i ndáil le cibearshlándaíl, a mbeadh leibhéal dearbhúcháin 'ard' aici, a bheadh ag úsáid na sonraíochtaí teicniúla sin. Ní mór pé cúis a bheadh lena leithéid a thabhairt go poiblí.
- (55b) Is é atá sa mheasúnú comhréireachta dearbhaithe an próiseas trína meastar cé acu a comhlíonadh nó nár comhlíonadh ceanglais áirithe a bhaineann le próiseas, táirge nó seirbhís TFC. An trí páirtí neamhspleách – nach ionann agus monaróir an táirge nó soláthraí na seirbhíse – a dhéanann an measúnú sin. Ach a n-éiríonn leis an measúnú ar an bpróiseas, táirge nó seirbhís TFC, eisítear an deimhniú. Is ionann an deimhniú sin agus dearbhú gur cuireadh an measúnú ábhartha i gcrích mar is ceart. De réir mar a oireann do leibhéal an dearbhaithe, is ceart go ndéanfaí foráil sa scéim Eorpach um dheimhniú i ndáil le cibearshlándaíl maidir le cé acu an comhlacht príobháideach nó poiblí a eiseoidh an deimhniú. Ní dearbhú *per se* iad an measúnú agus deimhniú comhréireachta sin gur cibearshlán do tháirgí agus seirbhísí TFC. Is nós imeachta agus modheolaíocht theicniúil é chun a léiriú gur tástáladh táirgí agus seirbhísí TFC agus go gcomhlíonann siad ceanglais áirithe cibearshlándaíla a leagtar síos in áiteanna eile, mar shampla mar a shonraítear i gcaighdeáin theicniúla.
- (55c) Bunaithe ar an anailís riosca a bhaineann le húsáid próiseas, táirge nó seirbhís TFC a bheidh leibhéal iomchuí an deimhnithe gona cheanglais slándála ghaolmhara a roghnóidh lucht úsáide na ndeimhnithe. Ba cheart, dá réir sin, leibhéal an dearbhaithe a bheith i gcomhréir leis an leibhéal riosca a bhaineann leis an úsáid a bheartaítear do phróiseas, táirge nó seirbhís TFC

- (55d) D'fhéadfaí foráil a dhéanamh, le scéim Eorpach um dheimhniú i ndáil le cibearshlándáil, do mheasúnú comhréireachta a chur i gcrích faoi fhreagracht mhonaróir nó soláthraí táirgí agus seirbhísí TFC agus faoina fhreagracht siúd amháin (féinmheasúnú comhréireachta). I gcás den chineál sin, is leor go ndéanfaidh an monaróir nó an soláthraí féin gach seiceáil d'fhonn comhréireacht an phróisis, na dtáirgí nó na seirbhísí TFC leis an scéim deimhniúcháin a áirithiú. Is ceart measúnú comhréireachta den chineál seo a mheas mar mheasúnú is cuí i gcás táirgí agus seirbhísí TFC le nach mbaineann ach íseal-chastacht (e.g. dearadh agus sásra táirgthe simplí) agus nach baol don leas poiblí iad ach ar éigean. Ina chionn sin, ní cheadófar féinmheasúnú comhréireachta ach i gcás táirgí agus seirbhísí TFC ag a mbíonn an leibhéal dearbhúcháin 'bunúsach'.
- (55e) D'fhéadfaí foráil a dhéanamh, le scéim Eorpach um dheimhniú i ndáil le cibearshlándáil, do dheimhniú agus do mheasúnú comhréireachta táirgí agus seirbhísí TFC. Sa chás sin, is ceart caoi shoiléir intuigthe a thabhairt sa scéim do thomhaltóirí nó d'úsáideoirí eile nach iad chun idirdheighilt idir táirgí agus seirbhísí arb é an monaróir nó an soláthraí a mheasúnaíonn iad agus táirgí agus seirbhísí arna measúnú ag an tríú páirtí.
- (55f) Agus féinmheasúnú comhréireachta ar siúl ag monaróir nó soláthraí táirgí agus seirbhísí TFC, is ceart dó an ráiteas comhréireachta ón Aontas a ullmhú agus a shíniú mar chuid den nós imeachta measúnóireachta comhréireachta sin. Is é atá sa ráiteas comhréireachta ón Aontas an doiciméad lena dtugtar le fios go bhfuil táirge nó seirbhís TFC i gcomhréir le ceanglais na scéime. Má ullmhaíonn agus má shíníonn monaróir nó soláthraí ráiteas comhréireachta ón Aontas, is ionann sin agus freagracht a ghlacadh as comhréireacht an táirge nó na seirbhíse TFC le ceanglais dhlíthiúla na scéime. Is ceart cóip den ráiteas comhréireachta ón Aontas a chur faoi bhráid an údaráis náisiúnta um dheimhniú cibearshlándála agus faoi bhráid ENISA.

- (55g) Is ceart do mhonaróir nó soláthraí táirgí agus seirbhísí TFC an ráiteas comhréireachta ón Aontas, mar aon leis an doiciméadacht theicniúil a ghabhann leis an bhfaisnéis ábhartha uile a bhaineann le comhréireacht na dtáirgí nó na seirbhísí TFC le scéim, is ceart an ráiteas sin a bheith ar fáil don údarás náisiúnta um dheimhniú cibearshlándála ar feadh tréimhse arna sainiú de réir na scéime Eorpaí um dheimhniú cibearshlándála a bheidh i gceist. Is ceart a shonrú sa doiciméadacht theicniúil sin na ceanglais agus an cumhdach is infheidhme, a mhéid is ábhartha do mheasúnú, dearadh, monaraíocht agus oibriú an táirge nó na seirbhíse TFC. Is ceart an doiciméadacht theicniúil sin a thiomsú ar shlí a bhéarfaidh go mbeifear in ann measúnú a dhéanamh ar chomhréireacht an táirge nó na seirbhíse TFC leis na ceanglais ábhartha.**
- (55h) Is cóir an ceart a bheith ag na Ballstáit agus ag eagraíochtaí leasmhara ábhartha a mholadh don Ghrúpa um Dheimhniú i ndáil le Cibearshlándáil go n-ullmhófaí scéim iarrthach. Áirítear ar na heagraíochtaí leasmhara sin lucht tionscail, nó eagraíochtaí a dhéanann ionadaíocht ar thomhaltóirí, mar aon leo siúd a dhéanann ionadaíocht ar FBManna agus a bhfuil leas dlisteanach acu i dtaca le forbairt a dhéanamh ar scéim Eorpach áirithe um dheimhniú i ndáil le cibearshlándáil. Is ceart moltaí den chineál sin a scrúdú faoi réir na gcritéar a d'fhorbair an Grúpa Eorpach um dheimhniú i ndáil le cibearshlándáil ar lorg treoirlínte arna mbunú ar phrionsabail na trédhearcachta, na hoscailteachta, na neamhchlaontachta, na héifeachtúlachta, na hábharthachta, agus an chomhleanúnachais.**

- (56) Ba cheart an chumhacht a thabhairt don Choimisiún **agus don Ghrúpa** a iarraidh ar ENISA scéimeanna iarrthacha a ullmhú, **gan rómhoill**, le haghaidh **próisis**, táirgí nó seirbhísí TFC sonracha. Ina dhiaidh sin, ba cheart a thabhairt de chumhacht don Choimisiún, ar bhonn na scéime iarrthaí arna moladh ag ENISA, an scéim Eorpach um dheimhniú i ndáil le cibearshlándáil a ghlacadh trí bhíthin gníomhartha cur chun feidhme. Ag cur san áireamh an chuspóra ghinearálta agus na gcuspóirí slándála arna sainaithint sa Rialachán seo, ba cheart a shonrú sna scéimeanna Eorpacha um dheimhniú i ndáil le cibearshlándáil arna nglacadh ag an gCoimisiún, íostacar eilimintí a bhaineann leis an ábhar, an raon feidhme agus feidhmiú na scéime aonair. Ba cheart a áireamh orthu sin raon feidhme agus cuspóirí an deimhnithe cibearshlándála, lena n-áirítear catagóirí **na bpróiseas**, na dtáirgí agus na seirbhísí TFC a chumhdaítear, mionsonrú na gceanglas cibearshlándála (mar shampla trí thagairt do chaighdeáin ábhartha nó do shonraíochtaí teicniúla), na critéir agus na modhanna sonracha meastóireachta, agus an leibhéal dearbhaithe atá beartaithe acu: bunúsach, substaintiúil agus/nó ard, **agus na leibhéil mheastóireachta nuair is iomchuí**.
- (56a) Is ionann deimhniú ó scéim deimhniúcháin Eorpach agus foras muiníne go sásaíonn **próiseas, táirge nó seirbhís na ceanglais slándála a bhíonn ag scéim Eorpach ar leith um dheimhniú i ndáil le cibearshlándáil. D'fhonn an comhleanúnachas a áirithiú sa chreat um dheimhniú próiseas, táirgí agus seirbhísí TFC, d'fhéadfaí a shonrú, faoi scéim Eorpach um dheimhniú i ndáil le cibearshlándáil, leibhéil dearbhúcháin i dtaca le deimhnithe cibearshlándála Eorpacha agus le ráitis comhréireachta de chuid an Aontais a eisítear faoin scéim sin. D'fhéadfadh tagairt a chur ar gach deimhniú do cheann de na leibhéil dearbhúcháin seo a leanas: bunúsach, substainteach nó ard, nuair nach bhféadfaí a chur ar an ráiteas comhréireachta ón Aontas ach an leibhéal dearbhúcháin 'bunúsach'. Baineann a gcion féin den dua leis na leibhéil dearbhúcháin ó thaobh an mheasúnaithe de [...] agus is dá shaintréithe go dtagraítear iontu do shonraíochtaí, do chaighdeáin agus do phróisis theicniúla is bainteach leis sin, lena n-áirítear rialaithe teicniúla, arb é is aidhm leo teagmhais chibearshlándála a mhaolú nó a chosc. Is ceart gach leibhéal dearbhúcháin a bheith i gcomhréir i measc na n-earnálacha difriúla ina gcuirtear an dearbhú i bhfeidhm.**

(56b) Féadfar, faoi scéim Eorpach um dheimhniú i ndáil le cibearshlándáil, leibhéil éagsúla mheastóireachta a shonrú, ag brath ar dhéine agus ar dhoimhneacht na modheolaíochta meastóireachta; is ceart don mhodheolaíocht sin comhfhreagairt do cheann amháin de na leibhéil dearbhúcháin agus baint a bheith aici le teaghlaim iomchuí de chomhpháirteanna dearbhúcháin. I dtaca le gach leibhéal dearbhúcháin, is ceart a bheith ag gach táirge nó seirbhís TFC tacar feidhmeanna slándála, mar a shainmhínítear sa scéim, lena bhféadfaí an méid seo a leanas a áireamh: foirmíocht shlán ach a mbaintear an táirge as an mbosca, cód sínithe, maolú slán ar uasghrádú agus ar dhúshaothrú, agus coimircí iomlána i dtaca le cruach/carn. Is ceart gur le cur chuige slándáildírithe maille le huirliisí gaolmhara a forbraíodh na feidhmíochtaí sin, agus a chothaítear iad, d'fhonn a áirithiú go ndéantar sásraí éifeachtacha (idir bhogearra is chrua-earra) a ionchorprú ar bhonn iontaofa. I dtaca leis an leibhéal dearbhúcháin 'bunúsach', is ceart na comhpháirteanna dearbhúcháin seo a leanas, ar a laghad, a bheith mar threoir: athbhreithniú, a dhéanfaidh an comhlacht um measúnú comhréireachta, ar dhoiciméadacht theicniúil an táirge nó na seirbhíse TFC. I gcás ina mbíonn próisis TFC ina gcuid den dearbhú, is ceart an próiseas lena ndéantar, lena bhforbraítear agus lena gcothaítear an táirge nó an tseirbhís TFC a bheith faoi réir athbhreithniú teicniúil freisin. I gcás ina ndéantar foráil, faoi scéim Eorpach um dheimhniú i ndáil le cibearshlándáil, do fhéinmheasúnú comhréireachta, is ceart gur leor má dhéanann an monaróir nó an soláthraí an féinmheasúnú comhréireachta ar chomhréireacht an phróisis, na n-earraí nó na seirbhísí TFC leis an scéim deimhniúcháin. I dtaca leis an leibhéal dearbhúcháin 'substainteach', is ceart don mheastóireacht ní hé amháin an leibhéal 'bunúsach' a bheith mar threoir aige ach fíorú comhréireachta fheidhmíochtaí slándála an táirge nó na seirbhíse TFC leis an doiciméadacht theicniúil, ar a laghad, freisin. I dtaca leis an ardleibhéal dearbhúcháin, is ceart don mheastóireacht ní hé amháin an leibhéal 'substainteach' a bheith mar threoir aige ach tástáil éifeachtúlachta a dhéanann measúnú ar fhrithsheasmhacht fheidhmíochtaí slándála an táirge nó na seirbhíse TFC ina leith siúd a dhéanann cibear-ionsaithe ilchasta agus a mbíonn scileanna agus acmhainní nach suaill acu.

- (56c) Agus scéim iarrthach á hullmhú, is ceart do ENIAS dul i gcomhairle le gach geallsealbhóir ábhartha, amhail na heagraíochtaí cáilíochta Eorpacha, na húdaráis ábhartha náisiúnta, eagraíochtaí atá bunaithe ar chomhaontuithe um aitheantas frithpháirteach amhail SOG, FMBanna, eagraíochtaí do thomhaltóirí, mar aon le geallsealbhóirí comhshaoil agus sóisialta.
- (56d) Is ceart do ENISA suíomh gréasáin a chothabháil ar a mbeidh eolas agus poiblíocht maidir le scéimeanna Eorpacha um dheimhniú i ndáil le cibearshlándáil ar a n-áireofar *inter alia* iarrataí ar scéimeanna iarrthacha Eorpacha um dheimhniú i ndáil le cibearshlándáil mar aon leis an aiseolas a gheofar le linn an phróisis comhchomhairliúcháin a dhéanfaidh ENISA le linn chéim an ullmhaithe. Is ceart go mbeadh eolas le fáil ar na suíomhanna sin faoi dheimhnithe agus ráitis comhréireachta de chuid an Aontais a eisítear faoin Rialachán seo.
- (57) Is ceart gur bhfanfadh deimhniú i ndáil le cibearshlándáil agus **ráitis chomhréireachta ón Aontas** ina rogha mura bhforáiltear dá mhalairt i reachtaíocht an Aontais nó na mBallstát arna glacadh i gcomhréir le dlí an Aontais. In éagmais na reachtaíochta comhchuibhithe, is ceadmhach do na Ballstáit rialacháin theicniúla náisiúnta a ghlacadh i gcomhréir le Treoir (AE) Uimh. 2015/1535 lena bhforáiltear do dheimhniú éigeantach faoi scéim Eorpach um dheimhniú i ndáil le cibearshlándáil. Is ceadmhach do na Ballstáit leas a bhaint chomh maith as deimhniú Eorpach i ndáil le cibearshlándáil faoi chuimsiú an tsoláthair phoiblí agus Threoir 2014/214/AE.[...]

- (57a) D'fhonn cuspóirí an Rialachán seo a bhaint amach agus ilroinnt an mhargaidh inmheánaigh a sheachaint, scoirfidh na scéimeanna náisiúnta um dheimhniú i ndáil le cibearshlándáil nó nósanna imeachta le haghaidh táirgí agus seirbhísí TFC arna gcumhdach faoi scéim um dheimhniú i ndáil le cibearshlándáil, scoirfidh siad d'fheidhm a bheith acu ón dáta arna leagan síos ag an gCoimisiún trí bhíthin gníomh cur chun feidhme. Thairis sin, níor cheart do na Ballstáit scéimeanna náisiúnta nua um dheimhniú i ndáil le cibearshlándáil a thabhairt isteach do tháirgí agus do sheirbhísí TFC arna gcumhdach cheana faoi scéim Eorpach um dheimhniú i ndáil le cibearshlándáil. Ach ní ceart cosc a chur ar na Ballstáit scéimeanna deimhniúcháin náisiúnta a ghlacadh nó a choinneáil ar bun chun críocha slándála náisiúnta.
- (58) A luaithe a ghlacfar scéim Eorpach um dheimhniú i ndáil le cibearshlándáil, beidh monaróirí táirgí TFC nó soláthraithe seirbhísí TFC in ann iarratas a chur isteach ar dheimhniú dá dtáirgí agus dá seirbhísí ó chomhlacht um measúnú comhréireachta a roghnóidh siad féin. Ba cheart do chomhlacht creidiúnaithe comhlachtaí um measúnú comhréireachta a chreidiúnú má chomhlíonann siad ceanglais shonracha áirithe. Eiseofar creidiúnú le haghaidh uastréimhse cúig bliana agus féadfar é a athnuachan faoi na coinníollacha céanna ar choinníoll go gcomhlíonann an comhlacht um measúnú comhréireachta na ceanglais. Ba cheart do na comhlachtaí creidiúnaithe creidiúnú comhlachta um measúnú comhréireachta **a theorannú, a chur ar fionraí nó** a aisghairm i gcás nach gcomhlíontar na coinníollacha don chreidiúnú, nó nach bhfuil siad á gcomhlíonadh níos mó nó i gcás ina sáraíonn bearta a dhéanfaidh comhlacht um measúnú comhréireachta an Rialachán seo.

- (59) [...]is **ceart** do na Ballstáit [...] **údarás** deimhniúcháin cibearshlándála amháin nó níos mó a ainmniú chun maoirseacht a dhéanamh ar chomhlíonadh **na gceanglas a eascraíonn as an Rialachán seo. Más iomchuí sin leis an mBallstát, is ceadmhach na cúraimí a shannadh d'údarás éigin arb ann di cheana. Ba cheart do na Ballstáit a bheith in ann cinneadh a dhéanamh freisin, trí chomhaontú frithpháirteach le Ballstát eile, údarás maoirseachta amháin nó níos mó a ainmniú i gcríoch an Bhallstáit eile sin. Is ceart don údarás, go háirithe, faireachán agus cur chun feidhme a dhéanamh ar na ceanglais a leagtar, faoin ráiteas comhréireachta ón Aontas, ar mhonaróir nó soláthraí na dtáirgí agus seirbhísí TFC, cúnamh a thabhairt do na comhlachtaí creidiúnaithe náisiúnta faireachán agus maoirseacht a dhéanamh ar ghníomhaíochtaí na gcomhlachtaí measúnaithe comhréireachta trí shaineolas agus faisnéis ábhartha a sholáthar dóibh, údarú a thabhairt do na comhlachtaí creidiúnaithe cúraimí a chur i gcrích nuair a shásaíonn siad ceanglais bhreise a leagtar amach i scéim, agus faireachán a dhéanamh ar fhorbairtí ábhartha i réimse an deimhnithe i ndáil leis an gcibearshlándáil[...]. Is ceart do na húdaráis deimhniúcháin náisiúnta **chibearshlándála** gearáin arna gcur isteach ag daoine nádúrtha nó dlítheanacha i ndáil le deimhnithe arna n-eisiúint **ag na húdaráis nó deimhnithe arna n-eisiúint ag comhlachtaí measúnaithe comhréireachta a thagraíonn don ardleibhéal dearbhúcháin[...]**, is ceart dóibh ábhar an ggearáin a imscrúdú, a mhéid is iomchuí, agus an gearánaí a chur ar an eolas faoi dhul chun cinn agus toradh an imscrúdaithe laistigh de thréimhse réasúnach. Ina theannta sin, ba cheart dóibh oibriú i gcomhar le húdaráis deimhniúcháin náisiúnta **cibearshlándála** eile um dheimhniú nó le húdaráis phoiblí eile, lena n-áirítear trí fhaisnéis a roinnt faoi na cásanna sin inar féidir nach bhfuil táirgí agus seirbhísí TFC ag comhlíonadh cheanglais an Rialacháin seo nó na scéimeanna cibearshlándála ar leith.**

- (60) D'fhoill cur i bhfeidhm comhsheasmhach an chreata Eorpaigh um dheimhniú i ndáil le cibearshlándaíl a áirithiú, ba cheart Grúpa Eorpach um Dheimhniú i ndáil le Cibearshlándaíl ("an Grúpa") a bhunú ina mbeidh **ionadaithe ó** na húdaráis deimhniúcháin náisiúnta **cibearshlándaíla nó ó údaráis ábhartha náisiúnta eile** rannpháirteach. Ba cheart a bheith ar phríomhchúraimí an Ghrúpa cúnamh agus comhairle a chur ar fáil don Choimisiún maidir lena chuid oibre lena áirithiú go ndéanfar an creat Eorpach um dheimhniú i ndáil le cibearshlándaíl a chur chun feidhme agus a chur i bhfeidhm go comhsheasmhach; cúnamh a thabhairt don Ghníomhaireacht agus bheith ag obair i ndlúthchomhar léi chun na scéimeanna iarrthacha um dheimhniú i ndáil le cibearshlándaíl a ullmhú; a mholadh don Choimisiún iarraidh ar an nGníomhaireacht scéim iarrthach um dheimhniú i ndáil le cibearshlándaíl a ullmhú agus tuairimí a ghlacadh a chuirfear faoi bhráid **na Gníomhaireachta maidir le scéimeanna iarrthacha agus** faoi bhráid an Choimisiúin maidir leis na scéimeanna Eorpacha um dheimhniú i ndáil le cibearshlándaíl atá ann cheana a chothabháil agus a athbhreithniú;
- (60a) Is ceart don Ghrúpa éascú a dhéanamh ar mhalartú na ndea-chleachtas agus an tsaineolais i measc na n-údarás deimhniúcháin náisiúnta cibearshlándaíla a bheidh freagrach as údarú na gcomhlachtaí measúnaithe comhréireachta agus as eisiúint deimhnithe. Is ceart do Ghrúpa tacú le sásra piarach athbhreithniúcháin a fhorbairt agus scéim iarrthach á hullmhú agus á cur chun feidhme i gcás comhlachtaí a eisiúint deimhnithe Eorpacha cibearshlándaíla don ardleibhéal dearbhúcháin. Is ceart, agus na piarmheasúnuithe sin ar siúl, a mheasúnú go háirithe an bhfuil an saineolas iomchuí ag na comhlachtaí lena mbaineann chun a gcuid cúraimí a chur i gcrích go comhchuí. Is ceart torthaí na bpiarmheasúnuithe sin a chur ar fáil go poiblí. Is ceadmhach do na comhlachtaí sin bearta iomchuí a ghlacadh d'fhoill a gcuid cleachtas agus saineolais a oiriúnú.
- (61) Chun feasacht a ardú agus chun glacadh scéimeanna Eorpacha um dheimhniú slándála amach anseo a éascú, féadfaidh an Coimisiún Eorpach treoirlínte slándála ginearálta nó earnáilsonracha a eisiúint e.g. Treoirlínte maidir le dea-chleachtais cibearshlándaíla nó iompraíocht stuama cibearshlándaíla.

- (61a) **D'fhonn an trádáil a éascú a thuilleadh, agus i bhfianaise gur ar bhonn domhanda a bhíonn na slabhraí soláthair TFC, is ceadmhach don Aontas i gcomhréir le hAirteagal 218 CFAE comhaontuithe um aitheantas frithpháirteach a dhaingniú i dtaca le deimhnithe arna n-eisiúint faoi scéimeanna a bunaíodh faoin gCreat Eorpach um dheimhniú i ndáil le cibearshlándáil. Is ceadmhach don Choimisiún a mholadh, agus an chomhairle a gheobhaidh sé ó ENISA agus ón nGrúpa Eorpach um Dheimhniú i ndáil le Cibearshlándáil á cur san áireamh dó, go rachfaí i mbun caibidlíochta mar is ábhartha. Is ceart do gach scéim dálaí sonracha a sholáthar i dtaca leis an aitheantas frithpháirteach le tríú tíortha.**
- (62) [...]
- (63) [...]
- (64) Chun coinníollacha aonfhoirmeacha a áirithiú maidir leis an Rialachán seo a chur chun feidhme, ba cheart cumhachtaí cur chun feidhme a thabhairt don Choimisiún nuair a fhoráiltear dóibh sin sa Rialachán seo. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011.

- (65) Ba cheart an nós imeachta scrúdúcháin a úsáid chun gníomhartha cur chun feidhme a ghlacadh maidir le scéimeanna Eorpacha um dheimhniú i ndáil le cibearshlándáil le haghaidh táirgí agus seirbhísí TFC; maidir leis na módúlachtaí a bhaineann [...] leis an nGníomhaireacht **fiosruithe** a dhéanamh; agus maidir leis na cúinsí, na formáidí, agus na nósanna imeachta i dtaca le fógraí a thabhairt don Choimisiún faoi chomhlachtaí um measúnú comhréireachta arna gcreidiúnú ag údaráis mhaoirseachta náisiúnta um dheimhniú [...] **maidir le cibearshlándáil**.
- (66) Ba cheart meastóireacht a dhéanamh ar oibríochtaí na Gníomhaireachta go neamhspleách. Ba cheart aird a thabhairt sa mheastóireacht ar an nGníomhaireacht a cuspóirí a bhaint amach, ar a cleachtais oibre agus ar ábharthacht a cúraimí. Ba cheart a mheas sa mheastóireacht freisin tionchar, éifeachtacht agus éifeachtúlacht an chreata Eorpaigh um dheimhniú i ndáil le cibearshlándáil.
- (67) Ba cheart Rialachán (AE) Uimh. 526/2013 a aisghairm.
- (68) Ós rud é nach féidir leis na Ballstáit cuspóirí an Rialacháin seo a ghnóthú go leordhóthanach agus gur fearr is féidir iad a ghnóthú ar leibhéal an Aontais, féadfaidh an tAontas bearta a ghlacadh, i gcomhréir le prionsabal na coimhdeachta a leagtar amach in Airteagal 5 den Chonradh ar an Aontas Eorpach. I gcomhréir le prionsabal na comhréireachta a leagtar amach san Airteagal sin, ní théann an Rialachán seo thar a bhfuil riachtanach chun na cuspóirí sin a ghnóthú.

TAR ÉIS AN RIALACHÁN SEO A GHLACADH:

TEIDEAL I

FORÁLACHA GINEARÁLTA

Airteagal 1

Ábhar agus raon feidhme

1. D'fhonn a áirithiú go bhfeidhmeoidh an margadh inmheánach mar is cuí, agus d'fhonn leibhéal ard cibearshlándála, cibear-athléimneachta agus muiníne a áirithiú laistigh den Aontas, déantar an méid seo a leanas leis an Rialachán seo
 - (a) cuspóirí, cúraimí agus gnéithe eagraíochtúla ENISA, Gníomhaireacht **an Aontais Eorpaigh um Chibearshlándáil**", ("an Gníomhaireacht" anseo feasta), a leagan síos; agus
 - (b) creat a leagan síos maidir le scéimeanna Eorpacha um dheimhniú i ndáil le cibearshlándáil a bhunú chun críche leibhéal leordhóthanach cibearshlándála a áirithiú do tháirgí agus seirbhísí TFC san Aontas. Beidh feidhm ag an gcreat sin gan dochar do na forálacha sonracha i ndáil le deimhniú deonach nó éigeantach i ngníomhartha eile de chuid an Aontais.
2. **Beidh an Rialachán seo gan dochar d'inniúlachtaí na mBallstát i ndáil le cibearshlándáil, agus i gcás ar bith, gan dochar do ghníomhaíochtaí a bhaineann le slándáil phoiblí, cosaint, slándáil náisiúnta agus gníomhaíochtaí na mBallstát i réimsí an dlí choiriúil.**

Airteagal 2
Sainmhínithe

Chun críocha an Rialacháin seo, tá feidhm ag na sainmhínithe seo a leanas:

- (1) ciallaíonn "cibearshlándáil" na gníomhaíochtaí go léir is gá chun córais gréasán agus faisnéise, a n-úsáideoirí, agus daoine lena mbaineann a chosaint ar chibearbhagairtí;
- (2) ciallaíonn "córas gréasán agus faisnéise" córas de réir bhrí phointe (1) d'Airteagal 4 de Threoir (AE) Uimh. 2016/1148;
- (3) ciallaíonn "straitéis náisiúnta um shlándáil córas gréasán agus faisnéise" creat de réir bhrí phointe (3) d'Airteagal 4 de Threoir (AE) Uimh. 2016/1148;
- (4) ciallaíonn "oibreoir seirbhísí bunriachtanacha" eintiteas poiblí nó príobháideach mar a shainmhínítear i bpointe (4) d'Airteagal 4 de Threoir (AE) Uimh. 2016/1148;
- (5) ciallaíonn "soláthraí seirbhíse digití" aon duine dlítheanach a sholáthraíonn seirbhís dhigiteach mar a shainmhínítear é i bpointe (6) d'Airteagal 4 de Threoir (AE) Uimh. 2016/1148;
- (6) ciallaíonn "teagmhas" aon teagmhas mar a shainmhínítear é i bpointe (7) d'Airteagal 4 de Threoir (AE) Uimh. 2016/1148;
- (7) ciallaíonn "láimhseáil teagmhas" aon nós imeachta mar a shainmhínítear i bpointe (8) d'Airteagal 4 de Threoir (AE) Uimh. 2016/1148.
- (8) ciallaíonn "cibearbhagairt" aon chúinse nó teagmhas a d'fhéadfadh **damáiste a dhéanamh, cur isteach ar, nó** tionchar díobhálach eile a bheith aige ar chórais gréasán agus faisnéise, ar a n-úsáideoirí agus ar dhaoine lena mbaineann;

- (9) ciallaíonn "scéim Eorpach um dheimhniú i ndáil le cibearshlándáil" an tacar cuimsitheach de rialacha, ceanglais theicniúla, caighdeáin agus nósanna imeachta arna sainiú ar leibhéal an Aontais a bhaineann le deimhniú **nó le measúnú comhréireachta próiseas**, táirgí agus seirbhísí teicneolaíochta faisnéise agus cumarsáide (TFC) a thagann faoi raon feidhme na scéime áirithe sin;
- (9a) **ciallaíonn "scéim náisiúnta um dheimhniú i ndáil le cibearshlándáil" tacar cuimsitheach de rialacha, ceanglais theicniúla, caighdeáin agus nósanna imeachta arna bhforbairt agus arna nglacadh ag údarás poiblí náisiúnta a bhaineann le deimhniú nó measúnú comhréireachta próiseas, táirgí agus seirbhísí teicneolaíochta faisnéise agus cumarsáide (TFC) a chuimsítear faoi raon feidhme na scéime áirithe sin;**
- (10) ciallaíonn 'deimhniú Eorpach i ndáil le cibearshlándáil' doiciméad [...]lena bhfianaítear go bhfuiltear tar éis an **próiseas**, táirge nó seirbhís TFC atá i gceist [...]a **mheasúnú maidir le comhréireacht le ceanglais** shonracha **slándála** arna leagan síos i scéim Eorpach um dheimhniú i ndáil le cibearshlándáil;
- (11) ciallaíonn "táirge TFC" aon eilimint nó grúpa eilimintí de chórais gréasán agus faisnéise;
- (11a) **ciallaíonn seirbhís 'TFC' aon seirbhís lena ndéantar, go hiomlán nó go páirteach, traschur, stóráil, aisghabháil nó próiseáil ar fhaisnéis trí bhíthin córais gréasán agus faisnéise;**
- (11b) **ciallaíonn 'próiseas TFC' aon sraith gníomhaíochtaí a dhéantar chun táirge nó seirbhís TFC a dhearadh, a fhorbairt, a sheachadadh agus a chothabháil;**
- (12) ciallaíonn "creidiúnú" creidiúnú mar atá sainmhínithe i bpointe (10) d'Airteagal 2 de Rialachán (CE) Uimh. 765/2008;

- (13) ciallaíonn "comhlacht creidiúnaithe náisiúnta" comhlacht creidiúnaithe náisiúnta mar a shainmhínítear é i bpointe 11 d'Airteagal 2 de Rialachán (CE) Uimh. 765/2008;
- (14) ciallaíonn "measúnú comhréireachta" measúnú comhréireachta mar a shainmhínítear i bpointe (12) d'Airteagal 2 de Rialachán (CE) Uimh. 765/2008;
- (15) ciallaíonn "comhlacht um measúnú comhréireachta" comhlacht um measúnú comhréireachta mar a shainmhínítear i bpointe (13) d'Airteagal 2 de Rialachán (CE) 765/2008;
- (16) ciallaíonn "caighdeán" caighdeán mar a shainmhínítear i bpointe (1) d'Airteagal 2 de Rialachán (AE) Uimh. 1025/2012;
- (16a) **ciallaíonn "sonraíocht theicniúil" doiciméad lena bhforordaítear ceanglais theicniúla nach mór do tháirge, próiseas nó seirbhís TFC a chomhlíonadh;**
- (16b) **ciallaíonn 'leibhéal dearbhúcháin' foras muiníne go sásaíonn próiseas, táirge nó seirbhís TFC ceanglais slándála de chuid scéim Eorpach ar leith um dheimhniú i ndáil le cibearshlándaíl agus go luaitear an leibhéal ag a ndearnadh an measúnú; ní hionann an leibhéal dearbhúcháin agus cainníocht na slándála a bhíonn ag próiseas, táirge nó seirbhís TFC ann féin.**

TEIDEAL II

ENISA – "[...]*Gníomhaireacht an Aontais Eorpaigh um Chibearshlándáil*"

CAIBIDIL I

SAINORDÚ AGUS CUSPÓIRÍ/[...]

Airteagal 3

Sainordú

1. Rachaidh an Gníomhaireacht i mbun na gcúraimí a leagfar uirthi de bhun an Rialacháin seo i dtaca le rannchuidiú le hardleibhéal cibearshlándála [...] **ar fud an Aontais go háirithe trí thacú leis na Ballstáit agus le hinstitiúidí, gníomhaireachtaí agus comhlachtaí an Aontais an chibearshlándáil a fheabhsú. Beidh an Gníomhaireacht ina pointe tagartha ag institiúidí, gníomhaireachtaí agus comhlachtaí an Aontais i dtaca le comhairle agus saineolas cibearshlándála.**
2. Déanfaidh an Gníomhaireacht na cúraimí a leagtar uirthi le gníomhartha an Aontais ina leagtar amach bearta chun reachtaíocht, rialacháin nó forálacha riaracháin na mBallstát a bhaineann leis an gcibearshlándáil a chomhfhogasú.
- 2a. **Agus a cuid cúraimí á gcur i gcrích aici, gníomhóidh an Gníomhaireacht go neamhspleách agus tabharfaidh sí aird ar leith ar an saineolas náisiúnta a bhíonn ag údaráis ábhartha na mBallstát; seachnóidh sí dúbailt gníomhaíochtaí.**
3. [...]

Airteagal 4

Cuspóirí

1. Beidh an Ghníomhaireacht ina hionad saineolais ar an gcibearshlándáil de bhua a neamhspleáchais, de bhua cháilíocht theicniúil agus eolaíoch na comhairle agus an chúnaimh a thabharfaidh sí agus na faisnéise a chuirfidh sí ar fáil, na trédhearcachta a bhaineann lena nósanna imeachta oibriúcháin agus a modhanna oibriúcháin, agus í a bheith dúthrachtach i dtaobh a cúraimí a dhéanamh.
2. Tabharfaidh an Ghníomhaireacht cúnamh d'institiúidí, do ghníomhaireachtaí, agus do chomhlachtaí an Aontais agus do na Ballstáit i dtaca le beartais **de chuid an Aontais** a bhaineann leis an gcibearshlándáil, **lena n-áirítear beartais earnálacha**, a fhorbairt agus a chur chun feidhme.
3. Tacóidh an Ghníomhaireacht le forbairt acmhainneachta agus le hullmhacht ar fud an Aontais trí chuidiú **le hinstitiúidí, gníomhaireachtaí agus comhlachtaí** an Aontais, **leis na** Ballstáit agus **le** geallsealbhóirí poiblí agus príobháideacha d'fhonn cosaint a ngréasán agus a gcóras faisnéise a fheabhsú, **an chibear-athléimneacht agus acmhainneachtaí freagartha a fheabhsú**, agus scileanna agus inniúlachtaí i réimse na cibearshlándála **a fhorbairt** [...].
4. Déanfaidh an Ghníomhaireacht comhar agus comhordú ar leibhéal an Aontais a chur chun cinn idir na Ballstáit, institiúidí, gníomhaireachtaí agus comhlachtaí an Aontais agus na geallsealbhóirí (**idir phríobháideach agus phoiblí**) lena mbaineann, [...] maidir le hábhair a bhaineann leis an gcibearshlándáil.
5. **Rannchuideoidh** an Ghníomhaireacht maidir leis [...] na hinniúlachtaí cibearchosanta ar leibhéal an Aontais **a mhéadú** chun [...] **tacú le** bearta na mBallstát i dtaca le cosc a chur agus freagairt a dhéanamh ar chibearbhagairtí, go háirithe i gcás teagmhais trasteorann.

6. Cuirfidh an Ghníomhaireacht úsáid an deimhnithe chun cinn **ar mhaithe le hilroinnt na scéimeanna deimhniúcháin san Aontas a sheachaint. Beidh lámh ag an nGníomhaireacht** [...] i mbunú agus i gcothabháil creat um dheimhniú i ndáil le cibearshlándaíl ar leibhéal an Aontais i gcomhréir le Teideal III den Rialachán seo, d'fhonn trédhearcacht an dearbhaithe cibearshlándála do tháirgí agus seirbhísí TFC a mhéadú agus, ar an gcaoi sin, an mhuinín as an margadh digiteach inmheánach a threisiú.
7. Déanfaidh an Ghníomhaireacht leibhéal ard feasachta ar shaincheisteanna a bhaineann le cibearshlándaíl a chur chun cinn i measc na saoránach agus gnólachtaí.

CAIBIDIL IA

CÚRAIMÍ

Airteagal 5

[...]Beartas agus dlí an Aontais a fhorbairt agus a chur chun feidhme

Rannchuideoidh an Ghníomhaireacht le beartas agus dlí an Aontais a fhorbairt agus a chur chun feidhme, trí:

1. cúnamh agus comhairle a chur ar fáil, go háirithe trína tuairim neamhspleách a thabhairt agus obair ullmhúcháin a dhéanamh, ar fhorbairt agus athbhreithniú bheartas agus dlí an Aontais i réimse na cibearshlándála, agus ar thionscnaimh beartais agus dlí earnáilsonrach i gcás ina bhfuil ábhair a bhaineann le cibearshlándaíl i gceist.
2. cuidiú leis na Ballstáit beartas agus dlí an Aontais maidir le cibearshlándaíl a chur chun feidhme go háirithe i ndáil le Treoir (AE) 2016/1148, lena n-áirítear trí bhíthin tuairimí, treoirlínte, comhairle agus dea-chleachtais faoi thopaicí amhail bainistiú riosca, tuairisciú teagmhas agus comhroinnt faisnéise, chomh maith le malartú dea-chleachtas idir na húdaráis inniúla a éascú i ndáil leis an méid sin;

3. rannchuidiú le hobair an Ghrúpa Comhair de bhun Airteagal 11 de Threoir (AE) 2016/1148, trí shaineolas agus cúnamh a chur ar fáil;
4. tacú le:
- (1) forbairt agus cur chun feidhme bheartas an Aontais i réimse an aitheantais leictreonaigh agus seirbhísí iontaoibhe, go háirithe trí chomhairle agus treoirlínte theicniúla a thabhairt, agus malartú dea-chleachtas idir na húdaráis inniúla a éascú;
 - (2) leibhéal slándála feabhsaithe maidir le cumarsáidí leictreonacha a chur chun cinn, lena n-áirítear trí shaineolas agus comhairle a chur ar fáil agus malartú dea-chleachtas idir na húdaráis inniúla a éascú;
5. tacú le hathbhreithniú rialta ar ghníomhaíochtaí beartais an Aontais trí thuarascáil bhliantúil a chur ar fáil ar staid cur chun feidhme an chreata dlí ábhartha maidir le:
- (a) fógraí teagmhais ó na Ballstáit arna gcur ar fáil ag na príomhphointí teagmhála don Ghrúpa Comhair de bhun Airteagal 10(3) de Threoir (AE) 2016/1148;
 - (b) fógraí faoi sháruithe ar shlándáil agus teip ó thaobh sláine maidir le soláthraithe seirbhísí iontaoibhe, arna gcur ar fáil ag na comhlachtaí maoirseachta don Ghníomhaireacht, de bhun Airteagal 19(3) de Rialachán (AE) 910/2014;
 - (c) fógraí faoi [...] **theagmhais** slándála arna dtarchur ag na gnóthais a chuireann ar fáil gréasáin cumarsáide phoiblí nó seirbhísí cumarsáide leictreonaí, arna gcur ar fáil ag na húdaráis inniúla don Ghníomhaireacht, de bhun Airteagal 40 den [Treoir lena mbunaítear an Cód um Chumarsáid Leictreonach Eorpach].

Airteagal 6

[...]Forbairt acmhainní

1. Tabharfaidh an Ghníomhaireacht cúnamh do:
 - (a) na Ballstáit agus iad ag iarraidh feabhas a chur ar chosc, brath, anailís agus cumas freagartha i dtaca le **bagairtí** agus teagmhais chibearshlándála, tríd an eolas agus an saineolas riachtanach a sholáthar dóibh;
 - (b) institiúidí, [...] gníomhaireachtaí, **agus comhlachtaí** an Aontais, ina n-iarrachtaí feabhas a chur ar chosc, brath, anailís agus cumas freagartha i dtaca le [...] **bagairtí** [...] agus teagmhais chibearshlándála **go háirithe** trí thacaíocht chuí i ndáil le CERT a thabhairt d'institiúidí, gníomhaireachtaí agus comhlachtaí an Aontais (CERT-EU);
 - (c) na Ballstáit, arna iarraidh sin dóibh, agus iad i mbun Foirne Freagartha do Theagmhais a bhaineann le Slándáil Ríomhairí (CSIRTanna) a fhorbairt de bhun Airteagal 9(5) de Threoir (AE) 2016/1148;
 - (d) na Ballstáit, arna iarraidh sin dóibh, agus iad i mbun straitéisí náisiúnta a fhorbairt maidir le slándáil na gcóras gréasán agus faisnéise, de bhun Airteagal 7(2) de Threoir (AE) 2016/1148; cuirfidh an Ghníomhaireacht le scaipeadh na straitéisí sin ar fud an Aontais freisin agus lena gcur chun feidhme [...] **a rianadh** d'fhonn dea-chleachtais a chur chun cinn;
 - (e) institiúidí an Aontais agus iad i mbun straitéisí cibearshlándála an Aontais a fhorbairt agus a athbhreithniú, scaipeadh na straitéisí sin a chur chun cinn agus an dul chun cinn i dtaca lena gcur chun feidhme a rianadh;
 - (f) CSIRTanna na mBallstát agus an Aontais chun leibhéal a gcumais a mhéadú, lena n-áirítear trí idirphlé agus malartú faisnéise a chur chun cinn, d'fhonn a áirithiú, i dtaca leis an úrscothacht, go gcomhlíonann gach CSIRT tacar coiteann de chumais íosta agus go n-oibríonn sé de réir na ndea-chleachtas;

- (g) leis na Ballstáit trí chleachtaí cibearshlándála mórsála a eagrú **ar bhonn rialta** ar leibhéal an Aontais dá dtagraítear in Airteagal 7(6) agus trí mholtaí a dhéanamh maidir le beartais bunaithe ar phróiseas meastóireachta na gcleachtaí agus ar na ceachtanna a foghlaimíodh uathu;
 - (h) le comhlachtaí poiblí ábhartha trí oiliúint a chur ar fáil maidir leis an gcibearshlándáil, i gcás inarb iomchuí i gcomhar le geallsealbhóirí;
 - (i) leis an nGrúpa Comhair, **trí** dhea-chleachtais a mhalartú, go háirithe maidir le hoibreoirí seirbhísí riachtanacha a shainaithint ag na Ballstáit, lena n-áirítear dea-chleachtais maidir le spleáchais trasteorann, i ndáil le rioscaí agus teagmhais, de bhun Airteagal 11(3)(1) de Threoir (AE) 2016/1148.
2. **Tacóidh** an Ghníomhaireacht **le comhroinnt faisnéise i measc earnálacha éagsúla agus laistigh díobh**, go háirithe sna hearnálacha a liostaítear in Iarscríbhinn II de Threoir (AE) 2016/1148, trí bhíthin dea-chleachtais agus treoir a thabhairt maidir leis na huirlisí agus na nósanna imeachta atá ar fáil, agus maidir le dul i ngleic le saincheisteanna rialála a bhaineann le comhroinnt faisnéise.

Airteagal 7

[...]An comhar oibríochtúil ar leibhéal an Aontais

1. Tacóidh an Ghníomhaireacht le comhar oibríochtúil i measc na mBallstát, **institiúidí, gníomhaireachtaí agus [...] comhlachtaí an Aontais**, agus idir geallsealbhóirí.

2. Comhoibreoidh an Ghníomhaireacht ar leibhéal oibríochtúil agus bunóidh sí sineirgíochtaí le hinstiúidí, [...] gníomhaireachtaí, **agus comhlachtaí** an Aontais, lena n-áirítear CERT-EU, leis na seirbhísí a bhíonn ag déileáil le cibearchoireacht agus leis na húdaráis maoirseachta a bhíonn ag déileáil le cosaint príobháideachais agus sonraí pearsanta, d'fhonn dul i ngleic le saincheisteanna atá ina n-ábhar inní dóibh go léir, trí mar shampla:
- (a) fios gnó agus dea-chleachtais a mhalartú;
 - (b) comhairle agus treoirlinnte a chur ar fáil maidir le saincheisteanna ábhartha a bhaineann leis an gcibearshlándáil;
 - (c) socruithe praiticiúla a leagan síos, tar éis dul i gcomhairle leis an gCoimisiún, chun cúraimí sonracha a chur i bhfeidhm.
3. Is í an Ghníomhaireacht a chuirfidh rúnaíocht ar fáil do líonra CSIRTanna, de bhun Airteagal 12(2) de Threoir (AE) 2016/1148, agus a dhéanfaidh, **sa cháil sin**, [...] comhroinnt na faisnéise agus an comhar idir a chuid comhaltaí a éascú go gníomhach.
4. **Tacóidh** [...] an Ghníomhaireacht leis an gcomhar oibríochtúil laistigh de Líonra CSIRTanna agus tabharfaidh sí tacaíocht do na Ballstáit, **arna iarraidh sin dóibh**, trí:
- (a) comhairle a thabhairt maidir lena n-acmhainní a fheabhsú chun teagmhais a chosc, a bhrath agus chun freagairt orthu;
 - (b) [...] **éascú a dhéanamh ar láimhseáil** [...] theicniúil aon teagmhas a fhágann lorg suaithinseach nó suntasach, **lena n-áirítear go háirithe trí thacú le comhroinnt dheonach réiteach teicniúil i measc na mBallstát**;
 - (c) leochaileachtaí, [...] agus teagmhais a anailísiú;
 - (ca) **tacaíocht a sholáthar d'fhiosrúcháin theicniúla *ex post* ar theagmhais a fhágann lorg suaithinseach nó suntasach, de bhun Treoir (AE) 2016/1148.**

Agus na cúraimí sin á ndéanamh acu, rachaidh an Ghníomhaireacht agus CERT-EU i mbun comhar struchtúrach d'fhonn tairbhe a bhaint as sineirgíochtaí, **agus dúbailt gníomhaíochtaí a sheachaint**[...].

5. [...]

[...]

6. Eagróidh an Ghníomhaireacht cleachtaí [...] **rialta** cibearshlándála ar leibhéal an Aontais agus tacóidh sí leis na Ballstáit agus le hinstiúidí, gníomhaireachtaí agus comhlachtaí an Aontais cleachtaí a eagrú, arna iarraidh sin dóibh. **Féadfar a áireamh ar na cleachtaí sin, ar leibhéal an Aontais, eilimintí teicniúla, oibríochtúla, nó straitéiseacha[...]. Uair gach re bliain, déanfar cleachta mórsála a eagrú ina mbeidh na heilimintí sin go léir.** Cuideoidh an Ghníomhaireacht freisin le cleachtaí cibearshlándála earnálacha agus lena n-eagrú, i gcás inarb iomchuí, i gcomhar le [...] **heagraíochtaí ábhartha a mbeidh cead acu** páirt a ghlacadh i gcleachtaí cibearshlándála ar leibhéal an Aontais.
7. Ullmhóidh an Ghníomhaireacht, **i ndlúthchomhar leis na Ballstáit**, tuarascáil rialta ar staid theicniúil na Cibearshlándála ar theagmhais agus bagairtí bunaithe ar fhaisnéis foinse oscailte, a anailís féin, agus ar thuarascálacha arna gcomhroinnt acu seo a leanas, i measc comhlachtaí eile: CSIRTanna na mBallstát [...] nó Ionaid Ilfhreastail arna mbunú leis an Treoir maidir le slándáil gréasán agus faisnéise (**ar bhonn deonach araon[...]**); Ionad Cibearchoireachta na hEorpa (EC3) ag Europol, CERT-EU.
8. Cuideoidh an Ghníomhaireacht chun freagairt chomhoibritheach a fhorbairt, ar leibhéal an Aontais agus na mBallstát, ar theagmhais mhórsála trasteorann nó ar ghéarchéimeanna cibearshlándála, go háirithe trí:
- (a) tuarascálacha ó fhoinsí náisiúnta a chomhiomlánú, **arna gcomhroinnt ar bhonn deonach**, d'fhonn cuidiú chun feasacht staide choiteann a bhunú;
 - (b) sreabhadh éifeachtach faisnéise a áirithiú mar aon le sásraí géaraithe idir líonra CSIRTanna agus lucht déanta cinntí polaitiúla agus teicniúla ar leibhéal an Aontais:

- (c) [...]arna iarraidh sin do na Ballstáit, éascú a dhéanamh ar láimhseáil theicniúil teagmhais nó géarchéime, lena n-áirítear **go háirithe**, [...]trí thacú le comhroinnt **dheonach** réiteach teicniúil i measc na mBallstát;
- (d) tacú le **hinstiúidí, gníomhaireachtaí agus comhlachtaí an Aontais, agus, arna iarraidh sin dóibh, leis na Ballstáit i dtaca le** cumarsáid leis an bpobal i dtaobh an teagmhais nó na géarchéime;
- (e) **tacú leis na Ballstáit, arna iarraidh sin dóibh, chun** [...] na pleananna comhoibritheacha lena bhfreagrófar do theagmhais agus do ghéarchéimeanna den chineál sin a thástáil.

Airteagal 8

[...]An margadh, deimhniú i ndáil le cibearshlándáil, agus caighdeánú

Déanfaidh an Ghníomhaireacht:

- (a) tacú le forbairt agus cur chun feidhme bheartas an Aontais maidir le deimhniú cibearshlándála a dhéanamh ar phróisis, táirgí agus seirbhísí TFC, agus an beartas sin a chur chun feidhme, mar a bhunaítear le Teideal III den Rialachán seo, trí:
 - (1) scéimeanna iarrthacha Eorpacha deimhniúcháin i ndáil le cibearshlándáil a ullmhú do **phróisis, táirgí agus seirbhísí TFC i gcomhar leis an earnáil tionsclaíochta agus i gcomhréir le hAirteagal 44 den Rialachán seo;**
 - (2) cuidiú leis an gCoimisiún rúnaíocht a chur ar fáil don Ghrúpa Eorpach um Dheimhniú i ndáil le Cibearshlándáil de bhun Airteagal 53 den Rialachán seo;
 - (3) treoirlínte a thiomsú agus a fhoilsiú agus dea-chleachtais a fhorbairt maidir le ceanglais chibearshlándála táirgí agus seirbhísí TFC, i gcomhar leis na húdaráis deimhniúcháin náisiúnta **cibearshlándála** agus le lucht tionscail;

(3a) sonraíochtaí iomchuí teicniúla a mholadh a úsáidfear agus scéimeanna Eorpacha um dheimhniú i ndáil le cibearshlándáil á bhforbairt dá dtagraítear in Airteagal 47(1)(b) i gcás nach mbíonn fáil ar chaighdeán ar bith;

(3b) rannchuidiú le fothú leordhóthanach acmhainní i dtaca le próisis mheasúnúcháin agus deimhniúcháin trí threoirlínte a thiomsú agus a fhoilsiú agus trí thacaíocht a thabhairt do na Ballstát arna iarraidh sin dóibh;

- (b) éascú a dhéanamh ar bhunú agus ar ghlacadh caighdeán Eorpach agus idirnáisiúnta i dtaobh bainistíocht riosca agus i dtaobh slándáil **próiseas**, táirgí agus seirbhísí ICT [...];
- (ba)** i gcomhar leis na Ballstáit, comhairle agus treoirlínte a tharraingt suas maidir leis na réimsí teicniúla a bhaineann leis na riachtanais slándála d'oibreoirí seirbhísí bunriachtanacha agus do sholáthraithe seirbhíse digití, agus maidir le caighdeán atá ann cheana, lena n-áirítear caighdeán náisiúnta na mBallstát, de bhun Airteagal 19(2) de Threoir (EU) 2016/1148;
- (c) anailísiú a dhéanamh go rialta ar na príomhthreochtaí sa mhargadh cibearshlándála ar thaobh an tsoláthair agus an éilimh araon agus iad sin a scaipeadh, d'fhonn an margadh cibearshlándála san Aontas a chothú.

Airteagal 9
[...]Eolas agus faisnéis[...]

Déanfaidh an Gníomhaireacht:

- (a) anailísiú ar theicneolaíochtaí atá ag teacht chun cinn agus measúnuithe topaic-shonracha a chur ar fáil ar an tionchar a mheastar a bheadh ag nuálaíochtaí teicneolaíochta ar an gcibearshlándáil ó thaobh na sochaí, an dlí, an gheilleagair agus na rialála de;
- (b) anailísí straitéiseacha fadtéarmacha ar bhagairtí agus teagmhais chibearshlándála d'fhonn treochtaí atá ag teacht chun cinn a shainaithint agus cuidiú chun [...] **teagmhais** a bhaineann le cibearshlándáil a chosc;
- (c) comhairle, treoir agus dea-chleachtais a chur ar fáil, i gcomhar le saineolaithe údaráis na mBallstát, maidir le slándáil córas gréasán agus faisnéise, go háirithe maidir le slándáil [...] agus na mbonneagar sin a thacaíonn leis na hearnálacha a liostaítear in Iarscríbhinn II de Threoir (AE) 2016/1148 **agus leo siúd arna n-úsáid ag soláthraithe seirbhíse digítí a liostaítear in Iarscríbhinn III de chuid na Treorach sin;**
- (d) faisnéis maidir leis an gcibearshlándáil, arna cur ar fáil ag institiúidí, gníomhaireachtaí agus comhlachtaí an Aontais, a thiomsú, a eagrú agus a chur ar fáil do na Ballstáit agus do gheallsealbhóirí poiblí agus príobháideacha, **agus ar bhonn deonach ag na Ballstáit agus ag geallsealbhóirí príobháideacha agus poiblí;**
- (e) [...]
- (f) faisnéis, atá ar fáil go poiblí, maidir le teagmhais shuntasacha a bhailiú agus a anailísiú agus tuarascálacha a thiomsú d'fhonn treoir a chur ar fáil do ghnólachtaí agus do shaoránaigh ar fud an Aontais
- (g) [...].

Airteagal 9a
Ardú feasachta agus an t-oideachas

Déanfaidh an Ghníomhaireacht:

- (a) feasacht an phobail ar rioscaí a bhaineann le cibearshlándaíl a ardú, agus treoir a thabhairt do shaoránaigh agus eagraíochtaí maidir le dea-chleachtais le haghaidh úsáideoirí aonair;**
- (b) feachtais rialta for-rochtana a eagrú i gcomhréir leis na Ballstáit agus le hinstiúidí, comhlachtaí, agus gníomhaireachtaí an Aontais, agus le lucht tionscail, chun feabhas a chur ar an gcibearshlándaíl agus ar a hinfheictheacht ar fud an Aontais;**
- (c) cuidiú leis na Ballstáit agus iad ag iarraidh an fheasacht a ardú i dtaobh na cibearshlándaíla agus an t-oideachas maidir leis an gcibearshlándaíl a chur chun cinn;**
- (d) tacú le comhordú agus malartú níos dlúithe i measc na mBallstát ar dhea-chleachtais i dtaca le feasacht agus le hoideachas cibearshlándaíla trí éascú a dhéanamh ar chruthú agus a chothabháil líonra de phointí teagmhála náisiúnta oideachais.**

Airteagal 10
[...]Taighde agus nuálaíocht

I dtaca le taighde agus nuálaíocht, déanfaidh an Ghníomhaireacht an méid seo:

- (a) comhairle a chur ar fáil don Aontas agus do na Ballstáit maidir le riachtanais agus tosaíochtaí taighde i réimse na cibearshlándaíla d'fhonn freagairtí éifeachtacha ar rioscaí agus bagairtí atá ann cheana agus atá ag teacht chun cinn a chumasú, lena n-áirítear maidir le teicneolaíochtaí faisnéise agus cumarsáide nua agus cinn atá ag teacht chun cinn, agus d'fhonn teicneolaíochtaí seachanta rioscaí a úsáid go héifeachtúil;**
- (b) páirt a ghlacadh, i gcás ina bhfuil na cumhachtaí ábhartha tarmligthe ag an gCoimisiún di, i gcéim cur chun feidhme clár um maoiniú taighde agus nuálaíochta, nó ina cáil mar thairbhí.**

Airteagal 11

[...]An comhar idirnáisiúnta

Cuideoidh an Ghníomhaireacht le hiarrachtaí an Aontais comhar a bhunú le tríú tíortha agus le heagraíochtaí idirnáisiúnta chun comhar idirnáisiúnta maidir le saincheisteanna cibearshlándála a chur chun cinn, trí:

- (a) gníomhú, i gcás inarb iomchuí, mar bhreathnóir in eagrú cleachtaí idirnáisiúnta, agus anailís a dhéanamh agus tuairisciú don Bhord Bainistíochta ar thoradh na gcleachtaí sin;
- (b) éascú a dhéanamh, [...] **faoi chuimsiú na gcreataí ábhartha idirnáisiúnta comhair**, ar mhalartú na ndea-chleachtas[...];
- (c) saineolas a chur ar fáil don Choimisiún, arna iarraidh sin dó;
- (ca) **i gcomhar leis an nGrúpa Eorpach um Dheimhniú i ndáil le Cibearshlándáil a bunaíodh faoi Airteagal 53, comhairle agus tacaíocht a chur ar fáil don Choimisiún maidir le comhaontuithe le haghaidh aitheantas frithpháirteach deimhnithe cibearshlándála le tríú tíortha.**

CAIBIDIL II

EAGRÚ NA GNÍOMHAIREACHTA

Airteagal 12

Struchtúr

Is mar seo a leanas a bheidh struchtúr riaracháin agus bainistíochta na Gníomhaireachta:

- (a) Bord Bainistíochta a fheidhmeoidh na feidhmeanna a leagtar amach in Airteagal 14;
- (b) Bord Feidhmiúcháin a fheidhmeoidh na feidhmeanna a leagtar amach in Airteagal 18;
- (c) Bainisteoir Feidhmiúcháin, a fheidhmeoidh na freagrachtaí a leagtar amach in Airteagal 19;[...]
- (d) Buanghrúpa Geallsealbhóirí a fheidhmeoidh na feidhmeanna atá leagtha amach in Airteagal 20;
- (da) **Gréasán na nOifigeach Náisiúnta Idirchaidrimh, a fheidhmeoidh na feidhmeanna a leagtar amach in Airteagal 20a.**

ROINN 1

AN BORD BAINISTÍOCHTA

Airteagal 13

Comhdhéanamh an Bhoird Bainistíochta

1. Ionadaí amháin ó gach Ballstát agus beirt ionadaithe arna gceapadh ag an gCoimisiún a bheidh ar an mBord Bainistíochta. Beidh cearta vótála ag na hionadaithe uile.
2. Beidh comhalta malartach ag gach comhalta den Bhord Bainistíochta agus déanfaidh an comhalta malartach sin ionadaíocht air nuair a bheidh sé as láthair.

3. Ceapfar comhaltaí an Bhoird agus a gcomhaltaí malartacha ar bhonn a gcuid eolais i réimse na cibearshlándála, ag cur san áireamh scileanna ábhartha bainistíochta, riaracháin agus buiséadacha. Déanfaidh na Ballstáit agus an Coimisiún iarrachtaí ráta athraithe a gcuid ionadaithe ar an mBord Bainistíochta a theorannú chun leanúnachas in obair an Bhoird sin a áirithiú. Beidh sé mar aidhm ag an gCoimisiún agus ag na Ballstáit ionadaíocht chothromaithe a bhaint amach idir fir agus mná ar an mBord Bainistíochta.
4. Ceithre bliana a bheidh i dtéarma oifige chomhaltaí an Bhoird Bhainistíochta agus a gcuid malartach. Beidh an téarma sin in-athnuaite.

Airteagal 14

Feidhmeanna an Bhoird Bainistíochta

1. Déanfaidh an Bord Bainistíochta an méid seo a leanas:
 - (a) treo ginearálta oibríocht na Gníomhaireachta a shainmhíniú agus a áirithiú go n-oibreoidh an Gníomhaireacht i gcomhréir leis na rialacha agus na prionsabail a leagtar síos sa Rialachán seo. Áiritheoidh sé freisin comhsheasmhacht obair na Gníomhaireachta le gníomhaíochtaí a dhéanann na Ballstáit agus a dhéantar ar leibhéal an Aontais;
 - (b) an dréachtdoiciméad clársceidealaithe aonair de chuid na Gníomhaireachta dá dtagraítear in Airteagal 21 a ghlacadh sula dtíolacfar chuig an gCoimisiún é chun a thuairim a fháil ina leith;
 - (c) doiciméad clársceidealaithe aonair sin na Gníomhaireachta a ghlacadh, agus tuairim an Choimisiúin á cur san áireamh, trí thromlach dhá thrian de na comhaltaí agus i gcomhréir le hAirteagal 17;
 - (ca) cur chun feidhme an chlársceidealaithe ilbhliantúil agus bhliantúil a áirítear sa doiciméad aonair clársceidealaithe;**

- (d) buiséad bliantúil na Gníomhaireachta a ghlacadh, trí thromlach dhá thrían de na comhaltaí, agus feidhmeanna eile a dhéanamh i leith bhuiséad na Gníomhaireachta de bhun Chaibidil III;
- (e) measúnú a dhéanamh ar an tuarascáil chomhdhlúite bhliantúil maidir le gníomhaíochtaí na Gníomhaireachta agus í a ghlacadh faoin 1 Iúil an bhliain ina dhiaidh sin, agus an measúnú agus an tuarascáil a chur ar aghaidh chuig Parlaimint na hEorpa, chuig an gComhairle, chuig an gCoimisiún agus chuig an gCúirt Iniúchóirí. Beidh na cuntais san áireamh sa tuarascáil bhliantúil agus tabharfar tuairisc inti ar an gcaoi ar chomhlíon an Ghníomhaireacht a cuid táscairí feidhmíochta. Poibleofar an tuarascáil bhliantúil;
- (f) na rialacha airgeadais a ghlacadh is infheidhme maidir leis an nGníomhaireacht i gcomhréir le hAirteagal 29;
- (g) straitéis frith-chalaoise a ghlacadh atá comhréireach leis na rioscaí calaoise ag féachaint d'anailís costais is tairbhe na mbeart a bheidh le cur chun feidhme;
- (h) rialacha a ghlacadh chun coinbhleachtaí leasa a chosc agus a bhainistiú i leith a comhaltaí;
- (i) obair leantach leordhóthanach a áirithiú ar na torthaí agus ar na moltaí a eascróidh as imscrúduithe na hOifige Eorpaí Frith-Chalaoise (OLAF) agus as na tuarascálacha agus na meastóireachtaí éagsúla inmheánacha agus seachtracha;
- (j) a rialacha nós imeachta a ghlacadh;
- (k) i gcomhréir le mír 2 agus i dtaca le baill foirne na Gníomhaireachta, na cumhachtaí a fheidhmiú arna ndeonú di le Rialacháin Foirne Oifigigh an Aontais Eorpaigh don Údarás Ceapacháin agus ag Coinníollacha Fostaíochta Sheirbhíseach Eile an Aontais don Údarás atá Cumhachtaithe chun Conradh Fostaíochta a Thabhairt chun Críche ('cumhachtaí an údaráis ceapacháin');

- (l) rialacha a ghlacadh chun na Rialacháin Foirne agus Coinníollacha Fostaíochta Seirbhíseach Eile a chur chun feidhme i gcomhréir leis an nós imeachta dá bhforáiltear in Airteagal 110 de na Rialacháin Foirne;
- (m) an Stiúrthóir Riaracháin a cheapadh agus, más ábhartha, síneadh a chur lena théarma oifige nó é a chur as oifig i gcomhréir le hAirteagal 33 den Rialachán seo;
- (n) Oifigeach Cuntasaíochta a cheapadh, a bheidh neamhspleách ar fad i gcomhlíonadh a chuid dualgas, agus féadfaidh sé gurb é oifigeach cuntasaíochta an Choimisiúin é;
- (o) gach cinneadh a dhéanamh maidir le bunú struchtúir inmheánacha na Gníomhaireachta agus maidir le modhnú an struchtúir sin, más gá, ag cur san áireamh riachtanais ghníomhaíochtaí na Gníomhaireachta agus ag féachaint do bhainistiú fóna buiséid;
- (p) tabhairt chun críche socruithe oibre a údarú i gcomhréir le hAirteagal 7 agus le hAirteagal 39.

2. Glacfaidh an Bord Bainistíochta, i gcomhréir le hAirteagal 110 de na Rialacháin Foirne, cinneadh ar bhonn Airteagal 2(1) de na Rialacháin Foirne agus ar Airteagal 6 de Choinníollacha Fostaíochta Seirbhíseach Eile, lena ndéantar cumhachtaí ábhartha an údaráis ceapacháin a tharmligean chuig an Stiúrthóir Feidhmiúcháin agus lena sainítear na coinníollacha faoinar féidir an tarmligean cumhachtaí sin a chur ar fionraí. Údarófar don Stiúrthóir Feidhmiúcháin na cumhachtaí sin a fho-tharmligean.
3. Nuair is gá sin mar gheall ar chúinsí eisceachtúla, féadfaidh an Bord Bainistíochta, trí bhíthin cinnidh, tarmligean chumhachtaí an údaráis ceapacháin chuig an Stiúrthóir Feidhmiúcháin, a chur ar fionraí go sealadach. chomh maith leis na cumhachtaí arna bhfo-tharmligean ag an Stiúrthóir Feidhmiúcháin, agus iad a fheidhmiú é féin nó iad a tharmligean chuig duine dá chomhaltaí nó do bhall foirne eile seachas an Stiúrthóir Feidhmiúcháin.

Airteagal 15

Cathaoirleach an Bhoird Bainistíochta

Toghfaidh an Bord Bainistíochta an Cathaoirleach trí thromlach dhá thrían de na comhaltaí agus an Leaschathaoirleach as measc a chomhaltaí féin ar feadh tréimhse ceithre bliana, a bheidh ina tréimhse in-athnuaite uair amháin. Más rud é, áfach, go dtiocfaidh deireadh lena gcomhaltas ar an mBord Bainistíochta tráth ar bith le linn a dtéarma oifige, rachaidh a dtéarma oifige in éag go huathoibríoch ar an dáta sin. Glacfaidh an Leaschathaoirleach ionad an Chathaoirligh *ex officio* mura mbeidh an Cathaoirleach in ann a chuid dualgas a chomhlíonadh.

Airteagal 16

Cruinnithe an Bhoird Bainistíochta

1. Is é an Cathaoirleach a chomórfaidh cruinnithe an Bhoird Bainistíochta.
2. Tionólfar ar a laghad dhá ghnáthchruinniú de chuid an Bhoird Bainistíochta in aghaidh na bliana. Beidh cruinnithe urghnácha aige freisin arna iarraidh sin don Chathaoirleach, don Choimisiún nó d'aon trian ar a laghad de na comhaltaí.
3. Glacfaidh an Stiúrthóir Feidhmiúcháin páirt i gcruinnithe an Bhoird Bainistíochta ach ní bheidh ceart vótála aige.
4. Féadfaidh comhaltaí den Bhuanghrúpa Geallsealbhóirí bheith rannpháirteach, ar chuireadh ón Cathaoirleach, i gcruinnithe den Bhord Bainistíochta, ach ní bheidh ceart vótála acu.
5. Féadfaidh comhairleoirí nó saineolaithe cúnamh a thabhairt do chomhaltaí an Bhoird Bainistíochta nó do na comhaltaí malartacha, faoi réir rialacha nós imeachta an Bhoird.
6. Is í an Ghníomhaireacht a chuirfidh rúnaíocht ar fáil don Bhord Bainistíochta.

Airteagal 17

Rialacha vótála an Bhoird Bainistíochta

1. Glacfaidh an Bord Bainistíochta a chuid cinntí de réir thromlach a chomhaltaí.
2. Beidh tromlach dhá thrían de chomhaltaí uile an Bhoird Bainistíochta ag teastáil do chinntí maidir leis an doiciméad clársceidealaithe aonair, don bhuiséad bliantúil agus chun an Stiúrthóir Feidhmiúcháin a cheapadh, a théarma oifige a shíneadh, nó é a chur as oifig.
3. Beidh aon vóta amháin ag gach comhalta. Má bhíonn comhalta as láthair, beidh an comhalta malartach i dteideal a cheart vótála a fheidhmiú.
4. Glacfaidh an Cathaoirleach páirt sa vótáil.
5. Ní ghlacfaidh an Stiúrthóir Feidhmiúcháin páirt sa vótáil.
6. Le rialacha nós imeachta an Bhoird Bainistíochta, leagfar síos socruithe vótála níos mionsonraithe, go háirithe na cúinsí ina bhféadfadh comhalta gníomhú thar ceann comhalta eile.

ALT 2

AN BORD FEIDHMIÚCHÁIN

Airteagal 18

An Bord Feidhmiúcháin

1. Tabharfaidh an Bord Feidhmiúcháin cúnamh don Bhord Bainistíochta.
2. Déanfaidh an Bord Feidhmiúcháin:
 - (a) na cinntí atá le glacadh ag an mBord Bainistíochta a ullmhú;
 - (b) a áirithiú, i gcomhar leis an mBord Bainistíochta, go ndéanfar obair leantach leormhaith ar thorthaí agus moltaí a thagann as imscrúduithe de chuid na hOifige Eorpaí Frith-Chalaoise (OLAF) agus as na tuarascála iniúchta agus meastóireachtaí inmheánacha nó seachtracha éagsúla;
 - (c) cabhrú leis an Stiúrthóir Feidhmiúcháin agus comhairle a chur air i ndáil le cinntí an Bhoird Bainistíochta maidir le cúrsaí riaracháin agus buiséadacha a chur chun feidhme de bhun Airteagal 19, gan dochar do fhreagrachtaí an Stiúrthóra Feidhmiúcháin, mar a leagtar amach in Airteagal 19 iad.
3. Beidh an Bord Feidhmiúcháin comhdhéanta de chúigear comhaltaí arna gceapadh as measc chomhaltaí an Bhoird Bainistíochta, agus ina measc sin beidh Cathaoirleach an Bhoird Bainistíochta, a fhéadfaidh freisin a bheith ina chathaoirleach ar an mBord Feidhmiúcháin, agus duine d'ionadaithe an Choimisiúin. Glacfaidh an Stiúrthóir Feidhmiúcháin páirt i gcrúinnithe an Bhoird Feidhmiúcháin, ach ní bheidh ceart vótála aige.
4. Mairfidh tréimhse oifige chomhaltaí an Bhoird Feidhmiúcháin ar feadh ceithre bliana. Beidh an téarma sin in-athnuaite.
5. Beidh cruinniú ag an mBord Feidhmiúcháin uair amháin gach trí mhí ar a laghad. Déanfaidh cathaoirleach an Bhoird Feidhmiúcháin cruinnithe breise a chomóradh arna iarraidh sin do chomhaltaí an Bhoird.

6. Leagfaidh an Bord Bainistíochta síos rialacha nós imeachta an Bhoird Feidhmiúcháin.
7. [...]

ALT 3

AN STIÚRTHÓIR FEIDHMIÚCHÁIN

Airteagal 19

Freagrachtaí an Stiúrthóra Feidhmiúcháin

1. Is é an Stiúrthóir Feidhmiúcháin, a bheidh neamhspleách i gcomhlíonadh a dhualgais, a bhainisteoidh an Ghníomhaireacht. Beidh an Stiúrthóir Feidhmiúcháin freagrach don Bhord Bainistíochta.
2. Tabharfaidh an Stiúrthóir Feidhmiúcháin tuairisc do Pharlaimint na hEorpa maidir le comhlíonadh a dhualgas nuair a iarrtar sin air. Féadfaidh an Chomhairle iarraidh ar an Stiúrthóir Feidhmiúcháin tuairisc a thabhairt maidir le comhlíonadh a dhualgas.

3. Beidh an Stiúrthóir Feidhmiúcháin freagrach as an méid seo a leanas:
- (a) riarachán laethúil na Gníomhaireachta;
 - (b) na cinntí a ghlacann an Bord Bainistíochta a chur chun feidhme;
 - (c) an dréachtdoiciméad clársceidealaithe aonair a ullmhú agus é a chur faoi bhráid an Bhoird Bainistíochta lena formheas sula ndéanfar é a thíolacadh chuig an gCoimisiún;
 - (d) an doiciméad clársceidealaithe aonair a chur chun feidhme agus tuairisc a thabhairt don Bhord Bainistíochta ina thaobh sin;
 - (g) an tuarascáil bhliantúil chomhdhlúite ar ghníomhaíochtaí na Gníomhaireachta, **lena n-áirítear an clár oibre bliantúil a chur chun feidhme**, agus í a chur faoi bhráid an Bhoird Bainistíochta lena measúnú agus lena glacadh;
 - (f) plean gníomhaíochta a ullmhú mar bheart leanúnach de dhroim chonclúidí na meastóireachtaí aisebhreathnaitheacha agus tuairisc a thabhairt don Choimisiún gach dhá bhliain maidir leis an dul chun cinn atá á dhéanamh;
 - (g) plean gníomhaíochta a ullmhú ag féachaint d'obair leantach a dhéanamh ar chonclúidí na dtuarascálacha iniúchóireachta inmheánaí nó seachtraí, agus ar imscrúduithe de chuid na hOifige Eorpaí Frith-Chalaoise (OLAF), mar aon le tuairisc ar an dul chun cinn a chur chuig an gCoimisiún dhá uair sa bhliain, agus chuig an mBord Riaracháin ar bhonn rialta;
 - (h) na dréachtrialacha airgeadais is infheidhme maidir leis an nGníomhaireacht a ullmhú;
 - (i) dréachtráiteas na Gníomhaireachta ar mheastacháin ioncaim agus caiteachais a ullmhú agus a buiséad a chur chun feidhme;

- (j) leasa airgeadais an Aontais a chosaint trí bhearta coisctheacha in aghaidh na calaoise, an éillithe agus aon ghníomhaíochtaí mídhleathacha eile, trí sheiceálacha éifeachtacha agus, má bhraitear neamhrialtachtaí, trí mhéideanna a íocadh go mícheart a aisghabháil agus, i gcás inarb iomchuí, trí phionóis riaracháin agus airgeadais a bheidh éifeachtach, comhréireach agus athchomhairleach a chur i bhfeidhm;
 - (k) straitéis frith-chalaoise don Gníomhaireacht a ullmhú agus an straitéis sin a chur faoi bhráid an Bhoird Bainistíochta lena formheas;
 - (l) teagmháil a fhorbairt agus a chothabháil leis an bpobal gnó agus le heagraíochtaí tomhaltóirí chun idirphlé rialta le geallsealbhóirí ábhartha a áirithiú;
 - (la) **an malartú tráthrialta le hinstitiúidí, gníomhaireachtaí agus comhlachtaí an Aontais maidir lena ngníomhaíochtaí i ndáil leis an gcibearchoireacht chun comhleanúnachas a áirithiú i bhforbairt agus i gcur chun feidhme bheartas an Aontais;**
 - (m) cúraimí eile arna sannadh don Stiúrthóir Feidhmiúcháin leis an Rialachán seo.
4. I gcás ina bhfuil gá leis agus faoi réir shainordú na Gníomhaireachta, agus i gcomhréir le cuspóirí agus cúraimí na Gníomhaireachta, féadfaidh an Stiúrthóir Feidhmiúcháin Grúpaí Oibre *ad hoc* de shaineolaithe a bhunú, lena n-áirítear saineolaithe ó údaráis inniúla na mBallstát. Cuirfear an Bord Bainistíochta ar an eolas roimh ré faoin méid sin. Sonrófar na nósanna imeachta a bhaineann go háirithe le comhdhéanamh na nGrúpaí Oibre, le ceapadh shaineolaithe na nGrúpaí Oibre ag an Stiúrthóir Feidhmiúcháin agus le hoibríocht na nGrúpaí Oibre *ad hoc* i rialacha inmheánacha oibríochta na Gníomhaireachta.

5. **Más gá, chun cúraimí na Gníomhaireachta a chur i gcrích go héifeachtúil agus go héifeachtach agus ar bhonn anailís iomchuí costais/sochair, féadfaidh an Stiúrthóir Feidhmiúcháin a chinneadh [...] oifig áitiúil amháin nó níos mó a bhunú i mBallstát amháin nó níos mó. Sula gcinnfear oifig áitiúil a chur ar bun, lorgóidh an Stiúrthóir Feidhmiúcháin tuairim an Bhallstáit/na mBallstát lena mbaineann, lena n-áirítear an Ballstát ina bhfuil suíomh na gníomhaireachta, agus gheobhaidh sé nó sí toiliú roimh ré ón gCoimisiún agus ón mBord Bainistíochta[...]. I gcásanna ina mbeadh easaontú le linn phróiseas an chomhairliúcháin idir an Stiúrthóir Feidhmiúcháin agus na Ballstáit lena mbaineann, cuirfear an tsaincheist faoi bhráid na Comhairle lena plé. Sonrófar sa chinneadh raon feidhme na ngníomhaíochtaí a bheidh le déanamh san oifig áitiúil ar bhealach a sheachnóidh costais neamhriachtanacha agus feidhmeanna riaracháin na Gníomhaireachta a dhéanamh faoi dhó.[...] Coimeádfar an líon foirne is lú is féidir i ngach oifig áitiúil agus ní mó san iomlán a bheidh sin ná 40% den [...] fhoireann atá sa Bhallstát ina bhfuil suíomh na Gníomhaireachta. Ní mó ná 10% de [...] líon na [...] foirne atá sa Bhallstát ina bhfuil suíomh na Gníomhaireachta a bheidh líon na foirne i ngach oifig áitiúil.**

ALT 4

AN BUANGHRÚPA GEALLSEALBHÓIRÍ

Airteagal 20

An Buanghrúpa Geallsealbhóirí

1. Bunóidh an Bord Bainistíochta, ag gníomhú dóibh arna mholadh sin don Stiúrthóir Feidhmiúcháin, Buanghrúpa Geallsealbhóirí, agus beidh an buanghrúpa sin comhdhéanta de shaineolaithe aitheanta atá ina n-ionadaithe ar na geallsealbhóirí ábhartha, amhail an tionscal TFC, soláthraithe gréasán nó seirbhísí cumarsáide leictreonaí atá ar fáil don phobal, **oibreoirí seirbhísí bunriachtanacha**, grúpaí tomhaltóirí, saineolaithe acadúla ar an gcibearshlándáil agus ionadaithe údarás inniúil a dtugtar fógra dóibh faoin [Treoir lena mbunaítear an Cód um Chumarsáid Leictreonach Eorpach] chomh maith le húdaráis um fhorfheidhmiú an dlí agus údaráis um maoirseacht ar chosaint sonraí.
2. Sonrófar i rialacha inmheánacha oibríochta na Gníomhaireachta na nósanna imeachta maidir leis an mBuanghrúpa Geallsealbhóirí agus go háirithe na nósanna imeachta maidir le líon, comhdhéanamh agus ceapadh na gcomhaltaí ag an mBord Bainistíochta, an togra ón Stiúrthóir Feidhmiúcháin agus oibríocht an Ghrúpa, agus poibleofar na nósanna imeachta sin.
3. Is é an Stiúrthóir Feidhmiúcháin, nó aon duine a cheapfaidh an Stiúrthóir Feidhmiúcháin ar bhonn cás ar chás, a ghníomhóidh mar chathaoirleach ar an mBuanghrúpa Geallsealbhóirí.
4. Tréimhse dhá bhliain go leith a bheidh i dtéarma oifige chomhaltaí an Bhuanghrúpa Geallsealbhóirí. Ní fhéadfaidh comhaltaí an Bhoird Bainistíochta a bheith ina gcomhaltaí den Bhuanghrúpa Geallsealbhóirí. Beidh saineolaithe ón gCoimisiún agus ó na Ballstáit i dteideal a bheith i láthair ag na cruinnithe agus páirt a ghlacadh in obair an Bhuanghrúpa Geallsealbhóirí. Más rud é nach comhaltaí den Bhuanghrúpa Geallsealbhóirí iad, tabharfar cuireadh chuig na cruinnithe d'ionadaithe comhlachtaí eile a mheasann an Stiúrthóir Feidhmiúcháin atá ábhartha do na cruinnithe agus tabharfar cuireadh dóibh páirt a ghlacadh ina chuid oibre.

5. Tabharfaidh an Buanghrúpa Geallsealbhóirí comhairle don Ghníomhaireacht maidir le feidhmiú a gníomhaíochtaí. Tabharfaidh sé, go háirithe, comhairle don Stiúrthóir Feidhmiúcháin maidir le togra a tharraingt suas le haghaidh chlár oibre na Gníomhaireachta agus maidir le cumarsáid a áirithiú leis na geallsealbhóirí ábhartha agus maidir le haon saincheist a bhaineann leis an gclár oibre.
- 5a. **Cuirfidh an Buanghrúpa Geallsealbhóirí an Bord Bainistíochta ar an eolas go tráthrialta maidir lena chuid gníomhaíochtaí.**

ALT 4A

GRÉASÁN NA nOIFIGEACH NÁISIÚNTA IDIRCHaidrimh

Airteagal 20a

Gréasán na nOifigeach Náisiúnta Idirchaidrimh

1. **Déanfaidh an Bord Bainistíochta, ag gníomhú dó ar thogra ón Stiúrthóir Feidhmiúcháin, Gréasán Oifigeach Náisiúnta Idirchaidrimh a bhunú a bheidh comhdhéanta d'ionadaithe ó na Ballstáit.**
2. **Ionadaithe ó na Ballstáit go léir a bheidh sna hOifigigh Náisiúnta Idirchaidrimh. Ceapfaidh gach Ballstát ionadaí amháin. Féadfar cruinnithe an ghréasáin a thionól i bhformáidí éagsúla saineolaithe.**
3. **Déanfaidh Gréasán na nOifigeach Náisiúnta Idirchaidrimh an malartú faisnéise a éascú idir ENISA agus na Ballstáit go háirithe. Tacóidh sé le ENISA chun a chuid gníomhaíochtaí, torthaí agus moltaí a scaipeadh ar fud an Aontais, ar na geallsealbhóirí ábhartha.**

4. **Gníomhóidh na hOifigigh Náisiúnta Idirchaidrimh mar lárphointí teagmhála ar an leibhéal náisiúnta chun comhar a éascú idir ENISA agus saineolaithe náisiúnta i gcomhthéacs clár oibre ENISA a chur chun feidhme.**
5. **Cé gur cheart do na hOifigigh Náisiúnta Idirchaidrimh dlúthchomhar a bheith acu le hionadaithe an Bhoird Bainistíochta de chuid a dtíortha faoi seach, ní dhéanfaidh an Gréasán féin dubailt ar obair an Bhoird Bainistíochta ná ar an obair a dhéanfaidh fóraim eile de chuid an Aontais.**
6. **Déanfar feidhmeanna agus nósanna imeachta do Ghréasán na nOifigeach Náisiúnta Idirchaidrimh a shonrú i rialacha inmheánacha oibriúcháin na Gníomhaireachta agus cuirfear ar fáil go poiblí iad.**

ALT 5

OIBRÍOCHT

Airteagal 21

Doiciméad clársceidealaithe aonair

1. Cuirfidh an Gníomhaireacht a hoibríochtaí i gcrích i gcomhréir le doiciméad clársceidealaithe aonair ina mbeidh a clársceidealú bliantúil agus ilbhliantúil, ina gcuimseofar a gníomhaíochtaí beartaithe ar fad.

2. Gach bliain, déanfaidh an Stiúrthóir Feidhmiúcháin dréachtdoiciméad clársceidealaithe a tharraingt suas ina mbeidh clársceidealú ilbhliantúil agus bliantúil agus an phleanáil acmhainní daonna agus airgeadais i gcomhréir le hAirteagal 32 de Rialachán Tarmligthe (AE) Uimh. 1271/2013 ón gCoimisiún¹⁴ agus treoirlínte arna leagan síos ag an gCoimisiún á gcur san áireamh.
3. Faoi 30 Samhain gach bliain, glacfaidh an Bord Bainistíochta an doiciméad clársceidealaithe aonair dá dtagraítear i mír 1 agus cuirfidh sé ar aghaidh é chuig Parlaimint na hEorpa, chuig an gComhairle agus chuig an gCoimisiún faoi 31 Eanáir na bliana ina dhiaidh sin ar a dhéanaí chomh maith le haon leagan den doiciméad sin a tugadh cothrom le dáta tráth níos déanaí.
4. Tiocfaidh an doiciméad clársceidealaithe aonair chun bheith cinntitheach tar éis buiséad ginearálta an Aontais a ghlacadh go críochnaitheach agus déanfar coigeartú air dá réir, más gá sin.
5. Beidh sa chlár oibre bliantúil cuspóirí mionsonraithe chomh maith leis na torthaí a bhfuiltear ag súil leo, lena n-áirítear táscairí feidhmíochta. Beidh tuairisc ann freisin ar na gníomhaíochtaí atá le maoiniú agus léiriú ar na hacmhainní airgeadais agus daonna a bheidh sannta do gach gníomhaíocht, i gcomhréir le prionsabail an bhuiséadaithe agus an bhainistithe de réir gníomhaíochtaí. Beidh an clár oibre bliantúil i gcomhréir leis an gclár oibre ilbhliantúil dá dtagraítear i mír 7. Sonrófar go soiléir ann na cúraimí a cuireadh leis, a athraíodh nó a scriosadh i gcomparáid leis an mbliain airgeadais roimhe.

¹⁴ Rialachán Tarmligthe (AE) Uimh. 1271/2013 ón gCoimisiún an 30 Meán Fómhair 2013 maidir leis an rialachán réime airgeadais do na comhlachtaí dá dtagraítear in Airteagal 208 de Rialachán (AE, Euratom) Uimh. 966/2012 ó Pharlaimint na hEorpa agus ón gComhairle (IO L 328, 7.12.2013, lch. 42)

6. Déanfaidh an Bord Bainistíochta an clár oibre bliantúil atá glactha a leasú nuair a thabharfar cúram nua don Ghníomhaireacht. Glacfar aon leasú mór ar an gclár oibre bliantúil leis an nós imeachta céanna lenar glacadh an clár oibre bliantúil tosaigh. Féadfaidh an Bord Bainistíochta an chumhacht leasuithe neamhshubstaintiúla a dhéanamh ar an gclár oibre bliantúil a tharmligean chuig an Stiúrthóir Feidhmiúcháin.
7. Leagfar amach sa chlár oibre ilbhliantúil an clársceidealú straitéiseach foriomlán lena n-áirítear cuspóirí, torthaí a bhfuiltear ag súil leo agus táscairí feidhmíochta. Leagfar amach ann freisin clársceidealú acmhainní, lena n-áirítear an buiséad ilbhliantúil agus an fhoireann.
8. Déanfar an clársceidealú acmhainní a thabhairt cothrom le dáta gach bliain. Déanfar an clársceidealú straitéiseach a nuashonrú nuair is iomchuí, agus go háirithe i gcás inar gá chun dul i ngleic le toradh na meastóireachta dá dtagraítear in Airteagal 56.

Airteagal 22

Dearbhú leasa

1. Maidir le comhaltaí an Bhoird Bainistíochta, an Stiúrthóir Feidhmiúcháin agus oifigigh atá ar iasacht ó Bhallstáit ar bhonn sealadach déanfaidh gach duine acu faoi seach dearbhú gealltanais agus dearbhú ina léirítear nach ann nó gurb ann d'aon leas díreach nó indíreach a d'fhéadfaí a mheas a bheith dochrach i dtaobh a neamhspleáchais. Maidir leis na dearbhuithe, beidh siad beacht agus iomlán, déanfar go bliantúil agus i scríbhinn iad agus tabharfar cothrom le dáta iad cibé uair is gá sin.
2. Maidir le comhaltaí an Bhoird Bainistíochta, leis an Stiúrthóir Feidhmiúcháin, agus leis na saineolaithe seachtracha a ghlacann páirt i nGrúpaí Oibre *ad hoc*, déanfaidh gach duine acu dearbhú go beacht agus go hiomlán ar a dhéanaí ag tús gach cruinnithe ar dearbhú é ina léireofar aon leas a d'fhéadfaí a mheas a bheith dochrach i dtaobh a neamhspleáchais i ndáil leis na hítimí atá ar an gclár agus staonfaidh siad ó pháirt a ghlacadh sa phlé ar na pointí sin agus ó vótáil ar na pointí sin.

3. Leagfaidh an Ghníomhaireacht síos, ina rialacha inmheánacha oibríochta féin, na socruithe praiticiúla maidir leis na rialacha i dtaobh dearbhuithe leasa dá dtagraítear i mír 1 agus mír 2.

Airteagal 23

Trédhearcacht

1. Cuirfidh an Ghníomhaireacht a gníomhaíochtaí i gcrích le leibhéal ard trédhearcachta agus i gcomhréir le hAirteagal 25.
2. Áiritheoidh an Ghníomhaireacht go ndéanfar faisnéis iomchuí oibiachtúil iontaofa a bhfuil teacht uirthi go héasca a thabhairt don phobal, go háirithe maidir le torthaí a cuid oibre. Poibleoidh sí freisin na dearbhuithe leasa a dhéanfar i gcomhréir le hAirteagal 22.
3. Féadfaidh an Bord Bainistíochta, ag gníomhú dó ar thogra ón Stiúrthóir Feidhmiúcháin, údarás a thabhairt do pháirtithe leasmhara breathnú ar nósanna imeachta a bhaineann le cuid de ghníomhaíochtaí na Gníomhaireachta.
4. Leagfaidh an Ghníomhaireacht síos, ina rialacha inmheánacha oibríochta féin, na socruithe praiticiúla chun na rialacha trédhearcachta dá dtagraítear i mír 1 agus mír 2 a chur chun feidhme.

Airteagal 24

Rúndacht

1. Gan dochar d'Airteagal 25, ní sceithfidh an Ghníomhaireacht le tríú páirtithe aon fhaisnéis arna próiseáil aici nó arna tabhairt di a bhfuil iarraidh réasúnaithe déanta ina leith déileáil go rúnda, go hiomlán nó go páirteach, léi.
2. Comhaltaí an Bhoird Bainistíochta, an Stiúrthóir Feidhmiúcháin, comhaltaí an Bhuanghrúpa Geallsealbhóirí, saineolaithe seachtracha atá páirteach sna Grúpaí Oibre *ad hoc*, agus comhaltaí foirne na Gníomhaireachta, lena n-áirítear oifigigh ar iasacht ó na Ballstáit ar bhonn sealadach, comhlíonfaidh siad ceanglais rúndachta faoi Airteagal 339 den Chonradh ar Fheidhmiú an Aontais Eorpaigh (CFAE), fiú amháin nuair atá deireadh lena gcuid dualgas.
3. Leagfaidh an Ghníomhaireacht síos, ina rialacha inmheánacha oibríochta féin, na socruithe praiticiúla d'fhonn na rialacha rúndachta dá dtagraítear i mír 1 agus i mír 2 a chur chun feidhme.
4. Má cheanglaítear é sin le haghaidh fheidhmíocht chúraimí na Gníomhaireachta, cinnfidh an Bord Bainistíochta go gceadófar don Ghníomhaireacht faisnéis rúnaicmithe a láimhseáil. Sa chás sin, glacfaidh an Bord Bainistíochta, i gcomhaontú le seirbhísí an Choimisiúin, rialacha inmheánacha oibríochta a chuirfidh i bhfeidhm na prionsabail slándála a leagtar amach i gCinneadh (AE, Euratom) 2015/443 ón gCoimisiún¹⁵ agus i gCinneadh 2015/444 (AE, Euratom) ón gCoimisiún¹⁶. Cuimseofar leis na rialacha sin na forálacha le haghaidh faisnéis rúnaicmithe a mhalartú, a phróiseáil agus a stóráil.

¹⁵ Cinneadh (AE, Euratom) 2015/443 ón gCoimisiún an 13 Márta 2015 maidir le Slándáil sa Choimisiún (IO L 72, 17.3.2015, lch. 41).

¹⁶ Cinneadh (AE, Euratom) 2015/444 ón gCoimisiún an 13 Márta 2015 maidir leis na rialacha slándála chun faisnéis rúnaicmithe de chuid an Aontais Eorpaigh a chosaint (IO L 72, 17.3.2015, lch. 53).

Airteagal 25

Rochtain ar dhoiciméid

1. Beidh feidhm ag Rialachán (CE) Uimh. 1049/2001 maidir le doiciméid atá i seilbh na Gníomhaireachta.
2. Glacfaidh an Bord Bainistíochta socruithe chun Rialachán (CE) Uimh. 1049/2001 a chur chun feidhme laistigh de shé mhí ón dáta a bhunófar an Ghníomhaireacht.
3. Féadfaidh cinntí arna nglacadh ag an nGníomhaireacht de bhun Airteagal 8 de Rialachán (CE) Uimh. 1049/2001 a bheith ina n-ábhar gearáin chuig an Ombudsman faoi Airteagal 228 CFAE nó a bheith ina n-ábhar caingne os comhair Chúirt Bhreithiúnais an Aontais Eorpaigh faoi Airteagal 263 CFAE.

CAIBIDIL III

BUNÚ AGUS STRUCHTÚR AN BHUISÉID

Airteagal 26

An buiséad a bhunú

1. Gach bliain, tarraingeoidh an Stiúrthóir Feidhmiúcháin suas dréachtráiteas meastachán ar ioncam agus ar chaiteachas na Gníomhaireachta don bhliain airgeadais ina dhiaidh sin, agus cuirfidh sé an dréachtráiteas sin, mar aon le dréachtphean bunaíochta, ar aghaidh chuig an mBord Bainistíochta. Beidh an t-ioncam agus an caiteachas ar comhardú.
2. Gach bliain, soláthróidh an Bord Bainistíochta ráiteas meastachán ar ioncam agus ar chaiteachas na Gníomhaireachta don bhliain airgeadais ina dhiaidh sin, ar bhonn dréachtráiteas meastachán ar ioncam agus ar chaiteachas na Gníomhaireachta dá dtagraítear i mír 1.
3. Déanfaidh an Bord Bainistíochta, faoin 31 Eanáir gach bliain, an ráiteas meastachán dá dtagraítear i mír 2, a bheidh ina chuid den dréachtdoiciméad clársceidealaithe aonair, a chur ar aghaidh chuig an gCoimisiún agus chuig na tríú tíortha a bhfuil comhaontuithe tugtha i gcrích ag an Aontas leo i gcomhréir le hAirteagal 39.

4. Ar bhonn an ráitis meastachán sin, cuirfidh an Coimisiún i ndréachtbhuiséad an Aontais na meastacháin sin a mheasann sé a bheith riachtanach don phlean bunaíochta agus méid na ranníocaíochta a dhéanfar a mhuirearú ar an mbuiséad ginearálta, agus cuirfidh sé faoi bhráid Pharlaimint na hEorpa agus na Comhairle iad i gcomhréir le hAirteagal 313 agus Airteagal 314 CFAE.
5. Údaróidh Parlaimint na hEorpa agus an Chomhairle na leithreasuithe don ranníocaíocht a thabharfar don Gníomhaireacht.
6. Glacfaidh Parlaimint na hEorpa agus an Chomhairle an plan bunaíochta don Gníomhaireacht.
7. Glacfaidh an Bord Bainistíochta buiséad na Gníomhaireachta in éineacht leis an doiciméad clársceidealaithe aonair. Beidh sé críochnaitheach tar éis ghlacadh deireanach bhuiséad ginearálta an Aontais. I gcás inarb iomchuí, déanfaidh an Bord Bainistíochta buiséad agus doiciméad clársceidealaithe aonair na Gníomhaireachta a choigeartú i gcomhréir le buiséad ginearálta an Aontais.

Airteagal 27

Struchtúr an bhuiséid

1. Gan dochar d'acmhainní eile, beidh in ioncam na Gníomhaireachta:
 - (a) ranníocaíocht ó bhuiséad an Aontais;
 - (b) ioncam a shannfar d'ítimí sonracha caiteachais i gcomhréir leis na rialacha airgeadais dá dtagraítear in Airteagal 29;
 - (c) cistiú ón Aontas i bhfoirm comhaontuithe tarmligin nó deontais *ad hoc* i gcomhréir leis na rialacha airgeadais dá dtagraítear in Airteagal 29 agus le forálacha na n-ionstraimí ábhartha a thacaíonn le beartais an Aontais;
 - (d) ranníocaíochtaí ó thríú tíortha a rannchuideoidh le hobair na Gníomhaireachta, dá bhforáiltear in Airteagal 39;

- (e) aon ranníocaíochtaí deonacha ó na Ballstáit in airgead nó i gcomhchineál; ní fhéadfaidh na Ballstáit a sholáthraíonn ranníocaíochtaí saorálacha aon cheart sonrach ná seirbhís shonrach a éileamh mar thoradh air sin.
2. Beidh ar áireamh i gcaiteachas na Gníomhaireachta costais a bhaineann le foireann, le tacaíocht riaracháin agus theicniúil, le bonneagar agus le hoibríocht, chomh maith le costais a eascraíonn as conarthaí arna ndéanamh le tríú páirtithe.

Airteagal 28

An buiséad a chur chun feidhme

1. Is é an Stiúrthóir Feidhmiúcháin a bheidh freagrach as buiséad na Gníomhaireachta a chur chun feidhme.
2. Beidh na cumhachtaí céanna ag iniúcháir inmheánach an Choimisiúin ar an nGníomhaireacht is atá aige ar ranna an Choimisiúin.
3. Faoin 1 Márta tar éis gach bliana airgeadais (1 Márta na bliana N + 1), seolfaidh oifigeach cuntais na Gníomhaireachta na cuntais shealadacha chuig oifigeach cuntais na Gníomhaireachta an Choimisiúin agus chuig an gCúirt Iniúcháirí.
4. Nuair a gheobhaidh sé barúlacha na Cúirte Iniúcháirí maidir le cuntais shealadacha na Gníomhaireachta, tarraingeoidh oifigeach cuntais na Gníomhaireachta suas cuntais chríochnaitheacha na Gníomhaireachta a bhfuil sé freagrach astu.

5. Cuirfidh an Stiúrthóir Feidhmiúcháin na cuntais chríochnaitheacha faoi bhráid an Bhoird Bainistíochta chun tuairim a fháil.
6. Faoi 31 Márta den bhliain airgeadais N + 1, cuirfidh an Stiúrthóir Feidhmiúcháin an tuarascáil ar an mbainistiú buiséadach agus airgeadais chuig Parlaimint na hEorpa, chuig an gComhairle, chuig an gCoimisiún agus chuig an gCúirt Iniúchóirí.
7. Déanfaidh an t-oifigeach cuntasaíochta, faoi 1 Iúil na bliana airgeadais N + 1, na cuntais chríochnaitheacha agus an tuairim ón mBord Bainistíochta a sheoladh chuig Parlaimint na hEorpa, chuig an gComhairle, chuig oifigeach cuntasaíochta an Choimisiúin agus chuig an gCúirt Iniúchóirí.
8. Déanfaidh an t-oifigeach cuntasaíochta litir ionadaíochta ina gcumhdaítear na cuntais chríochnaitheacha sin a sheoladh chuig an gCúirt Iniúchóirí, agus cóip chuig oifigeach cuntasaíochta an Choimisiúin, an dáta céanna a tharchuirfidh sé na cuntais chríochnaitheacha sin.
9. Foilseoidh an Stiúrthóir Feidhmiúcháin na cuntais chríochnaitheacha faoi 15 Samhain an bhliain ina dhiaidh sin.
10. Cuirfidh an Stiúrthóir Feidhmiúcháin freagra chuig an gCúirt Iniúchóirí maidir lena barúlacha faoi 30 Meán Fómhair den bhliain N + 1 agus cuirfidh sé cóip den fhreagra sin chuig an mBord Bainistíochta agus chuig an gCoimisiún freisin.
11. Cuirfidh an Stiúrthóir Feidhmiúcháin, arna iarraidh sin do Pharlaimint na hEorpa, aon fhaisnéis is gá faoi bhráid na Parlaiminte chun an nós imeachta urscaoilte a chur i bhfeidhm go rianúil don bhliain airgeadais i dtrácht, mar atá leagtha síos in Airteagal 165(3) den Rialachán Airgeadais.
12. Déanfaidh Parlaimint na hEorpa, ag gníomhú di ar mholadh ón gComhairle agus roimh 15 Bealtaine den bhliain N + 2, urscaoileadh a thabhairt don Stiúrthóir Feidhmiúcháin i leith an bhuiséid a chur chun feidhme do bhliain N.

Airteagal 29

Rialacha Airgeadais

Déanfaidh an Bord Bainistíochta na rialacha airgeadais is infheidhme maidir leis an nGníomhaireacht a ghlacadh tar éis dó dul i gcomhairle leis an gCoimisiún. Ní imeoidh siad Rialachán Tarmligthe (AE) Uimh. 1271/2013 ach amháin i gcás ina mbeidh gá leis an imeacht sin go sonrach d'fheidhmiú na Gníomhaireachta agus ina dtoileoidh an Coimisiún leis roimh ré.

Airteagal 30

Calaois a chomhrac

1. Chun an comhrac i gcoinne calaoise, éilliú agus gníomhaíochtaí neamhdhleathacha faoi Rialachán (AE, Euratom) 883/2013 ó Pharlaimint na hEorpa agus ón gComhairle¹⁷ a éascú, aontóidh an Gníomhaireacht, laistigh de sé mhí ón lá a mbeidh sí oibríochtúil, don Chomhaontú Idirinstitiúideach an 25 Bealtaine 1999 maidir le himscrúduithe inmheánacha a bheith á ndéanamh ag an Oifig Eorpach Frith-Chalaoise (OLAF), agus glacfaidh sí na forálacha iomchuí is infheidhme maidir le fostaithe uile na Gníomhaireachta, agus an teimpléad a leagtar amach san Iarscríbhinn a ghabhann leis an gComhaontú sin á úsáid aici.
2. Beidh sé de chumhacht ag an gCúirt Iniúcháirí, ar bhonn doiciméad agus ar an láthair, iniúchtaí a dhéanamh ar gach tairbhí deontais, ar gach conraitheoir agus ar gach fochonraitheoir ag a mbeidh cistí Aontais faighte ón nGníomhaireacht.

¹⁷ Rialachán (AE, Euratom) Uimh. 883/2013 ó Pharlaimint na hEorpa agus ón gComhairle an 11 Meán Fómhair 2013 maidir le himscrúduithe arna ndéanamh ag an Oifig Eorpach Frith-Chalaoise (OLAF) agus lena n-aisghairtear Rialachán (CE) Uimh. 1073/1999 ó Pharlaimint na hEorpa agus ón gComhairle agus Rialachán (Euratom) Uimh. 1074/1999 ón gComhairle (IO L 248, 18.9.2013, lch. 1).

3. Féadfaidh OLAF imscrúduithe a dhéanamh, lena n-áirítear seiceálacha agus cigireachtaí ar an láthair, i gcomhréir leis na forálacha agus na nósanna imeachta a leagtar síos i Rialachán (AE, Euratom) 883/2013 ó Pharlaimint na hEorpa agus ón gComhairle agus Rialachán (Euratom, CE) Uimh. 2185/96 ón gComhairle¹⁸ an 11 Samhain 1996 maidir le seiceálacha agus imscrúduithe ar an láthair arna ndéanamh ag an gCoimisiún chun leasanna airgeadais an Aontais a chosaint i gcoinne calaoise agus neamhrialtachtaí eile d'fhonn a shuíomh an ndearnadh aon chalaois, éilliú nó aon ghníomhaíocht mhídhleathach eile a dhéanfadh difear do leasanna airgeadais an Aontais i dtaca le deontas nó le conradh arna mhaoiniú ag an nGníomhaireacht.
4. Gan dochar do mhír 1, do mhír 2 ná do mhír 3, beidh forálacha i gcomhaontuithe comhair le tríú tíortha agus le heagraíochtaí idirnáisiúnta, i gconarthaí, i socrúithe deontais agus i gcinntí deontais de chuid na Gníomhaireachta lena gcumhachtófar go sainráite don Chúirt Iniúchóirí agus do OLAF na hiniúcháireachtaí agus na himscrúduithe sin a dhéanamh i gcomhréir lena n-inniúlachtaí faoi seach.

CAIBIDIL IV

FOIREANN NA GNÍOMHAIREACHTA

Airteagal 31

Forálacha ginearálta

Maidir leis na Rialacháin Foirne agus Coinníollacha Fostaíochta Seirbhíseach Eile agus na rialacha arna nglacadh trí chomhaontú idir institiúidí an Aontais chun éifeacht a thabhairt do na Rialacháin Foirne sin, beidh feidhm acu maidir le foireann na Gníomhaireachta.

¹⁸ Rialachán (Euratom, CE) Uimh. 2185/96 ón gComhairle an 11 Samhain 1996 maidir le seiceálacha agus cigireachtaí ar an láthair arna ndéanamh ag an gCoimisiún chun leasanna airgeadais na gComhphobal Eorpach a chosaint i gcoinne na calaoise agus neamhrialtachtaí eile (IO L 292, 15.11.1996, lch. 2).

Airteagal 32

Pribhléidí agus díolúintí

Beidh feidhm ag Prótacal Uimh. 7 ar Phribhléidí agus Díolúintí an Aontais Eorpaigh atá i gceangal leis an gConradh ar an Aontas Eorpach agus leis an gConradh ar Fheidhmiú an Aontais Eorpaigh, maidir leis an nGníomhaireacht agus maidir lena baill foirne.

Airteagal 33

An Stiúrthóir Feidhmiúcháin

1. Beidh an Stiúrthóir Feidhmiúcháin ceaptha mar ghníomhaire sealadach den Ghníomhaireacht faoi Airteagal 2(a) de Choinníollacha Fostaíochta Seirbhíseach Eile.
2. Is é an Bord Bainistíochta a cheapfaidh an Stiúrthóir Feidhmiúcháin ó liosta iarrthóirí a mholfaidh an Coimisiún tar éis nós imeachta roghnúcháin oscailte agus trédhearcach a bheith ann.
3. Ar mhaithe le conradh an Stiúrthóra Feidhmiúcháin a thabhairt i gcrích, déanfaidh Cathaoirleach an Bhoird Bainistíochta ionadaíocht thar ceann na Gníomhaireachta.
4. Sula ndéanfar an ceapachán, tabharfar cuireadh don iarrthóir arna roghnú ag an mBord Bainistíochta ráiteas a dhéanamh os comhair an choiste chuí Pharlaimint na hEorpa agus ceisteanna na gComhaltaí a fhreagairt.
5. **Ceithre**[...] bliana a mhairfidh téarma oifige an Stiúrthóra Feidhmiúcháin. Faoi dheireadh na tréimhse sin, déanfaidh an Coimisiún measúnú ina gcuirfear san áireamh meastóireacht ar fheidhmíocht an Stiúrthóra Feidhmiúcháin agus ar na cúraimí agus dúshláin a bheidh ann amach anseo don Ghníomhaireacht.
6. Is ar bhonn tromlach dhá thrían dá chuid comhaltaí a bhfuil cearta vótála acu a dhéanfaidh an Bord Bainistíochta cinntí faoi cheapachán, faoi shíneadh téarma oifige agus faoi chur as oifig an Stiúrthóra Feidhmiúcháin.

7. Féadfaidh an Bord Bainistíochta, ag gníomhú dó arna mholadh sin don Choimisiún ina gcuirtear san áireamh an measúnú dá dtagraítear i mír 5, tréimhse oifige an Stiúrthóra Feidhmiúcháin a shíneadh ar feadh tréimhse nach faide ná **ceithre**[...] bliana.
8. Cuirfidh an Bord Bainistíochta Parlaimint na hEorpa ar an eolas maidir le haon rún a bheadh aige téarma oifige an Stiúrthóra Feidhmiúcháin a fhadú. Laistigh de thrí mhí roimh aon fhadú den sórt sin, féadfaidh an Stiúrthóir Feidhmiúcháin, má iarrtar é sin air, ráiteas a dhéanamh os comhair an choiste chuí Pharlaimint na hEorpa agus ceistanna Chomhaltaí an choiste a fhreagairt.
9. Ní fhéadfaidh Stiúrthóir Feidhmiúcháin a bhfuil fad curtha lena théarma oifige a bheith rannpháirteach in aon nós imeachta roghnúcháin eile don phost céanna.
10. Ní fhéadfar an Stiúrthóir Feidhmiúcháin a chur as oifig ach amháin mar thoradh ar chinneadh ón mBord Bainistíochta [...].

Airteagal 34

Saineolaithe náisiúnta ar iasacht agus baill foirne eile

1. Féadfaidh an Ghníomhaireacht úsáid a bhaint as saineolaithe náisiúnta ar iasacht agus as foireann eile nach bhfuil fostaithe ag an nGníomhaireacht. Ní bheidh feidhm ag na Rialacháin Foirne agus Coinníollacha Fostaíochta Seirbhíseach Eile maidir leis an bhfoireann sin.
2. Glacfaidh an Bord Bainistíochta cinneadh lena leagfar síos na rialacha maidir le saineolaithe náisiúnta a thabhairt ar iasacht don Ghníomhaireacht.

CAIBIDIL V

FORÁLACHA GINEARÁLTA

Airteagal 35

Stádas dlí na Gníomhaireachta

1. Beidh an Ghníomhaireacht ina comhlacht de chuid an Aontais agus beidh pearsantacht dhlítheanach aici.
2. I ngach Ballstát, beidh ag an nGníomhaireacht an inniúlacht dhlítheanach is fairsinge a thugtar do dhaoine dlítheanacha faoin dlí náisiúnta. Féadfaidh sí, go háirithe, maoin shochorraithe agus maoin dhochorraithe a fháil nó a dhiúscairt agus bheith ina páirtí in imeachtaí dlí [...].
3. Déanfaidh an Stiúrthóir Feidhmiúcháin ionadaíocht thar ceann na Gníomhaireachta.

Airteagal 36

Slándáil na Gníomhaireachta

1. Beidh dliteanas conarthach na Gníomhaireachta faoi rialú an dlí is infheidhme maidir leis an gconradh atá i gceist.
2. Beidh dlínse ag Cúirt Bhreithiúnais an Aontais Eorpaigh breithiúnas a thabhairt de bhun aon chlásail eadrána a bheidh i gconradh arna thabhairt i gcrích ag an nGníomhaireacht.
3. I gcás dliteanais neamhchonarthaigh, cúiteoidh an Ghníomhaireacht, i gcomhréir leis na prionsabail ghinearálta is coiteann do dhlíthe na mBallstát, aon damáiste a dhéanfaidh sise nó a seirbhísigh i gcomhlíonadh a ndualgas.

4. Beidh dlínse ag Cúirt Bhreithiúnais an Aontais Eorpaigh in aon díospóid a bhaineann le cúiteamh a fháil de bharr damáiste den sórt sin.
5. Beidh dlíteanas pearsanta a seirbhíseach i leith na Gníomhaireachta faoi rialú ag na coinníollacha ábhartha is infheidhme maidir le foireann na Gníomhaireachta.

Airteagal 37

Socruithe teanga

1. Beidh feidhm ag Rialachán Uimh. 1 ón gComhairle maidir leis an nGníomhaireacht¹⁹. Féadfaidh na Ballstáit agus na comhlachtaí eile arna gceapadh acu dul i dteagmháil leis an nGníomhaireacht agus freagra a fháil ina rogha teanga oifigiúil de chuid institiúidí an Aontais.
2. Soláthróidh Ionad Aistriúcháin Chomhlachtaí an Aontais Eorpaigh na seirbhísí aistriúcháin a theastóidh chun go bhfeidhmeoidh an Gníomhaireacht.

Airteagal 38

Sonraí pearsanta a chosaint

1. Beidh próiseáil sonraí pearsanta ag an nGníomhaireacht faoi réir Rialachán (CE) Uimh. 45/2001 ó Pharlaimint na hEorpa agus ón gComhairle²⁰.
2. Glacfaidh an Bord Bainistíochta na bearta cur chun feidhme dá dtagraítear in Airteagal 24(8) de Rialachán (CE) Uimh. 45/2001. Féadfaidh an Bord Bainistíochta na bearta breise is gá a ghlacadh chun Rialachán (CE) Uimh. 45/2001 a bheith á chur i bhfeidhm ag an nGníomhaireacht.

¹⁹ Rialachán Uimh. 1 lena gcinntear na teangacha atá le húsáid ag an gComhphobal Eorpach do Fhuinneamh Adamhach (IO 17, 6.10.1958, lch. 401).

²⁰ Rialachán (CE) Uimh. 45/2001 ó Pharlaimint na hEorpa agus ón gComhairle an 18 Nollaig 2000 maidir le daoine aonair a chosaint i ndáil le próiseáil sonraí pearsanta ag institiúidí agus comhlachtaí an Chomhphobail agus maidir le saorghluaiseacht sonraí den sórt sin (IO L 8, 12.1.2001, lch. 1).

Comhar le tríú tíortha agus le heagraíochtaí idirnáisiúnta

1. A mhéid is gá chun na cuspóirí a leagtar amach sa Rialachán seo a bhaint amach, féadfaidh an Ghníomhaireacht dul i gcomhar le húdaráis inniúla tríú tíortha nó le heagraíochtaí idirnáisiúnta nó leis an mbeirt acu. Chuige sin, féadfaidh an Ghníomhaireacht, tar éis di formheas a fháil ón gCoimisiún roimh ré, socruithe oibre a leagan síos i gcomhar le húdaráis tríú tíortha agus le heagraíochtaí idirnáisiúnta. Ní chruthófar leis na socruithe sin oibleagáidí dlíthiúla ar an Aontas ná ar na Ballstáit.
2. Beidh an Ghníomhaireacht oscailte do rannpháirtíocht tríú tíortha a bhfuil comhaontuithe chuige sin tugtha i gcrích acu leis an Aontas. Faoi fhorálacha ábhartha na gcomhaontuithe sin, déanfar socruithe ina sonrófar, go háirithe, cineál, méid agus modh rannpháirtíochta gach ceann de na tíortha sin in obair na Gníomhaireachta, lena n-áirítear forálacha a bhaineann lena rannpháirtíocht sna tionscnaimh a dtugann an Ghníomhaireacht fúthu, le ranníocaíochtaí airgeadais agus le cúrsaí foirne. I dtaca le cúrsaí foirne, comhlíonfaidh na socruithe sin na Rialacháin Foirne i gcás ar bith.
3. Glacfaidh an Bord Bainistíochta straitéis i gcomhair caidreamh le tríú tíortha nó le heagraíochtaí idirnáisiúnta a bhaineann le cúrsaí a mbeidh inniúlacht ag an nGníomhaireacht ina leith. Áiríteoidh an Coimisiún go bhfeidhmeoidh an Ghníomhaireacht laistigh dá sainordú agus laistigh den chreat idirinstiúideach atá ann cheana trí shocruithe oibre oiriúnacha a thabhairt i gcrích le Stiúrthóir na Gníomhaireachta.

Airteagal 40

Rialacha slándála maidir le faisnéis rúnaicmithe agus faisnéis íogair neamh-rúnaicmithe a chosaint

I gcomhairle leis an gCoimisiún, glacfaidh an Ghníomhaireacht a rialacha slándála féin lena gcuirfear i bhfeidhm na prionsabail slándála atá i rialacha slándála an Choimisiúin chun Faisnéis Rúnaicmithe an Aontais Eorpaigh (FRAE) agus faisnéis íogair neamh-rúnaicmithe a chosaint, mar a leagtar amach i gCinneadh (AE, Euratom) 2015/443 agus i gCinneadh (AE, Euratom) 2015/444 ón gCoimisiún. Cumhdóidh sé sin, *inter alia*, na forálacha le haghaidh faisnéis den sórt sin a mhalartú, a phróiseáil agus a stóráil.

Airteagal 41

Comhaontú maidir le ceanncheathrú agus coinníollacha oibriúcháin

1. Na socruithe riachtanacha maidir leis an gcóiríocht a chuirfear ar fáil don Ghníomhaireacht sa Bhallstát óstach agus na saoráidí a chuirfidh an Ballstát sin ar fáil mar aon leis na rialacha sonracha is infheidhme sa Bhallstát óstach maidir leis an Stiúrthóir Feidhmiúcháin, comhaltaí an Bhoird Bainistíochta, foireann na Gníomhaireachta agus baill dá dteaghlaigh, leagfar síos iad i gComhaontú maidir le Ceanncheathrú idir an Ghníomhaireacht agus an Ballstát ina mbeidh an ceanncheathrú lonnaithe, comhaontú a thabharfar i gcrích tar éis formheas a fháil ón mBord Bainistíochta agus [tráth nach déanaí ná 2 bhliain tar éis theacht i bhfeidhm don Rialachán seo].
2. Soláthróidh Ballstát óstach na Gníomhaireachta coinníollacha [...] chun feidhmiú cuí na Gníomhaireachta a áirithiú, lena n-áirítear inrochtaineacht an tsuímh, saoráidí leordhóthanacha oideachais a bheith ann do leanaí na gcomhaltaí foirne, inrochtaineacht iomchuí ar an margadh saothair, slándáil shóisialta agus cúram míochaine do leanaí agus do chéilí araon.

Airteagal 42

Rialú riaracháin

Déanfaidh an tOmbudsman maoirseacht ar oibríochtaí na Gníomhaireachta, i gcomhréir le forálacha Airteagal 228 CFAE.

TEIDEAL III

CREAT UM DHEIMHNIÚ I NDÁIL LE CIBEARSHLÁNDÁIL

Airteagal 43

an creat Eorpach um dheimhniú i ndáil le cibearshlándaíl [...]

- 1. Bunaítear an creat Eorpach um dheimhniú i ndáil le cibearshlándaíl chun na dálaí d'fheidhmiú an mhargaidh inmheánaigh a fheabhsú trí leibhéal na cibearshlándaíla a mhéadú laistigh den Aontas. Leagtar rialachas síos leis, lena gcumasófar cur chuige comhchuibhithe ar leibhéal an Aontais maidir le scéimeanna Eorpacha um dheimhniú i ndáil le cibearshlándaíl, chun go gcruthófar margadh aonair digiteach le haghaidh próiseas, táirgí agus seirbhísí TFC.**
- 2. Leis an scéim Eorpach um dheimhniú i ndáil le cibearshlándaíl, sainítear sásra [...]** chun scéimeanna Eorpacha um dheimhniú i ndáil le cibearshlándaíl a bhunú **agus chun a fhianú go gcomhlíonfaidh na táirgí, próisis agus seirbhísí TFC a ndearnadh meastóireacht orthu** i gcomhréir le scéimeanna den chineál sin, ceanglais shonracha **slándaíla [...]** agus é **mar aidhm** infhaighteacht, barántúlacht, sláine agus rúndacht sonraí pearsanta atá stóráilte nó tarchurtha nó próiseáilte nó feidhmeanna nó na seirbhísí a chuirfidh na táirgí, próisis agus seirbhísí sin ar fáil [...] **ar feadh a saolré a chosaint.**

Scéim Eorpach um dheimhniú i ndáil le cibearshlándáil a ullmhú agus a ghlacadh

1. Arna iarraidh sin don Choimisiún **nó don Ghrúpa um Dheimhniú i ndáil le Cibearshlándáil (an 'Grúpa'), a bunaíodh faoi Airteagal 53**, ullmhóidh ENISA scéim iarrthach Eorpach um dheimhniú i ndáil le cibearshlándáil a chomhlíonfaidh na ceanglais a leagtar amach in Airteagal 45, Airteagal 46 agus Airteagal 47 den Rialachán seo.[...]
- 1a. **Féadfaidh Ballstáit nó eagraíochtaí geallsealbhóirí leasmhara ullmhú scéim iarrthach Eorpach um dheimhniú i ndáil le cibearshlándáil a mholadh don Choimisiún nó don Ghrúpa. Déanfaidh an Grúpa na tograí sin a mheasúnú i gcoinne na gcritéar a shaineoidh an Grúpa trí bhíthin treoirlínte i gcomhréir le hAirteagal 53(3)(ca) agus féadfaidh sé a iarraidh ar ENISA scéim Eorpach iarrthach um dheimhniú i ndáil le cibearshlándáil a ullmhú.**
2. Agus na scéimeanna iarrthacha dá dtagraítear i mír 1 den Airteagal seo á n-ullmhú, rachaidh ENISA i gcomhairle leis na geallsealbhóirí ábhartha go léir trí **phróisis thrédhearcacha chomhairliúcháin** agus oibreoidh sé i ndlúthchomhar leis an nGrúpa. Cuirfidh an Grúpa ar fáil do ENISA an cúnamh agus an chomhairle shaineolais [...] i ndáil leis an scéim iarrthach a ullmhú, **agus glacfaidh sé tuairim maidir leis an scéim iarrthach sula gcuirfear faoi bhráid an Choimisiúin í [...]. Áiritheoidh ENISA go mbeidh na scéimeanna iarrthacha ag teacht leis an gcaighdeán comhchuibhithe is infheidhme a úsáidtear maidir le creidiúnú an chomhlachta um measúnú comhréireachta.**
3. Tabharfaidh ENISA **lánaird ar thuairim an Ghrúpa sula dtarchuirfidh sé [...]** an scéim deimhniúcháin, a ullmhófar i gcomhréir le mír 2 den Airteagal seo, chuig an gCoimisiún.

4. Féadfaidh an Coimisiún, ar bhonn scéim iarrthach arna mholadh ag ENISA, gníomhartha tarmlichte a ghlacadh i gcomhréir le hAirteagal 55(2), lena bhforáiltear maidir le scéimeanna Eorpacha um dheimhniú i ndáil le cibearshlándáil do **phróisis**, do tháirgí agus do sheirbhísí TFC a chomhlíonann ceanglais Airteagal 45, Airteagal 46 agus Airteagal 47 den Rialachán seo.
5. [...]

Airteagal 44a

Scéim Eorpach a choinneáil um dheimhniú i ndáil le cibearshlándáil

1. Coinneoidh ENISA ar bun suíomh gréasáin tiomnaithe ar a mbeidh eolas agus poiblíocht ar scéimeanna Eorpacha um dheimhniú i ndáil le cibearshlándáil, mar aon le deimhnithe agus ráitis chomhréireachta ón Aontas a eiseofar de bhun **Airteagal 47a**.
2. Déanfaidh an Ghníomhaireacht, i ndlúthchomhar leis an nGrúpa, na scéimeanna Eorpacha um dheimhniú i ndáil le cibearshlándáil a athbhreithniú ar a laghad gach 5 bliana, agus aird á tabhairt ar an aiseolas a fhaightear ó pháirtithe leasmhara. Má mheastar gur gá sin, féadfaidh an Coimisiún nó an Grúpa a iarraidh ar an nGníomhaireacht tús a chur leis an bpróiseas scéim athbhreithnithe iarrthach a fhorbairt i gcomhréir le hAirteagal 44(2) agus (3).

Airteagal 45

Cuspóirí slándála scéimeanna Eorpacha um dheimhniú i ndáil le cibearshlándáil

Déanfar scéim Eorpach um dheimhniú i ndáil le cibearshlándáil a dhearadh ionas go [...] **mbainfear ar a laghad** na cuspóirí slándála seo a leanas **amach**, de réir mar is infheidhme:

- (a) sonraí a rinneadh a tharchur, a stóráil nó a phróiseáil ar bhealach eile a chosaint ar stóráil, próiseáil, rochtain nó nochtadh bíodh sin de thaisme nó neamhúdaraith **le linn shaolré iomlán an phróisis, an táirge nó na seirbhíse**;
- (b)

sonraí a rinneadh a tharchur, a stóráil nó a phróiseáil ar shlí eile a chosaint ar scriosadh a tharlaíonn de thaisme nó go neamhúdaraíthe, [...] ar chailleanas **nó ar athrú nó ar easpa infhaighteacht le linn shaolré iomlán an phróisis, an táirge nó na seirbhíse;**

- (c) [...] féadfaidh daoine, feidhmchláir nó meaisíní údaraíthe rochtain a fháil go heisiach ar shonraí, seirbhísí agus feidhmeanna dá bhfuil cearta rochtana acu ;
- (d) taifead a dhéanamh ar cé acu sonraí, feidhmeanna nó seirbhísí a **bhfuarthas rochtain orthu, a úsáideadh nó a próiseáladh ar shlí eile**, agus na hamanna ar a bhfuarthas an rochtain nó ar a ndearnadh an úsáid nó an phróiseáil agus an té a fuair an rochtain nó a rinne an úsáid nó an phróiseáil;
- (e) [...] is féidir a sheiceáil cé acu sonraí, seirbhísí nó feidhmeanna a fuarthas rochtain orthu, a úsáideadh nó **a próiseáladh ar shlí eile**, na hamanna a bhfuarthas an rochtain nó a ndearnadh an úsáid nó an phróiseáil agus an té a fuair an rochtain nó a rinne an úsáid nó an phróiseáil.
- (f) an cumas infhaighteacht agus rochtain ar shonraí pearsanta a athshlánú ar mhodh tráthúil i gcás ina dtarlaíonn teagmhas fisiciúil nó teicniúil;
- (g) [...] cuirtear na bogearraí agus na crua-earraí is déanaí ar fáil do **phróisis**, do tháirgí agus do sheirbhísí TFC [...] nach bhfuil aon [...] leochaileachtaí **atá aitheanta go poiblí** iontu, agus cuirtear sásraí ar fáil dóibh le haghaidh nuashonruithe slána [...];
- (ga) **Déantar próisis táirgí agus seirbhísí TFC a fhorbairt, a mhonarú agus a sholáthar i gcomhréir leis na riachtanais slándála a shonraítear sa scéim ar leith.**

Airteagal 46

Cuspóirí slándála scéimeanna Eorpacha um dheimhniú i ndáil le cibearshlándáil

1. Féadfaidh scéim Eorpach um dheimhniú i ndáil le cibearshlándáil ceann amháin nó níos mó de na leibhéil seo a leanas a shonrú, ar leibhéil maidir le dearbhú iad: bunúsach, substaintiúil agus/nó ard, do **phróisis**, do tháirgí agus do sheirbhísí TFC [...]. **Beidh leibhéal an dearbhaithe i gcomhréir leis an leibhéal riosca a bhaineann leis an úsáid a bheartaítear do phróisis, do tháirge nó do sheirbhís TFC.**

2. Is leibhéil iad an leibhéal bunúsach, an leibhéal substaintiúil agus an t-ardleibhéal [...] a thagróidh do dheimhniú nó do ráiteas comhréireachta ón Aontas arna eisiúint i gcomhthéacs scéim Eorpach um dheimhniú i ndáil le cibearshlándáil, lena ndéantar foráil maidir leis na ceanglais slándála do gach ceann de na leibhéil dearbhúcháin faoi seach, lena n-áirítear feidhmiúlachtaí slándála agus méid comhfhreagrach na hiarrachta chun meastóireacht a dhéanamh ar phróisis, ar tháirge nó ar sheirbhís TFC. Gabhfaidh sonraíochtaí, caighdeáin agus nósanna imeachta leis an deimhniú comhréireachta nó leis an ráiteas comhréireachta ón Aontas, lena n-áirítear rialuithe teicniúla, arb é is aidhm dóibh an baol atá ann go dtarlóidh teagmhais chibearshlándála a laghdú nó a chosc mar a leanas:
- (a) le deimhniú cibearshlándála Eorpach nó ráiteas comhréireachta ón Aontas lena dtagraítear do leibhéal dearbhúcháin "bunúsach", tugtar dearbhú go gcomhlíonann na próisis, táirgí agus seirbhísí TFC na ceanglais slándála faoi seach, lena n-áirítear feidhmiúlachtaí slándála, agus go ndearnadh meastóireacht orthu go leibhéal lena bhféachtar leis na rioscaí bunúsacha atá aitheanta i leith cibeartheagmhas agus cibear-ionsaithe a íoslaghdú. Áireofar sna gníomhaíochtaí meastóireachta, ar a laghad athbhreithniú ar dhoiciméadacht theicniúil, nó nuair nach infheidhme, áireofar gníomhaíochtaí ionadaíocha iontu lena ngabhfaidh éifeacht choibhéiseach [...];

- (b) le deimhniú cibearshlándála Eorpach lena dtagraítear do leibhéal dearbhúcháin "substaintiúil", tugtar dearbhú go gcomhlíonann na próisis, táirgí agus seirbhísí TFC na ceanglais slándála faoi seach, lena n-áirítear feidhmiúlachtaí slándála, agus go ndearnadh meastóireacht orthu go leibhéal lena bhféachtar le híoslachdú a dhéanamh ar chibear-rioscaí aitheanta, ar chibeartheagmhais agus ar chibear-ionsaithe a dhéanann gníomhaithe a bhfuil scileanna agus acmhainní teoranta acu. Áireofar an méid seo a leanas ar a laghad ar na gníomhaíochtaí meastóireachta: athbhreithniú a dhéanamh ar neamh-infheidhmeacht na leochaileachtaí atá aitheanta go poiblí agus tástáil a dhéanamh go ndéantar, leis na próisis, táirgí nó seirbhísí TFC, an feidhmiúlacht slándála is gá a chur chun feidhme mar is ceart; murab infheidhme, áireofar orthu gníomhaíochtaí ionadaíocha lena ngabhfaidh éifeacht choibhéiseach[...];

- (c) le deimhniú cibearshlándála Eorpach lena dtagraítear do leibhéal dearbhaithe "ard" (i.e. 'ardleibhéal'), tugtar dearbhú go gcomhlíonann na próisis, táirgí agus seirbhísí TFC na ceanglais slándála faoi seach, lena n-áirítear feidhmiúlachtaí slándála, agus go ndearnadh meastóireacht orthu go leibhéal lena bhféachtar le híoslaghdú a dhéanamh ar an riosca go ndéanfaidh gníomhaithe a bhfuil scileanna agus acmhainní suntasacha acu cibear-ionsaithe úrscothacha. Áireofar sna gníomhaíochtaí meastóireachta ar a laghad: neamh-infheidhmeacht leochaileachtaí atá aitheanta go poiblí a athbhreithniú, tástáil a dhéanamh go ndéantar, leis na próisis, táirgí nó seirbhísí TFC, an feidhmiúlacht slándála is gá a chur chun feidhme mar is ceart, ar an mbonn úrscothach, agus measúnú a dhéanamh ar a bhfrithsheasmhacht in aghaidh ionsaitheoirí oilte trí thástáil treáite; murab infheidhme, áireofar orthu gníomhaíochtaí ionadaíocha lena ngabhfaidh éifeacht choibhéiseach[...].
- 2a. D'fhéadfaí, le scéim Eorpach um dheimhniú i ndáil le cibearshlándáil, leibhéil éagsúla mheastóireachta a shonrú, ag brath ar dhéine agus ar dhoimhneacht na modheolaíochta meastóireachta. Le gach ceann de na leibhéil mheastóireachta, comhfhreagrófar do cheann amháin de na leibhéil dearbhúcháin agus saineofar é le teaglaím iomchuí de chomhpháirteanna dearbhúcháin.

Gnéithe de scéimeanna Eorpacha um dheimhniú i ndáil le cibearshlándáil

1. I scéim Eorpach um dheimhniú i ndáil le cibearshlándáil, áireofar na gnéithe seo a leanas **ar a laghad**:
 - (a) ábhar agus raon feidhme na **scéime** um dheimhniú, lena n-áirítear an cineál nó na catagóirí **próiseas**, táirgí agus seirbhísí TFC a chumhdófar **chomh maith le léargas ar an gcaoi a gcomhlíonann an scéim um dheimhniú riachtanais na spriocghrúpaí ionchasacha**;
 - (b) [...] tagairt do [...] chaighdeáin idirnáisiúnta, **Eorpacha nó náisiúnta** ar cloíodh leo sa mheastóireacht. **I gcás nach mbíonn fáil ar chaighdeáin, déanfar tagairt do [...]** shonraíochtaí teicniúla **a chomhlíonfaidh na ceanglais atá in Iarscríbhinn II a ghabhann le Rialachán 1025/2012 nó, i gcás nach mbíonn na ceanglais sin ar fáil, do shonraíochtaí teicniúla nó do cheanglais eile chibearshlándála a shaineofar sa scéim**;
 - (c) i gcás inarb infheidhme, leibhéal amháin dearbhúcháin nó níos mó;
 - (ca) **i gcás inarb infheidhme, ceanglais shonracha nó bhreise a bheidh infheidhme maidir le comhlachtaí measúnaithe comhréireachta d'fhonn a ráthú go bhfuil an inniúlacht theicniúil acu chun meastóireacht a dhéanamh ar cheanglais chibearshlándála**;

- (d) na critéir agus modhanna meastóireachta sonracha a úsáidtear, lena n-áirítear na cineálacha meastóireachta, d'fhonn a léiriú go bhfuil na cuspóirí sonracha dá dtagraítear in Airteagal 45 bainte amach;
- (e) **i gcás inarb infheidhme**, faisnéis atá le soláthar **nó atá le cur ar fáil ar shlí eile** do na comhlachtaí um measúnú comhréireachta ag an iarratasóir agus atá de dhíth don deimhniú;
- (f) i gcás ina ndéantar foráil sa scéim maidir le marcanna agus lipéid, na coinníollacha faoinar féidir na marcanna nó na lipéid sin a úsáid;
- (g) [...] rialacha maidir le faireachán a dhéanamh ar chomhlíonadh cheanglais na ndeimhnithe **nó ráiteas comhréireachta ón Aontas**, lena n-áirítear sásraí lena léiriú go bhfuil na ceanglais chibearshlándála shonraithe á gcomhlíonadh go leanúnach;
- (h) **i gcás inarb infheidhme**, coinníollacha maidir le deimhniú a dheonú **agus a athnuachan**, **agus** maidir le raon feidhme an deimhnithe a chothabháil, a leathnú agus a laghdú agus maidir le leanúint ar aghaidh leis an raon feidhme sin;
- (i) rialacha maidir leis na hiarmhairtí ar neamh-chomhréireacht táirgí agus seirbhísí TFC, ar táirgí agus seirbhísí deimhnithe **nó féinmheasúnaithe** iad, le ceanglais [...] **na scéime**;
- (j) rialacha maidir leis an gcaoi ina ndéanfar leochaileachtaí cibearshlándála i **bpróisis**, táirgí agus seirbhísí TFC nár braitheadh cheana a thuairisciú agus a láimhseáil;
- (k) **i gcás inarb infheidhme**, rialacha maidir le taifid a choinneáil ag comhlachtaí um measúnú comhréireachta;
- (l) scéimeanna a shainaithint, ar scéimeanna náisiúnta **nó idirnáisiúnta** um dheimhniú i ndáil le cibearshlándáil iad, lena gcumhdaítear an cineál céanna nó na catagóirí céanna **próiseas**, táirgí agus seirbhísí TFC, **ceanglas slándála agus critéar agus modhanna meastóireachta**;
- (m) ábhar an deimhnithe, **nó ábhar ráiteas comhréireachta ón Aontas**, arna eisiúint;

(ma) **tréimhse stórála ráiteas comhréireachta ón Aontas agus dhoiciméadacht theicniúil na faisnéise ábhartha uile ag monaróir nó ag soláthraí táirgí agus seirbhísí TFC;**

(mb[...]) **uastréimhse bhailíochta na ndeimhnithe;**

(mc[...]) **an beartas maidir le nochtadh le haghaidh deimhnithe a dheonaítear, a leasaítear agus a tharraingítear siar;**

(md[...]) **coinníollacha i gcomhair aitheantas frithpháirteach scéimeanna um dheimhniú le tríú tíortha;**

(me[...]) **i gcás inarb infheidhme, rialacha a bhaineann le sásra piar-athbhreithnithe do na comhlachtaí a eisíonn deimhnithe Eorpacha cibearshlándála d'ardleibhéal dearbhúcháin [...] de bhun Airteagal 48(4a).**

2. Ní thiocfaidh riachtanais shonracha na scéime salach ar aon riachtanais dlí is infheidhme, go háirithe riachtanais a eascraíonn as reachtaíocht chomhchuibhithe an Aontais.
3. I gcás ina bhforálann gníomh sonrach den Aontas amhlaidh, féadfar deimhniú **comhréireachta nó ráiteas comhréireachta ón Aontas** faoi scéim Eorpach um dheimhniú i ndáil le cibearshlándáil a úsáid chun an toimhdiú le riachtanais an ghnímh a léiriú.
4. I gcás nach ann do reachtaíocht chomhchuibhithe de chuid an Aontais, féadfar foráil i ndlí na mBallstát go bhféadfar scéim Eorpach um dheimhniú i ndáil le cibearshlándáil a úsáid chun an toimhdiú comhréireachta leis na riachtanais dlí a bhunú.

Airteagal 47a

Féinmheasúnú comhréireachta

1. D'fhéadfaí a cheadú, le scéim Eorpach um dheimhniú i ndáil le cibearshlándáil, measúnú comhréireachta a chur i gcrích faoi fhreagracht mhonaróir nó soláthraí táirgí agus seirbhísí TFC agus faoina bhfreagracht siúd amháin. Beidh an measúnú comhréireachta sin infheidhme maidir le seirbhísí agus táirgí TFC a mbaineann riosca íseal leo agus a chomhfhreagraíonn don leibhéal dearbhúcháin 'bunúsach', agus maidir leis na seirbhísí agus na táirgí sin amháin.
2. Féadfaidh monaróir nó soláthraí táirgí agus seirbhísí TFC ráiteas comhréireachta ón Aontas a eisiúint ina ndeirtear gur léiríodh gur comhlíonadh na ceanglais a leagtar amach sa scéim. Trí ráiteas den sórt sin a ullmhú, glacann monaróir nó soláthraí na dtáirgí agus seirbhísí TFC freagracht as comhlíonadh an táirge nó na seirbhíse TFC leis na ceanglais a leagtar amach sa scéim.
3. Déanfaidh monaróir nó soláthraí táirgí agus seirbhísí TFC, go ceann tréimhse a shaineofar sa scéim Eorpach chomhfhreagrach um dheimhniú i ndáil le cibearshlándáil, an ráiteas comhréireachta ón Aontas agus an doiciméadacht theicniúil faoin bhfaisnéis ábhartha uile a bhaineann le comhréireacht na dtáirgí nó na seirbhísí TFC le scéim a choinneáil ar fáil don údarás náisiúnta um dheimhniú cibearshlándála dá dtagraítear in Airteagal 50(1). Cuirfear cóip den ráiteas comhréireachta ón Aontas faoi bhráid an údaráis náisiúnta um dheimhniú cibearshlándála agus faoi bhráid ENISA.
4. An ráiteas comhréireachta ón Aontas a eiseofar de bhun an Airteagail seo, is ar bhonn deonach a eiseofar é mura sonraítear a mhalairt i ndlí an Aontais nó i ndlí na mBallstát.
5. An ráiteas comhréireachta ón Aontas a eiseofar de bhun an Airteagail seo, tabharfar aitheantas dó i ngach Ballstát.

Deimhniú cibearshlándála

1. Measfar go gcomhlíonann **próisis**, táirgí agus seirbhísí TFC arna ndeimhniú faoi scéim Eorpach um dheimhniú i ndáil le cibearshlándáil arna glacadh de bhun Airteagal 44 ceanglais scéime den chineál sin.
2. Is deimhniú deonach a bheidh ann, mura sonraítear a mhalairt le dlí an Aontais **nó le dlí na mBallstát**.
3. Eiseoidh na comhlachtaí um measúnú comhréireachta dá dtagraítear in Airteagal 51, ar bhonn critéir a chumhdaítear sa scéim Eorpach um dheimhniú i ndáil le cibearshlándáil, arna glacadh de bhun Airteagal 44, deimhniú Eorpach i ndáil le cibearshlándáil **lena dtagraítear don leibhéal 'bunúsach' nó 'substaintiúil' dearbhúcháin**.
4. De [...] mhaolú ar mhír 3, i gcásanna a bhfuil údar cuí leo, féadfar foráil le scéim Eorpach áirithe **um dheimhniú** i ndáil le cibearshlándáil nach bhféadfar an deimhniú Eorpach um chibearshlándála a eisiúint ach amháin ag comhlacht poiblí. Is é a bheidh sa chomhlacht [...] sin ceann amháin díobh seo a leanas:
 - (a) údarás [...] náisiúnta um dheimhniú **cibearshlándála** dá dtagraítear in Airteagal 50(1);
 - (b) comhlacht **poiblí** atá creidiúnaithe mar chomhlacht um measúnú comhréireachta de bhun Airteagal 51(1) [...]
 - (c) [...].
- 4a. **I gcásanna ina n-éilítear, le scéim Eorpach um dheimhniú i ndáil le cibearshlándáil de bhun Airteagal 44, ardleibhéal dearbhúcháin, ní ceadmhach ach d'údarás náisiúnta um dheimhniú cibearshlándála dá dtagraítear in Airteagal 50(1) agus don údarás sin amháin nó, faoi na coinníollacha seo a leanas, do chomhlacht um measúnú comhréireachta dá dtagraítear in Airteagal 51, an deimhniú a eisiúint:**

- (a) má dhéanann údarás náisiúnta um dheimhniú cibearshlándála formheas a thabhairt roimh ré i gcás gach deimhniú aonair a eisíonn comhlacht um measúnú comhréireachta; nó
- (b) má dhéanann an t-údarás náisiúnta um dheimhniú cibearshlándála an cúram sin a tharmligean go ginearálta, roimh ré, do chomhlacht um measúnú comhréireachta.
5. An duine nádúrtha nó dlítheanach a chuireann a **phróisis**, a tháirgí nó a sheirbhísí TFC faoi bhráid an tsásra deimhniúcháin, cuirfidh sé an fhaisnéis go léir is gá chun an próiseas deimhniúcháin a dhéanamh **ar fáil** don chomhlacht um measúnú comhréireachta dá dtagraítear in Airteagal 51 **nó don údarás náisiúnta um dheimhniú cibearshlándála dá dtagraítear in Airteagal 50, i gcás inarb ionann an t-údarás sin agus an comhlacht a eisíonn an deimhniú, [...]**.
- 5a. An té a mbeidh deimhniú ina sheilbh, cuirfidh sé an comhlacht a eisíonn an deimhniú ar an eolas faoi aon leochaileachtaí nó neamhrialtachtaí a bhraitear ina dhiaidh sin maidir le slándáil an phróisis, táirge nó seirbhíse deimhnithe TFC a d'fhéadfadh tionchar a bheith acu ar na ceanglais a bhaineann leis an deimhniú. Cuirfidh an comhlacht an fhaisnéis sin ar aghaidh gan aon mhoill mhíchuí chuig an údarás náisiúnta um dheimhniú cibearshlándála.
6. Eiseofar deimhnithe don [...] **tréimhse a shainítear leis an scéim deimhniúcháin ar leith** agus féadfar iad a athnuachan, [...] ar choinníoll go leanfar de na ceanglais ábhartha a chomhlíonadh.
7. Déanfar deimhniú Eorpach cibearshlándála arna eisiúint de bhun an Airteagail seo a aithint sna Ballstáit go léir.

Airteagal 49

Scéimeanna agus deimhnithe náisiúnta um dheimhniú i ndáil le cibearshlándáil

1. Gan dochar do mhír 3, scoirfidh scéimeanna náisiúnta um dheimhniú i ndáil le cibearshlándáil agus na nósanna imeachta gaolmhara do **phróisis**, do tháirgí agus do sheirbhísí TFC arna gcumhdach ag scéim Eorpach um dheimhniú i ndáil le cibearshlándáil d'éifeachtaí dlí a bheith acu ón dáta arna bhunú leis an ngníomh cur chun feidhme arna ghlacadh de bhun Airteagal 44(4). Scéimeanna náisiúnta um dheimhniú i ndáil le cibearshlándáil agus na nósanna imeachta gaolmhara do **phróisis**, do tháirgí agus do sheirbhísí TFC nach gcumhdaítear le scéim Eorpach um dheimhniú i ndáil le cibearshlándáil, leanfaidh na scéimeanna sin de bheith infheidhme.
2. Ní dhéanfaidh na Ballstáit scéimeanna náisiúnta nua um dheimhniú i ndáil le cibearshlándáil a thabhairt isteach do **phróisis**, do tháirgí agus do sheirbhísí TCF arna gcumhdach faoi scéim Eorpach um dheimhniú cibearshlándála atá i bhfeidhm.
3. Leanfaidh deimhnithe, atá ann cheana, a eisíodh faoi scéimeanna náisiúnta um dheimhniú i ndáil le cibearshlándáil agus a chumhdaítear **faoi scéim Eorpach um dheimhniú i ndáil le cibearshlándáil** de bheith bailí go dtí a ndáta éaga.

Airteagal 50

Údaráis [...] náisiúnta um dheimhniú cibearshlándála

1. **Ainmneoidh** gach Ballstát [...] **aon** údarás náisiúnta um dheimhniú cibearshlándála amháin nó níos mó ar a chríoch nó, má chomhaontaítear go frithpháirteach é le **Ballstát eile**, ainmneoidh sé údarás amháin nó níos mó atá bunaithe sa **Bhallstát eile** sin le bheith freagrach as na cúraimí maoirseachta sa **Bhallstát ainmniúcháin**.
2. Tabharfaidh gach Ballstát fógra don Choimisiún faoi chéannacht na **n-údarás [...]** a ainmneofar agus faoi na cúraimí a shannfar dóibh.

3. **Gan dochar d'Airteagal 48(4)(a) agus d'Airteagal 48(4a), [...]** beidh gach údarás náisiúnta [...] um dheimhniú **cibearshlándála**, ó thaobh eagrúcháin, cinntí maoinithe, struchtúir dhlíthiúil agus cinnteoireachta de, neamhspleách ar na heintitis ar a ndéanfaidh sé maoirseacht.
- 3a. **Áiritheoidh na Ballstáit go gcloífidh gníomhaíochtaí an údaráis náisiúnta um dheimhniú cibearshlándála, a bhaineann le deimhnithe a eisiúint i gcomhréir le hAirteagal 48(4)(a) agus le hAirteagal 48(4a), go gcloífidh siad leis an deighilt dhocht, ó thaobh ról agus freagrachtaí, idir na gníomhaíochtaí sin agus na gníomhaíochtaí maoirseachta atá san Airteagal seo agus go bhfeidhmeoidh an dá chineál gníomhaíochtaí go neamhspleách ar a chéile.**
4. Áiritheoidh na Ballstáit go mbeidh acmhainní leordhóthanacha ag údaráis [...] náisiúnta um dheimhniú **cibearshlándála** chun a gcumhachtaí a fheidhmiú agus chun na cúraimí a shannfar dóibh a dhéanamh, ar bhealach éifeachtach éifeachtúil.
5. Chun go gcuirfear an rialachán seo chun feidhme go héifeachtach, is iomchuí na húdaráis sin a bheith rannpháirteach sa Ghrúpa Eorpach um dheimhniú i ndáil le cibearshlándáil a bhunaítear de bhun Airteagal 53 ar bhealach gníomhach éifeachtach éifeachtúil slán.
6. Déanfaidh na húdaráis [...] náisiúnta um dheimhniú **cibearshlándála** an méid seo a leanas:
- (a) [...]
- (aa) **na hoibleagáidí atá ar mhonaróir nó soláthraí táirgí agus seirbhísí TFC atá bunaithe ar a gcríoch féin, a leagtar amach in Airteagal 47a(2) agus (3) agus sa scéim Eorpach chomhfhreagrach um dheimhniú i ndáil le cibearshlándáil, a fhaireachán agus a chur chun feidhme;**

- (b) [...] **gan dochar d'Airteagal 51(1b), cúnamh a thabhairt do na comhlachtaí creidiúnaithe náisiúnta faireachán agus maoirseacht a dhéanamh ar ghníomhaíochtaí na gcomhlachtaí measúnaithe comhréireachta chun críche an Rialacháin seo [...];**
- (ba) **faireachán agus maoirseacht a dhéanamh ar na comhlachtaí dá dtagraítear in Airteagal 48(4);**
- (bb) **údarú a thabhairt do chomhlachtaí um measúnú comhréireachta dá dtagraítear in Airteagal 51(1b) agus údarú atá ann cheana a shrianadh, a chur ar fionraí nó a tharraingt siar i gcásanna nach gcomhlíontar ceanglais an Rialacháin seo;**
- (c) gearáin a láimhseáil arna gcur isteach ag daoine nádúrtha nó dlítheanacha i ndáil le deimhnithe arna n-eisiúint ag [...] **an údarás náisiúnta um dheimhniú cibearshlándála nó, i gcomhréir le hAirteagal 48(4a), [...] ag comhlachtaí um measúnú comhréireachta,** ábhar an ghearáin a imscrúdú, a mhéid is iomchuí, agus an gearánaí a chur ar an eolas faoi dhul chun cinn agus toradh an imscrúdaithe laistigh de thréimhse réasúnach;
- (d) oibriú i gcomhar le húdaráis [...] náisiúnta eile um dheimhniú **cibearshlándála** nó le húdaráis phoiblí eile, lena n-áirítear trí fhaisnéis a roinnt faoi na cásanna sin inar féidir nach bhfuil **próisis**, táirgí agus seirbhísí TFC ag comhlíonadh cheanglais an Rialacháin seo nó na scéimeanna Eorpacha ar leith um dheimhniú i ndáil le cibearshlándáil;
- (e) faireachán a dhéanamh ar fhorbairtí ábhartha i réimse an deimhnithe i ndáil leis an gcibearshlándáil.
7. Beidh na cumhachtaí seo a leanas ar a laghad ag gach údarás [...] náisiúnta um dheimhniú **cibearshlándála** maidir leis an méid seo a leanas:

- (a) a iarraidh ar chomhlachtaí um dheimhniú comhréireachta, [...] ar shealbhóirí deimhnithe Eorpacha i ndáil le cibearshlándáil **agus ar eisitheoirí an ráitis comhréireachta ón Aontas** aon fhaisnéis a éilíonn sé a chur ar fáil chun a chúram a dhéanamh;
 - (b) imscrúduithe a dhéanamh, i bhfoirm iniúchtaí, ar chomhlachtaí um measúnú comhréireachta, [...]ar shealbhóirí deimhnithe Eorpacha i ndáil le cibearshlándáil **agus ar eisitheoirí an ráitis comhréireachta ón Aontas**, chun críche comhlíonadh leis na forálacha faoi Theideal III a fhíorú;
 - (c) bearta cuí a dhéanamh, i gcomhréir leis an dlí náisiúnta, d'fhonn a áirithiú go gcomhlíonann na comhlachtaí um measúnú comhréireachta, [...]sealbhóirí deimhnithe **agus eisitheoirí an ráitis comhréireachta ón Aontas** an Rialachán seo nó scéim Eorpach um dheimhniú i ndáil le cibearshlándáil;
 - (d) rochtain a fháil ar aon áitreabh de chuid comhlachtaí um measúnú comhréireachta agus sealbhóirí deimhnithe Eorpacha i ndáil le cibearshlándáil chun críche imscrúduithe a dhéanamh i gcomhréir le dlí nós imeachta an Aontais nó Ballstáit;
 - (e) deimhnithe **arna n-eisiúint ag an údarás náisiúnta um dheimhniú i ndáil le cibearshlándáil nó, i gcomhréir le hAirteagal 48(4a) ag comhlachtaí um measúnú comhréireachta** nach gcomhlíonann an Rialachán seo ná scéim Eorpach um dheimhniú i ndáil le cibearshlándáil a aistarraingt, i gcomhréir leis an dlí náisiúnta;
 - (f) pionóis a ghearradh, dá foráiltear in Airteagal 54, i gcomhréir leis an dlí náisiúnta, agus a éileamh go scoirfear láithreach de na sáruithe ar oibleagáidí a leagtar amach sa Rialachán seo.
8. Oibreoidh údaráis mhaoirseachta náisiúnta um dheimhniú **cibearshlándála** i gcomhar le chéile agus leis an gCoimisiún agus, go háirithe, malartóidh siad faisnéis, taithí agus dea-chleachtais maidir leis an deimhniú i ndáil le cibearshlándáil agus saincheisteanna teicniúla a bhaineann le cibearshlándáil **phróisis**, tháirgí agus sheirbhísí TFC.

Airteagal 51

Comhlachtaí measúnaithe comhréireachta

1. Ní dhéanfaidh an comhlacht creidiúnaithe náisiúnta a ainmnítear de bhun Rialachán (CE) Uimh. 765/2008 na comhlachtaí um measúnú comhréireachta a chreidiúnú ach amháin má chomhlíonann siad na ceanglais a leagtar amach san Iarscríbhinn a ghabhann leis an Rialachán seo.
 - 1a. **I gcásanna ina n-eiseoidh údarás náisiúnta um dheimhniú cibearshlándála deimhniú Eorpach cibearshlándála de bhun Airteagal 48(4)(a) agus Airteagal 48(4a), déanfar comhlacht creidiúnaithe an údaráis náisiúnta um dheimhniú cibearshlándála a chreidiúnú mar chomhlacht um measúnú comhréireachta de bhun mhír 1 den Airteagal seo.**
 - 1b. **I gcás inarb infheidhme, údaróidh an t-údarás náisiúnta um dheimhniú cibearshlándála do na comhlachtaí um measúnú comhréireachta a gcuid cúraimí a chur i gcrích nuair a chomhlíonann siad ceanglais shonracha nó ceanglais bhreise a leagtar amach sa scéim Eorpach um dheimhniú de bhun Airteagal 47(1)(ca).**
2. Eiseofar creidiúnú le haghaidh uastréimhse cúig bliana agus féadfar é a athnuachan faoi na coinníollacha céanna ar choinníoll go gcomhlíonann an comhlacht um measúnú comhréireachta na coinníollacha a leagtar amach san Airteagal seo. Déanfaidh na comhlachtaí creidiúnaithe **gach beart is iomchuí taobh istigh d'achar ama réasúnta chun creidiúnú comhlachta um measúnú comhréireachta a shrianadh, a fhionraí nó a aisghairm de bhun mhír 1 den Airteagal seo i gcás nach mbeidh na coinníollacha le haghaidh deimhniú comhlíonta, nó nach mbeidh siad á gcomhlíonadh a thuilleadh nó i gcás ina sáróidh bearta a dhéanfaidh comhlacht um measúnú comhréireachta an Rialachán seo.**

Fógra a thabhairt

1. Maidir le gach scéim Eorpach um dheimhniú i ndáil le cibearshlándáil arna glacadh de bhun Airteagal 44, cuirfidh na húdaráis [...] náisiúnta um dheimhniú **cibearshlándála** fógra chuig an gCoimisiún maidir leis na [...] comhlachtaí um measúnú comhréireachta arna gcreidiúnú **agus i gcás inarb infheidhme, arna n-údarú de bhun Airteagal 51(1b)** chun deimhniú a eisiúint ar leibhéal áirithe dearbhúcháin dá dtagraítear in Airteagal 46 agus, gan aon mhoill mhíchuí, maidir le haon athruithe iardain a dhéanfar uirthi.
2. Bliain amháin tar éis teacht i bhfeidhm do scéim Eorpach um dheimhniú i ndáil le cibearshlándáil, foilseoidh an Coimisiún san Iris Oifigiúil liosta comhlachtaí um measúnú comhréireachta ar tugadh fógra ina leith.
3. Má fhaigheann an Coimisiún fógra tar éis dhul in éag na tréimhse dá dtagraítear i mír 2 [...], foilseoidh sé in Iris Oifigiúil an Aontais Eorpaigh na leasuithe ar an liosta dá dtagraítear i mír 2 laistigh de dhá mhí ón dáta a bhfaighfear an fógra sin.
4. Féadfaidh údarás [...] náisiúnta um dheimhniú **cibearshlándála** iarraidh a chur faoi bhráid an Choimisiúin chun comhlacht um measúnú comhréireachta ar thug an t-údarás maoirseachta náisiúnta um dheimhniú sin fógra ina leith a bhaint den liosta dá dtagraítear i mír 2 den Airteagal seo. Foilseoidh an Coimisiún na leasuithe comhfhreagracha ar an liosta in Iris Oifigiúil an Aontais Eorpaigh faoi cheann aon mhí amháin ón dáta a bhfaighfidh sé an iarraidh sin ón údarás [...] náisiúnta um dheimhniú **cibearshlándála**.
5. Féadfaidh an Coimisiún, trí bhíthin gníomhartha cur chun feidhme, cúinsí, formáidí agus nósanna imeachta na bhfógraí dá dtagraítear i mír 1 den Airteagal seo a shainiú. Glacfar na gníomhartha cur chun feidhme sin i gcomhréir leis an nós imeachta scrúdúcháin dá dtagraítear in Airteagal 55(2).

Grúpa Eorpach um dheimhniú i ndáil le cibearshlándáil

1. Bunófar an Grúpa Eorpach um Dheimhniú i ndáil le Cibearshlándáil (an "Grúpa").
2. Beidh an Grúpa comhdhéanta **d'ionadaithe ó údaráis [...]** náisiúnta um dheimhniú **cibearshlándála nó ó ionadaithe ó údaráis náisiúnta ábhartha eile. [...]** Ní fhéadfaidh **aon chomhalta den Ghrúpa a bheith ina ionadaí ar níos mó ná aon Bhallstát amháin.**
3. Beidh na cúraimí seo a leanas ar an nGrúpa:
 - (a) cúnamh agus comhairle a chur ar fáil don Choimisiún maidir lena chuid oibre lena áirithiú go ndéanfar an Teideal seo a chur chun feidhme agus a chur i bhfeidhm go comhsheasmhach, go háirithe i ndáil le saincheisteanna beartais a bhaineann le deimhniú i ndáil le cibearshlándáil, cur chuige beartais a chomhordú agus scéimeanna Eorpacha um dheimhniú i ndáil le cibearshlándáil a ullmhú.
 - (b) cúnamh agus comhairle a thabhairt do ENISA agus oibriú i gcomhar leis i ndáil le scéim iarrthach a ullmhú i gcomhréir le hAirteagal 44 den Rialachán seo;
 - (ba) tuairim a ghlacadh ar an scéim iarrthach de bhun Airteagal 44 den Rialachán seo;**
 - (c) a [...] **iarraidh** ar an nGníomhaireacht scéim iarrthach um dheimhniú Eorpach i ndáil le cibearshlándáil a ullmhú i gcomhréir le hAirteagal 44 den Rialachán seo;
 - (ca) treoirlínte a fhorbairt agus a ghlacadh maidir le critéir chun measúnú a dhéanamh ar thograí le haghaidh scéim iarrthach a ullmhú a thíolacfar don Choimisiún nó don Ghrúpa de bhun Airteagal 44(1a);**
 - (d) tuairimí a chuirfear faoi bhráid an Choimisiún a ghlacadh maidir leis na scéimeanna Eorpacha um dheimhniú i ndáil le cibearshlándáil atá ann cheana a chothabháil agus a athbhreithniú;

- (e) na forbairtí ábhartha i réimse an deimhnithe i ndáil le cibearshlándáil a scrúdú agus dea-chleachtais maidir le scéimeanna um dheimhniú i ndáil le cibearshlándáil a mhalartú;
 - (f) an comhar idir na húdaráis [...] náisiúnta um dheimhniú **cibearshlándála** faoin Teideal seo a éascú trí **fhothú acmhainní**, trí fhaisnéis a mhalartú, go háirithe trí mhodhanna a leagan síos le faisnéis a mhalartú go héifeachtúil i ndáil leis na saincheisteanna uile maidir le deimhniú i ndáil le cibearshlándáil;
 - (fa) **tacaíocht a chur ar fáil maidir leis an sásra piar-athbhreithnithe a chur chun feidhme [...] i gcomhréir leis na rialacha a bhunaítear faoi scéim Eorpach um dheimhniú i ndáil le cibearshlándáil de bhun Airteagal 47(1)(md) den Rialachán seo.**
4. Is é an Coimisiún a bheidh ina chathaoirleach ar an nGrúpa **i gcáil modhnóra** agus cuirfidh sé an rúnaíocht ar fáil dó, le cúnamh ó ENISA, mar a fhoráiltear in Airteagal 8(a).

Airteagal 53a

An ceart chun gearán a thaisceadh leis an údarás náisiúnta um dheimhniú [...] cibearshlándála

1. **Beidh an ceart ag daoine nádúrtha nó dlítheanacha gearán a thaisceadh leis an údarás náisiúnta um dheimhniú [...] cibearshlándála i ndáil le deimhniú arna eisiúint ag an údarás náisiúnta um dheimhniú [...] cibearshlándála nó, i gcomhréir le hAirteagal 48(4a) [...], ag comhlachtaí um measúnú comhréireachta [...].**
2. **Cuirfidh an t-údarás [...] náisiúnta um dheimhniú cibearshlándála ar taisceadh an gearán leis an gearánach ar an eolas maidir le dul chun cinn agus toradh an ghearáin, lena n-áirítear an fhéidearthacht leigheas breithiúnach a fháil de bhun Airteagal 53b.**

Airteagal 53b

An ceart chun leigheas breithiúnach éifeachtach a fháil

- 1. Beidh an ceart ag daoine nádúrtha nó dlítheanacha chun leigheas breithiúnach éifeachtach a fháil i gcoinne cinneadh atá ceangailteach ó thaobh dlí de a dhéanann údarás náisiúnta um dheimhniú cibearshlándála agus a bhaineann leo.**
- 2. Beidh an ceart ag daoine nádúrtha nó dlítheanacha chun leigheas breithiúnach éifeachtach a fháil más rud é nach ndéanann údarás náisiúnta um dheimhniú cibearshlándála gearán a láimhseáil.**
- 3. Imeachtaí i gcoinne údarás náisiúnta um dheimhniú cibearshlándála, tabharfar os comhair na cúirte ina bhfuil an t-údarás bunaithe iad.**

Airteagal 54

Pionóis

Déanfaidh na Ballstáit na rialacha a bhaineann leis na pionóis is infheidhme maidir le sáruithe ar an Teideal seo agus ar scéimeanna Eorpacha um dheimhniú i ndáil le cibearshlándáil a leagan síos agus glacfaidh siad gach beart is gá lena áirithiú go gcuirfear chun feidhme iad. Beidh na pionóis dá bhforáiltear éifeachtach, comhréireach agus athchomhairleach. Tabharfaidh na Ballstáit [faoi.../gan moill] fógra don Choimisiún faoi na rialacha sin agus na bearta sin agus tabharfaidh siad fógra dó faoi aon leasú ina dhiaidh sin a dhéanfaidh difear dóibh.

TEIDEAL IV

FORÁLACHA CRÍOCHNAITHEACHA

Airteagal 55

Nós imeachta coiste

1. Tabharfaidh coiste cúnamh don Choimisiún. Beidh an coiste sin ina choiste de réir bhrí Rialachán (AE) Uimh. 182/2011.
2. I gcás ina ndéanfar tagairt don mhír seo, beidh feidhm ag Airteagal 5(4)(b) de Rialachán (AE) Uimh. 182/2011.

Airteagal 56

Meastóireacht agus athbhreithniú

1. Tráth nach déanaí ná cúig bliana tar éis an dáta dá dtagraítear in Airteagal 58, agus gach cúig bliana ina dhiaidh sin, déanfaidh an Coimisiún meastóireacht ar thionchar, ar éifeachtacht agus ar éifeachtúlacht na Gníomhaireachta agus a cleachtas oibre agus ar an ngá a d'fhéadfadh a bheith ann sainordú na Gníomhaireachta a mhodhnú agus ar na himpleachtaí airgeadais a d'fhéadfadh a bheith ag aon mhodhnú den sórt sin. Cuirfear san áireamh sa mheastóireacht aon aiseolas a thugtar don Ghníomhaireacht mar fhreagairt ar a gníomhaíochtaí. I gcás ina measfaidh an Coimisiún nach bhfuil údar a thuilleadh ag an nGníomhaireacht leanúint leis na cuspóirí, an sainordú agus na cúraimí atá sannta di, féadfaidh sé a mholadh an Rialachán seo a leasú i dtaca leis na forálacha a bhaineann leis an nGníomhaireacht.
2. Leis an meastóireacht sin déanfar measúnú freisin ar thionchar, éifeachtacht agus éifeachtúlacht fhorálacha Theideal III i dtaca leis na cuspóirí leibhéal leordhóthanach cibearshlándála a áirithiú do tháirgí agus seirbhísí TFC san Aontas agus feidhmiú an mhargaidh inmheánaigh a fheabhsú.

3. Cuirfidh an Coimisiún ar aghaidh an tuarascáil meastóireachta i dteannta a conclúidí chuig Parlaimint na hEorpa, chuig an gComhairle agus chuig an mBord Bainistíochta. Déanfar torthaí na tuarascála meastóireachta sin a phoibliú.

Airteagal 57

Aisghairm agus comharbas

1. Aisghairtear Rialachán (CE) Uimh. 526/2013 le héifeacht ón [...]
2. Déanfar tagairtí do Rialachán (CE) Uimh. 526/2013 agus do ENISA a fhorléiriú mar thagairtí don Rialachán seo agus don Ghníomhaireacht.
3. Tagann an Ghníomhaireacht i gcomharbas ar an nGníomhaireacht a bunaíodh le Rialachán (CE) Uimh. 526/2013 i ndáil le gach úinéireacht, comhaontú, oibleagáid dhlíthiúil, conradh fostaíochta, ceangaltas airgeadais agus dliteanas. Leanfaidh cinntí uile an Bhoird Bainistíochta agus an Bhoird Feidhmiúcháin atá i bhfeidhm faoi láthair de bheith bailí, ar choinníoll nach bhfuil siad i gcoinbhleacht le forálacha an Rialacháin seo.
4. Bunófar an Ghníomhaireacht ar feadh tréimhse ama éiginnte ag tosú an [...]
5. Is é a bheidh ina Stiúrthóir Feidhmiúcháin arna cheapadh de bhun Airteagal 24(4) de Rialachán (CE) Uimh. 526/2013, Stiúrthóir Feidhmiúcháin na Gníomhaireachta ar feadh a bheidh fágtha dá théarma oifige.
6. Is iad a bheidh ina gcomhaltaí agus ina gcomhaltaí malartacha den Bhord Bainistíochta arna gceapadh de bhun Airteagal 6 de Rialachán (CE) Uimh. 526/2013, comhaltaí Bhord Bainistíochta na Gníomhaireachta agus a gcomhaltaí malartacha ar feadh a bheidh fágtha dá dtéarma oifige.

Airteagal 58

Teacht i bhfeidhm

1. Tiocfaidh an Rialachán seo i bhfeidhm an fichiú lá [tar éis lá] a fhoilsithe in Iris Oifigiúil an Aontais Eorpaigh.
- 1a. **Beidh feidhm ag an Rialachán seo ón [...] cé is moite d'Airteagail 50, 51, 52, 53a, 53b agus 54, a bheidh infheidhme ón [24 mhí tar éis dháta a fhoilsithe in Iris Oifigiúil an Aontais Eorpaigh].**
2. Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil,

Thar ceann Pharlaimint na hEorpa
An tUachtarán

Thar ceann na Comhairle
An tUachtarán

NA CEANGLAIS ATÁ LE COMHLÍONADH AG NA COMHLACHTAÍ UM MEASÚNÚ COMHRÉIREACHTA

Comhlíonfaidh na comhlachtaí ar mian leo creidiúnú a fháil na ceanglais seo a leanas:

1. Bunófar comhlacht um measúnú comhréireachta de réir an dlí náisiúnta agus beidh pearsantacht dhlítheanach aige.
2. Beidh comhlacht um measúnú comhréireachta ina chomhlacht tríú páirtí agus é neamhspleách ar an eagraíocht nó ar na táirgí nó seirbhísí TFC a dhéanann sé a mheasúnú.
3. Féadfar a mheas gur comhlacht um measúnú comhréireachta é comhlacht a bhaineann le comhlachas gnó nó le cónaidhm ghairmiúil a dhéanann ionadaíocht ar ghnóthais a bhíonn ag plé le dearadh, monarú, soláthar, cóimeáil, úsáid nó cothabháil táirgí agus seirbhísí TFC a ndéanann sé measúnú orthu, ar choinníoll go léirítear go bhfuil sé neamhspleách agus nach bhfuil aon choinbhleacht leasa ann.
4. Comhlacht um measúnú comhréireachta agus lucht a ardbhainistíochta, agus an fhoireann atá freagrach as cúraimí an mheasúnaithe comhréireachta a chur i gcrích, ní bheidh siad ina ndearthóirí, ina monaróirí, ina soláthraithe, ina suiteálaithe, ina gceannaitheoirí, ina n-úinéirí, ina n-úsáideoirí nó ina gcothabhálaithe ar an táirge nó an tseirbhís TFC a ndéantar measúnú air, ná ní bheidh siad ina n-ionadaithe údaráithe de chuid aon cheann de na páirtithe sin. Ní choisctear, leis sin, táirgí a rinneadh measúnú orthu a úsáid a bhfuil gá leo i dtaca le hoibríochtaí an chomhlachta um measúnú comhréireachta ná táirgí sin a úsáid chun críocha pearsanta.
5. Maidir le comhlacht um measúnú comhréireachta agus lucht a ardbhainistíochta, agus maidir leis an bhfoireann atá freagrach as an measúnú comhréireachta a chur i gcrích, ní bheidh baint dhíreach acu le dearadh, monarú nó tógáil, le margaíocht, le suiteáil, le húsáid nó le cothabháil na dtáirgí agus na seirbhísí TFC sin, ná ní dhéanfaidh siad ionadaíocht ar pháirtithe a ghabhann de na gníomhaíochtaí sin. Ní ghabhfaidh siad d'aon ghníomhaíocht a d'fhéadfadh teacht salach ar neamhspleáchas a mbreithiúnais ná a n-ionracais i ndáil le gníomhaíochtaí um measúnú comhréireachta a dtugtar fógra dóibh ina leith. Beidh feidhm ag an gceanglas seo go háirithe maidir le seirbhísí comhairliúcháin.

6. Áiritheoidh comhlachtaí um measúnú comhréireachta nach ndéanfaidh gníomhaíochtaí a bhfochuideachtaí ná a bhfochonraitheoirí difear do rúndacht, d'oibiachtúlacht ná do neamhchlaontacht a ngníomhaíochtaí um measúnú comhréireachta féin.
7. Déanfaidh na comhlachtaí um measúnú comhréireachta agus a bpearsanra na gníomhaíochtaí um measúnú comhréireachta a chur i gcrích de réir an leibhéil is airde ionracas gairmiúil agus de réir na hinniúlachta teicniúla is gá sa réimse sonrach lena mbaineann, agus beidh siad saor ó gach cineál brú agus aslaigh lena n-áirítear brú agus aslach de chineál airgeadais, a bhféadfadh tionchar a bheith acu ar a mbreithiúnas nó ar thorthaí a ngníomhaíochtaí um measúnú comhréireachta, go háirithe a mhéid a bhaineann le daoine nó grúpaí a mbeadh leas acu as torthaí na ngníomhaíochtaí sin.
8. Beidh ar chumas an chomhlachta um measúnú comhréireachta na cúraimí measúnaithe comhréireachta go léir a chur i gcrích a shanntar dó faoin Rialachán seo, cibé acu a dhéanann an comhlacht um measúnú comhréireachta féin na cúraimí sin a chur i gcrích nó a dhéantar thar a cheann agus faoina fhreagracht iad.
9. Le haghaidh gach nós imeachta um measúnú comhréireachta agus le haghaidh gach cineál, catagóir agus fochatagóir táirgí agus seirbhísí TFC, beidh na nithe seo a leanas ar fáil do chomhlacht um measúnú comhréireachta i gcónaí:
 - (a) pearsanra ag a bhfuil an t-eolas teicniúil is gá agus taithí leordhóthanach iomchuí acu chun na cúraimí um measúnú comhréireachta a chur i gcrích;
 - (b) tuairiscí ar na nósanna imeachta ar i gcomhréir leo a dhéantar an measúnú comhréireachta, lena n-áirithítear trédhearcacht agus in-atáirgtheacht na nósanna imeachta sin. Beidh beartais agus nósanna imeachta iomchuí i bhfeidhm aige lena ndéanfar idirdhealú idir na cúraimí a dhéanann sé mar chomhlacht dá dtugtar fógra agus gníomhaíochtaí eile;
 - (c) na nósanna imeachta sin a ghabhann le gníomhaíochtaí a chur i gcrích a chuireann san áireamh méid an ghnóthais, an earnáil ina bhfuil sé ag oibriú, a struchtúr, castacht theicneolaíocht an táirge TFC nó na seirbhíse TFC atá i gceist agus cineál an phróisis táirgthe, is é sin, cé acu olltáirgeadh nó táirgeadh sraithe é.

10. Beidh ag comhlacht um measúnú comhréireachta na hacmhainní is gá chun na cúraimí teicniúla agus riaracháin a bhaineann leis na gníomhaíochtaí um measúnú comhréireachta a dhéanamh ar bhealach iomchuí; beidh rochtain aige ar an trealamh agus ar na saoráidí uile is gá chuige sin.
11. Beidh na hinniúlachtaí seo a leanas ag an bpearsanra atá freagrach as na gníomhaíochtaí um measúnú comhréireachta a dhéanamh:
 - (a) oiliúint mhaith theicniúil agus ghairme a chumhdóidh na gníomhaíochtaí uile um measúnú comhréireachta;
 - (b) eolas sásúil ar na ceanglais a bhíonn i gceist sna measúnuithe a dhéanann siad agus údarás leordhóthanach chun na measúnuithe sin a dhéanamh;
 - (c) eolas agus tuiscint iomchuí ar na ceanglais is infheidhme agus ar na caighdeáin tástála;
 - (d) an cumas deimhnithe, taifid agus tuarascálacha a ullmhú lena dtaispeánfar gur cuireadh measúnuithe i gcrích.
12. Ráthófar neamhchlaontacht an chomhlachta um measúnú comhréireachta, lucht a ardbhainistíochta, agus na foirne measúnúcháin.
13. Ní bheidh luach saothair lucht ardbhainistíochta agus fhoireann measúnúcháin an chomhlachta um measúnú comhréireachta ag brath ar líon na measúnuithe a chuirfear i gcrích ná ar thorthaí na measúnuithe sin.
14. Rachaidh comhlachtaí um measúnú comhréireachta faoi árachas dliteanais ach amháin má ghabhann an Ballstát dliteanas air féin i gcomhréir leis an dlí náisiúnta, nó i gcás inarb é an Ballstát féin atá freagrach go díreach as an measúnú comhréireachta.

15. Urramóidh pearsanra comhlachta um measúnú comhréireachta rúndacht ghairmiúil maidir leis an bhfaisnéis uile a fhaightear agus a cuid gcúraimí á gcomhlíonadh aige faoin Rialachán seo nó de bhun aon fhoráil de chuid an dlí náisiúnta a thugann éifeacht dó, ach amháin maidir le húdaráis inniúla na mBallstát ina ndéantar gníomhaíochtaí na seirbhíse.
 16. Comhlíonfaidh na comhlachtaí um measúnú ceanglais **an chaighdeáin ábhartha a chomhchuibhítear faoi Rialachán (CE) 765/2008 le haghaidh creidiúnú comhlachtaí um measúnú comhréireachta a dhéanann próisis, táirgí nó seirbhísí a dheimhniú[...].**
 17. Áiritheoidh na comhlachtaí um measúnú comhréireachta go sásóidh na saotharlanna tástála a úsáidfear chun críche measúnúcháin comhréireachta ceanglais **an chaighdeáin ábhartha a chomhchuibhítear faoi Rialachán (CE) 765/2008 le haghaidh creidiúnú saotharlanna a dhéanann tástáil[...].**
-